

MARGARITA

THEOLOGICA

CONTINENS PRÆCIPVOS

locos doctrinæ Christianæ per quæ-
stiones breuiter & ordine explicatos.

Omnibus pastoribus, verbi
præconibus, & Eccle-
siæ ministris ne-
cessaria.

AUTORE IOAN. SPANGE-
bergio, Herdesiano, apud
Northusianos verbi
minist'ro.

LONDINI,

Apud Henricum Bynneman.

ANNO. 1573.

SK

PRÆFATIO.

ILLVSTRISSIMO PRIN-
cipi & domino D. Philippo, Duci
Brunsvicensi. &c. Domino suo cle-
mentissimo, Salutem.

EFlagitarunt iamdudum (cla-
rissime Princeps) quidam ex
tuæ celsitudinis ditione verbi
diuini præcones, vt ad sub-
scriptas quæstiones præcipue
theologicæ disciplinæ capita continentes,
breuissimè, idq; ex solidis scripturis respō-
derem, quò sacrarum literarum cultores,
nunc primùm sacris initiati, & in pastorū
gregem adscripti, haberent breuem quan-
dam sui officij formulā, quomodo scilicet
pabulo salubriori cōmissum sibi gregem
Dominicū pascere & curare possent. Quæ
res, tametsi difficilis fuerit & laboriosa, præ-
sertim homini alioqui occupatissimo, no-
lui tamen me ab humanitate tam alienum
præstare, vt tot & tantis amicis rogātibus,
pigeret vel vnus anni, ne dicam mensis,
subire laborem, præsertim cum possem
hoc quantulocunq; labore iuuare studia,
promouere pietatem, & patriæ quoq; in-
gens



gens ornamentum adferre. Si enim munus honestum est & piū, bonis literis iuuetutem instituere, quis dubitat multò honesti⁹ & felicius esse pastoris officiū, in quo nedum pueri, sed & omniū ætatum homines ad Christi gloriam perducuntur? Vbi autem diu mecū disputassem, cum, cuius iudiciū & eruditionem in hoc negotio potissimū amplecterer, succurrebat vnicū huius nostri seculi decus, D. Philippus Melancthon, qui in hanc rem Locos cōmunestāto spiritu congersit, vt proculdubiō oēs qui in concionatorū numerū sunt vocati, deinceps præter negotiū rectius & maiori fruge sunt declamaturi. Huius igitur verba, vtpote ex omni parte absolutissima ne post Homerū Iliada canere videar, lubens adscripsi: Si quid ea in re peccatum est, spero nihil ab autore veniam dari quādo id non iniquo animo, sed iuuandæ pietatis studio sit factum. Utinam omnes qui nunc ab alto pulpito declamant, mordicus eius auctoris verba & sententias teneāt, fortassis in maiori trāquillitate fuerint res ecclesiæ. Videmus enim passim in Acade-

A.ij.

mijis,

PRÆFATIO.

mijs, Collegijs, & Monasterijs multos esse, qui hoc veræ pietatis studium damnât, huic sancto religionis negotio obstrepunt, quos oportuit, utpote qui se capita & columnas Ecclesiæ gloriantur, in prima acie steterisse: hi nullum non mouent lapidē, ut pietatem passim reflorescētē opprimât, & eos qui hâc in vulgus spargunt, penitus è medio tollant. Cōtrâ, videmus pietati & rectis studijs nusquam plus honoris, plus præmij, plus dignitatis esse, quàm apud principes. Sic enim sunt (laus deo) aulæ quorundâ principum, ut præ his, ipsæ etiâ scholæ & episcoporū curiæ frigeât. Quando igitur tua Celsitudo, Princeps clarissime, non tantum principū, sed regū quoq; sanguine orta, inclytos à domino Deo accepit Regulos, optimi patris, optimos filios, pietatis & veræ sapientiæ studiosos dignum iudicavi, tuæ Celsitudini hanc lucubrationunculā, qualisqualis est, dedicare, ut tu & celsitudinis pastores, à quibus in hâc palæstrâ prouocatus sum, per tuā celsitudinem habeant, quo se oblectent & exerceant. Delectentur alij spinosis & sophisticis


sticis argutijs, tuæ celsitudinis pastores antiquam illam, genuinā, atq; veram theologiam apprehendant. Tū fiet, vt omnigenā christianæ pietatis doctrinā planē assequamur. Sinant alios interim aucupari sacerdotia, præbendula, & vt vocant, beneficia impietatis, irritamenta: sinant alios ambire opes, voluptates, & noctes diesq; agere in culcitrīs: tuæ celsitudinis pastores dent operam vt plantent, vt irrigent, vt ædificent ecclesiā Dei: tū speramus fore, vt tandē emicet, ac vincat veritas. Hi verò, qui nunc suis sycophātijs pietatis doctrinā inficiunt, & pseudodoctrinis conscientias illaqueant, dabunt certò pœnas. Nos interim precemur illis mentē meliorē dari, ne semper, quòd hæten⁹ faciunt, viuāt *atheoi*. Tua celsitudo, hoc quicquid est laboris, boni cōsulat. Quam deus optimus maximus nobis diu seruet incolumem. Datum Northusie, in Ferijs natalitijs Christi. Anno. 1540.

*Tua C. d. litissimus
Io. m. Spangeberg.*

Aij.

AD DOMINICI
gregis pastores Ioan-
nis Spangebergensis
Hexastichon.

Quisquis es ad Christi sanctum dilectus ouile,
Pastorisque boni nobile nomen habes,
Huc ades, hic veram pascendi tradimus artem,
Et quæ Christigenis pascua danda viris.
Quisquis es & Christi pastoris de grege, non est
Quod metuas rabidi dogmata falsa lupi.
Non hic offendes lolium, nec pabula Circes,
Non hic humani spurca venena luti,
Sed verum Christi verbum sacratæque patrum,
Et quæ sunt sacris eruta scripta libris.
Hæc dedit egregius sincero corde Melanthon,
Consule communes, Pastor amice, locos.



QVID EST PASTOR ECCLESIAE ?

EST PERSONA legitimè vocata, authoritate & mandato diuino, ad curam animarum, sibi commissi gregis: vt tradat doctrinam Euangelij & administret sacramenta.

Quod est officium pastoris ?

Est fideliter gubernare sibi commissam Ecclesiam ministerio verbi & Sacramentorum, & arcere falsam doctrinam, & scandala.

De hoc officio præcipit Paulus Act. 20. Attendite vobis & vniuerso gregi, in quo posuit vos spiritus sanctus, vt pascatis ecclesiam Dei. &c.

Quid requiritur in Pastore, vt sit idoneus ?

Primò, vt habeat vocationem & mandatum.

Secundò, vt sit rectè institutus in doctrina Euangelij, & teneat certam formam Christianæ doctrinæ ex Scriptura Sacra, vt eam purè, propriè & perspicuè tradere possit. Sic vt Paulus præcipit. Episcopum debere esse didacticum, id est, idoneum ad docendum: & Timotheum iubet tenere hypotyposin, seu formam sanæ doctrinæ.

Tertiò, vt in docendo adhibeat fidem, & prudentiam, ac norit, iuxta præceptum Pauli, rectè se. are doctrinam pietatis, & vt in tradenda doctrina pruden-

denter ostendat discrimina & fines inter Euangelium & alias doctrinas, & eruditè sciat confirmare articulos & capita doctrinae, & refellere falsas opiniones & dogmata, quæ habent aliquid impuri collata ad verbum Dei. Item, vt in gubernando & regendis conscientijs, adhibeat prudentiam & curam, vt rudes instituantur, vt doceat, & euoluat ex erroribus ambigentes & perplexos, confirmet imbecilliores, vt corrigat & reuocet errantes, vt peccantes arguat & castiget, vt perterrefactos & afflictos consoletur. &c.

Quartò, vt vita & exemplo fidei ac bonorum operum præeat populo. Sic vt Paulus præcipit Timotheo: *Esto typus fidelium.* &c. Et Petrus: *Fiatis typi seu forma gregi.*

Quæ est legitima vocatio?

Est autoritate & mandato Dei aliquem adhiberi ad ministerium.

Quomodo fit vocatio?

Duplex est modus vocationis.

Quædam fit immediatè à Deo. Hæc est propriè Prophetica & Apostolica. De qua ait Paulus, se nec ab hominibus, neq; per homines vocatum esse.

Alia fit à deo, seu mandato diuino, sed per homines, sicut erant quos Scriptura vocat filios Prophetarum, hoc est, discipulos, qui à Prophetis instituebantur, vt & ipsi idonei essent ad docendū. Ita ab Apostolis constituti sunt Episcopi & Pastores ecclesiarum.

ecclesiarum, & postea ab ecclesia eliguntur & ordinantur ministri. Est ergo & hæc legitima vocatio & verè diuina, cum de authoritate Ecclesiæ, aut eorum quibus ecclesia committit iudicium, commendatur alicui ministerium.

Est ne licitum petere ministerium?

Respondeo, interest inter petitionem & ambitionem. Nam ambitio simpliciter prohibita est.

Quid est petitio?

Est deferre suam operam ecclesiæ, sic tamen ut relinquas liberum iudicium, an sis idoneus, ijs, ad quos pertinet cognitio. Ergo qui sic petit, non ambit, sed tantum significat suam voluntatem: quod si ab Ecclesia vocetur & iudicetur idoneus, non recuset suscipere labores & pericula quæ sunt in Ministerio. Econtrà, ambitio est, cum aut per arrogantiam, aut alia cupiditate, aut propter ventrem tantum sese aliquis ingerit, non expectans iudicium, nec volans periclitari. Sed pugnat pecunia & alijs artibus. Sed vera petitio, quæ fit sine ambitione, laudanda est, & ad eam inuitandi sunt pij. Multum enim habet boni. Primum quod expedit multos esse qui instituantur ad ministerium, ut eorum possit esse usus in Ecclesia. Deinde expetit multos esse qui petant, ut ecclesia norit voluntatem eligendorum, & possit habere delectum.

Tertio, in hoc ipso virtus est modestiæ, quod qui petunt, submitunt sese iudicio Ecclesiæ, & periclitantur

A.V.

tantur

MARGARITA

tantur de sua existimatione . Postremò, hoc ipsum acuit diligentiam & studium in perituris, vt maiore cura præparent se ad ministerium.

Quo testimonio probas, quòd sit licitum sic petere ministerium?

Paulus. 1. Timoth. 3. inquit: Si quis Episcopatû expetit, bonum opus desiderat . Item. 1. Cor. 14. Appetite spiritualia, magis autem vt prophetetis.

Quid debet propositum esse suscepturo ministerium?

Primum, dignitas & amplitudo ministerij: est enim summa functio, & summum ministerium, quo nullum magis excogitari potest, adeoq; propriè diuinum. Ideo Paulus id ornat summis præconijs: vocat eos qui docent Euangelium, Dei ministros, item dei cooperarios, & adiutores. &c. Debetur ergo huic ministerio summa reuerentia, & maxima religione ac studio decet ad id accedere.

Secundò, considerari debet voluntas & mandatum Dei, quia Deus reposcet rationem pro animabus, & horribiles pœnas minatur ijs, qui non fideliter faciunt suum officium, sic vt sæpe docet Scriptura. Ezech. 33. Et Christo in parabolis, de seruo nequam. &c.

Tertiò, promissiones præmiorum, quia Deus pollicetur ingentia præmia ijs, qui fideliter præsent ministerio, sustinent labores, odia & pericula, propter ministerium, sicut inquit Christus: Beatus est seruus

seruus ille, quoniam super omnia constituet eum Dominus suus. Et Petrus: Recipietis corona glorie immarcescibilem.

Quæ est summa doctrinæ Christianæ, tradendæ in Ecclesia?

Hanc aptissimè complexus est Christus, Lucae ultimo, cum inquit: Ite prædicantes in nomine meo penitentiam & remissionem peccatorum.

Est ergo summa ministerij Ecclesie in hoc, ut doceatur penitentia & remissio peccatorum.

Quæ est partitio summaria totius scripturæ?

Eadem duæ sunt partes. Est enim aut doctrina præcipiens quid sit faciendum, & arguens peccata. Aut est doctrina de remissione peccatorum. Hæ duæ partes vocantur Lex & Euangelium.

DE LEGE.

Quid est lex?

EST doctrina præcipiens, quales nos esse, quæ facere, quæ omittere oporteat.

Quotuplex est Lex?

Prima diuisio, Leges aliæ sunt diuinæ, aliæ humane.

Quid est Lex diuina?

Quæ instituta est à Deo, & præcipit non tantum de externis actionibus, sed requirit etiam interiores motus cordis, adeoque perfectam Obedientiam erga Deum, & damnat eos, qui illam non præstant.

Quid

MARGARITA

Quid est lex humana?

Quæ instituitur humano arbitrio, & præcipit de externis actionibus & officijs.

Alia diuisio.

Legum, aliæ sunt naturales, aliæ positiuæ.

Hinc vulgo recensentur tres species:

Lex naturæ, Lex diuina Mosis, Lex humana.

Quid est lex naturæ?

Est notitia legis diuinæ, naturæ hominis à Deo impressa, qua intelligit esse Deum, esse conlitem & gubernatorem, bonum & iustum esse, benefacere iustis, & punire iniustos, & ei debere obedientiam. Item, colendam esse societatem humanam, parentibus esse obediendum, homines diligendos, iuuantidos, neminem ledendum. Iuxta illud: Quod tibi fieri non vis, alteri ne feceris.

Quæ est lex diuina?

Hanc vocamus legem traditam per Moysen.

Quotuplices sunt leges Mosaicæ.

Triplices. Morales, Iudiciales, Ceremoniales.

Quæ est lex moralis?

Est doctrina præcipiens de perfecta obedientia erga Deum, seu de vita & bonis operibus erga Deum, & omnes homines.

Vbi traditur lex moralis?

Breuis & perfecta descriptio continetur in decem præceptis propositis populo Israelitico per Moysen, quæ vocamus decalogum.

Quid

Quid interest inter legem naturę & legem
moralem, seu decalogum?

*Leges naturę verè sunt Leges diuinę, & planè
eædem, quę in Decalogo, hoc est in Scripta Lege mor-
tali continentur.*

Quare igitur tradita est Lex Mofi, cum
antea esset Lex naturę?

*Etsi illud lumen, & illa notitię inditę menti
hominis ante lapsum, in natura nondum corrupta,
erant certę & integrę, & habebant firmum assen-
sum, tamen postea valdè obscuratę sunt vitio origi-
nis: & est infirmus assensus, sæpe etiam excutuntur
dubitatione, & propemodum oblitterantur. Ideo deus
addidit legem Scriptam, vt lex naturę voce diuina
renouata, clarior & illustrior redderetur. Simule-
tiam vt extaret testimonium verbi dei, quòd hæc no-
titia naturalis sit lex Dei.*

Quomodo possunt distribui
leges naturę?

*Decalogus est aptissima methodus omnium legum
naturalium, adeoq; ipsa distributio & explicatio le-
gum naturę. Non igitur potest inueniri aptior dis-
tributio, quam explicatis ordine præceptis decalogi.*

Obligat ne Decalogus omnes
homines?

*Etsi lex Mofi est abrogata, nec obligat gentes, ta-
men quia Decalogus nihil aliud est, quam reuo-
lutio & explicatio Legis naturę, ideo manet De-
calogus, & obligat omnes homines. Non quia à
Mose*

MARGARITA

Mose traditus est, sed quia est interpres illius aeternae voluntatis Dei, quae est ipsa lex naturae.

Quæ est partitio Decalogi?

Duae sunt tabulae. Prior continet præcepta de vita spirituali, quales esse debeamus erga Deum, seu de ijs operibus, quibus propriè agimus cum Deo, & describunt verum ac proprium cultum Dei.

Secunda, continet præcepta de vitâ politica inter homines, quales debeamus esse erga proximum.

RECITA DECALOGVM.

1. Non habebis Deos alienos coram me.
2. Non assumes nomen domini Dei tui in vanum.
3. Memêto vt diem Sabbati sanctifices.
4. Honora patrem tuû, & matrem tuâ, vt sis longæuus super terram.
5. Non occides.
6. Non mœchaberis.
7. Non furtum facies.
8. Non loquetis contra proximum tuû falsum testimonium.
9. Non cōcupisces domû proximi tui.
10. Non desiderabis vxorẽ eius, non seruum, non ancillâ, nō bouem, non asinum, nec omnia quæ illius sunt.

Quæ

Quæ præcipiunt hæc mandata
Decalogi?

Primum, præcipit cultum Dei internum, scilicet verum & perfectum timorem, veram & perfectam fiduciam, perfectam dilectionem Dei.

Secundum, præcipit cultum exteriorem, usum nominis Dei, Nempe invocationem, gratiarum actionem, predicationem verbi Dei, & confessionem. Hæc sunt sacrificia laudis.

Tertium præcipit ministerium verbi sanctè colendum, & ceremonias diuinitus datas, propter ministeriū conseruandas esse, vt aliqua tempora audiendo verbo, & per ceremonias exercendo tribuamus.

Quartum præcipit obedientiam erga parentes & Magistratus, & complectitur hoc præceptum summas virtutes, scilicet diligentiam in parendo, seruire vocationi modestiam pietatem erga parentes, erga Rempublicam, & similes virtutes.

Quintum præcipit neminem ledere, prohibet vindictæ cupiditatem, odia, inuidentiam, & similes affectus, & complectitur multas virtutes, videlicet, iustitiam, mansuetudinem, constantiam, patientiam, clementiam.

Sextum approbat cōiugium, & prohibet abstinere ab aliena. Complectitur virtutes, castitatem temperantiam, continentiam, sobrietatem, & similes.

Septimum munit rerum proprietates, iubetq; abstinere à rebus alienis. Complectitur parsimoniam, liberalitatem, sedulitatem, & diligentiam.

Octa-

MARGARITA

Octauum munit iudicia, requirit veritatem
pactorum & testimoniorum.

Nonum & decimum, addit declarationem
reliquis præceptis, quòd non solum externa facta,
sed etiam mali affectus probibeantur, & quòd ac-
cusetur concupiscentia.

Quæ sunt leges Mosaicæ iudiciales
siue forenses?

Quæ præcipiunt de ritibus cõiugiorũ, de successio-
nibus, de pœnis delictorum & similib. rebus foren-
sibus. Hæc ad christianos non pertinet, nisi si quæ in
illis sunt naturales, vt cum prohibentur cognatorum
& certorum affinium conubia: reuerentia enim san-
guinis debet obseruari ab omnibus gentib. & omni-
bus seculis. Nam & Chananæi deleti sunt propter
incestas libidines, quòd duxissent cognatas.

Quæ sunt leges ceremoniales?

Quæ præcipiunt de templo & ritibus sacrorum,
qui ritus Iudeos separant à gentibus. Ab his legibus
Christiani sunt liberi. Hoc tamen vult Deus, vt ali-
quo tempore ceremonias diuinitus traditas v. sur-
pemus, & administrum verbi conueniamus, nullæ-
nim res magis necessaria est, quàm ministerium vera
bi dei.

Quis est effectus legis diuinæ, & quot
sunt eius officia?

Tria. Primum, Lex coercet omnes homines disci-
plina quadam. Hinc Paulus ait: Lex est iniustis
post-

posita. Et rursus: Lex est *pedagogus in Christum*. Ad hanc disciplinam ordinavit Deus magistratum legis doctrinam, penas, calamitates humanas. &c.

Secundum, ostendit peccata, accusat, perterrefacit, & damnat conscientias. Hinc Paulus ait: Per Legem agnitio peccati. Item: Lex iram operatur. Item: Per Legem peccatum fit excellenter reum. Item: Aculeus mortis peccatum: virtus autem peccati, lex.

Tertium, docet quoniam opera placeant Deo & præcipit certa opera, in quibus obedientiam erga Deum exerceamus. Nam & si liberi sumus à Lege quod ad Iustificationem attinet, tamen quod ad obedientiam manet Lex: nam iustificatos necesse est obedire Deo.

Potestne homo suis viribus legem
Dei præstare?

Nihil minus. Non satis fit Legi diuinæ per opera nostra exteriora, ut Scholastici docent, nec etiam per conatum interiorem voluntatis, sine fide & spiritu sancto. Sed Christus est consummatio Legis, hoc est, sine Christo nihil potest.

Potestne homo iustificari per Legem?

Minimè. Paulus enim detrakit Legi iustificationem in hac corrupta natura, quia nemo Naturæ viribus Legi satisfacit. Qui ergo non sunt reconciliati fide, etiamsi aliqua Legis opera faciunt, tamen non possunt Deo placere, semper enim accusantur à Lege, & manent in dubitatione & desperatione.

B.

Cur

MARGARITA

Cur ergo traditæ sunt leges Mosaicæ
si non iustificant ?

Ideò traditæ sunt, vt discernerent Israelitas à reliquis gentibus, vsque ad prædicationem Christi. Voluit enim Deus segregare hunc populum à cæteris gentibus, vt certus aliquis populus esset, in quo nasceretur Christus, & in quo conseruarentur promissiones, & extarent certa testimonia de verbo Dei, indeo etiam tantis miraculis populus iste eductus est ex Egypto. Quamquam igitur Israelitæ non merebantur Remissionem peccatorum coram Deo, propter has leges, tamen Deus subiecit eos istis Legibus tanquam Pædagogo, vt Paulus ait. Consequabantur autem Remissionem peccatorum, fiducia misericordiæ Dei promissæ, propter venturum Christum, quem Euangelium nunc venisse prædicat.

DE EVANGELIO.

Quid est Euangelium ?

EST prædicatio pænitiæ, & Promissio remissionis peccatorum & iustificationis, quam ratio non tenet naturaliter, sed reuelata diuinitus, in qua Deus pollicetur propter Christum filium suum remittere peccata, & vos pronunciat iustos, id est, acceptos, & donat spiritum sanctum & vitam æternam, modò vt credamus hæc nobis propter Christum certò contingere.

Quid

Quod est discrimen inter Legem & Euangelium?

Lex requirit perfectam obedientiam, veram Dei timorem, fiduciam veram, terret corda & conscientias, non remittit gratis peccata, non pronunciat iustos, hoc est, Deo acceptos, nisi Legi satisfactum sit. Et quanquam habet promissiones, tamen hæc requirunt conditionem impletæ Legis, videlicet: Qui fecerit hæc, viuet in eis: Item: Hoc fac & viues. Euangelium verò est Concio de Penitentia, continens promissiones beneficij Christi. Consolatur corda perterrita, remittit gratis peccata, & pronunciat nos iustos, etiamsi Legi, non satisfacimus.

DE PROMISSIONIBVS.

Quotuplices sunt promissiones
Scripturæ sanctæ?

DVplices. Quædam sunt additæ Legi, & habent conditionem Legis, hoc est, exhibentur propter impletionem Legis. Quædam non habent conditionem Legis, tanquam causam, hoc est, non promittunt Remissionem peccatorum, propter impletam Legem, sed gratis propter Christum. Vt sunt promissiones Euangelij.

Quæ fuit prima promissio Euangelij?

Cum post lapsum Adæ, Deus dixit ad serpentem:
Inimicitias ponam inter te & mulierem, & inter
semen tuum & semen illius, ipsum conteret caput
B. y. tuum,

tuum, & tu insidiaberis calcaneo eius. Hac promissione & consolatione erigitur Adam, agnoscit se habere Deum propitiū, licet videat se indignum & immundum. Hac promissio postea renouabatur Abraham, deinde & Isaac & Iacob. Huic promissioni crediderunt, & licet se indignos agnouerunt, tamen statuerunt se habere Deum placatum propter ipsius misericordiam, & promissum semen. Sunt Præterea in Psalmis & Prophetis, multæ contiones de Christo, de Remissione peccatorum, de Vita æterna quæ omnes huc tendunt, vt erigant & consolentur nos in nostra lucta & dubitatione, & doceant nos confidere, eum verè inuocare & colere.

Estne promissio Euangelij
vniuersalis?

Imò, sicut promissio Euangelij est gratuita, sic etiam est vniuersalis, hoc est, offert & promittit omnibus hominibus reconciliationem: Sicut enim prædicatio pœnitentiæ vniuersalis est, ita & prædicatio remissionis peccatorū vniuersalis est. Hinc Christus ait Ioan. 3. Sic Deus dilexit mundum, vt filium suum vnigenitum daret, vt omnis qui credit in eum, non pereat. Sic Paulus Roman. 11. Conclusit Deus omnes sub peccatum vt omnibus misereatur. Quòd autem non omnes consequantur Euangelij promissa; eo fit, quia non omnes credunt: Euangelium enim etsi gratis promittit, tamen fidem requirit, oportet enim fide promissionem accipi. Particula autem gratis, non excludit fidem, sed conditionem nostræ dignitatis, & postu-

postulat ut promissionem accipiamus, id aliter fieri non potest, nisi fide.

Quod est opus Euangelij?

Consolari anxias conscientias, & promittere credentibus remissionem peccatorum, & vitam eternam.

Quæ est summa Euangelij?

Qui crediderit & baptizatus fuerit, saluus erit.

Marci. 16. Item, credere Iesum Christum esse agnum Dei, tollentem peccata mundi. Ioan. 1.

DE PECCATO.

Quid est peccatum?

EST non tantum aliquod factum, sed etiam perpetuum vitium, id est, corruptio nature, pugnantis contra legem Dei.

Quæ sunt causæ peccati?

Voluntas diaboli, & voluntas hominis, non Deus. Genesis. 1. Vidit Deus cuncta quæ fecerat, & erant valde bona. Et Psalm. 5. Non Deus volens iniquitatem tu es. Christus vocat Diabolum, patrem mendacij. Et Roman. 5. Per hominem intrauit peccatum in mundum. Et. 1. Ioan. 2. Concupiscentia carnis non est ex patre, sed ex mundo.

Si deus non est causa peccati, concedendane est Contingentia?

Imò, peccatum non est necessario factum necessitate absoluta, nam voluntas nostra ante peccatum

verè libera fuit. Est autem libertas voluntatis causa
sa contingentiae nostrarum actionum. Deus enim prae-
uidet & determinat contingentia, ita tamen, ut non
tollat modum agendi naturae inditum, sed determi-
nat actiones sicuti fiunt. Permittit Deus ut volun-
tas Saulis sic agat & non impellit ut secus agat, &
decernit ubi Saulem repressurus sit.

Quid est contingentia?

Est qua res creata in actionibus rationi subiectis
nunc mutantur, alterantur, & incidunt in has atque
illas actiones & casus, ex concessu diuinitus delectu
& libertate creationis.

Quotuplex est necessitas?

Duplex. Una est absoluta, vel consequentis, ut, nec-
esse est Deum esse, necesse est Deum esse bonum, ius-
tum, veracem, sapientem. Potest & haec necessitas
dici immutabilis. Altera est necessitas consequen-
tiae, ut, oportet euerti Hierosolymam. Oportet reg-
num Israel perire. Haec non sunt natura sua necessa-
ria, sed fiunt immutabilia postquam decreta sunt,
ut, mortui reuiuiscant: vel quia sequuntur praece-
dentes causas, ut, Oportet esse haereses. Diabolus e-
nim odit Deum, & incitat impios contra Euangelium,
qui obsequuntur, ideo oportet esse haereses. Haec sunt
natura contingentia, neque enim haec consequentia li-
bertatem voluntatis tollit.

Quid verò de Fato sentiendum?

Deliramenta de Stoico Fato non sunt in Eccle-
siam

flam Dei inuebenda, nihil enim habent veri aut firmi, sed sunt mera præstigia ac sophistica coacervationes, multumque nocent pietati & bonis moribus, si sic sentiant homines, ut Zenonis seruulus, qui dicebat: Nō debere se plecti, quod Stoico fati coactus esset peccare.

Quotuplex est peccatum?

Duplex: Originis, & Actuale.

Quid est peccatum originis?

Est non tantum reatus seu imputatio (sicut scholastici docuerunt) qua, propter lapsum Adæ, omnes homines secundum naturam propagati, rei sunt, sed est etiam corruptio naturæ humanæ secuta lapsum Adæ, qua fit, ut non possit præstare veram obedientiam Legi Dei, sed habeat defectus et concupiscentiam contra Legem dei. Eadem est sententia definitionis Anshelmi: Peccatum originis est carentia iustitiæ originalis debitæ inesse, quia iustitiam originalem vocat, non tantum imputationem seu approbationem diuinam, sed ipsam integritatem naturæ, seu omnium virium hominis, intellectus & voluntatis, qua homo poterat præstare integram obedientiam erga deum.

Quæ est causa peccati originis?

Causa est inobedientia, seu lapsus primorum parentum. Nam post lapsum amisit uterque, Adam et Eva, integritatem naturæ, et secuta est corruptio. Deinde ex ipsis nati sunt tales, qualis erat natura
B.iiiij. sic

*sic corrupta. Ita posteritas est rea, propter lapsum
Adæ, & propter propriam corruptionem.*

Quod est materiale peccati originis?

*Materiale, seu fundamentum peccati originis est,
corruptio naturæ hominis. Significat autem corruptio
utrumque, & defectus seu expoliationem do-
norum, & concupiscentiam. Hanc Scholastici tan-
tùm fomitem vocârunt, cùm sit reuera horribilis
corruptio & peccatum, quod postea gignit vitio-
sos motus.*

Quod est formale peccati originis?

Formale est ipse reatus seu imputatio diuina.

Quid est concupiscentia?

*Est horribilis ataxia, seu inordinatus motus & im-
petus in omnibus viribus hominis contra legem Dei.*

Qui sunt effectus peccati?

*Effectus sunt pænæ peccati. Sunt autem tres gra-
dus, primus pæna est illa ipsa corruptio naturæ, de
qua dictum est, hoc est, concupiscentia, quæ postea
gignit omnia actualia peccata, quare & ipsa sunt
effectus corruptionis naturæ. Secunda pæna est mors,
& omnes calamitates humani generis.*

*Tertia pæna est tyrannis diaboli, cui subiecta est
natura humana, qui & corporalibus malis conatur
perdere homines, & impellit ad peccata omnis gene-
ris, ad idololatriam, blasphemias, hæreses, iniustas
cædes, nefarias libidines, & alia flagitia.*

Manet

Manétne peccatum originis in Sanctis?

**Aut quomodo remittitur peccatum
originis in Baptismo?**

Cum dicitur peccatum originis in Baptismo remitti, non est ita intelligendum, quasi post Baptismum nullares vitiosa aut digna damnatione remaneat, sed ita intelligendum est, quod in baptismo remittitur reatus, id est, non immutatur peccatum, etiamsi adhuc hæret in natura corruptio seu concupiscentia, quæ etiam in sanctis adultis manet, & sua natura verè est res digna damnatione, sed non imputatur propter Christum, cum eum fide apprehendimus. Itaque formale peccati, id est reatus, seu imputatio, in baptismo & sanctificatis tollitur. Sed materiale, id est, ipse morbus & corruptio, adhuc manet in natura, & tamen cum datur spiritus sanctus ijs qui habent fidem, hi concipiunt novos & pios motus, quibus incipit aliqua ex parte corrigi morbus.

Eodem modo docet Augustinus de remissione peccati originis in baptismo, cum inquit: Peccatis remittitur, non ut non sit, sed non imputetur.

Item, Peccatum transit reatu, sed manet actu.

Cur manent pœnæ, scilicet, mors corporalis, & cæteræ calamitates, cum peccatum remittatur?

Quia peccatum vel corruptio manet in natura, ideo manet etiam mors, sicut dicitur ad Roman. 8. Corpus mortificatur propter peccatum, scilicet præsens

sens & adhuc hærens in natura. Oportet enim prorsus aboleri hanc corruptionem, ut deinde noua & integra natura vestiatur. Non potest autem tolli corruptio huius naturæ, nisi morte.

Quid est peccatum actuale?

Est omnis adfectus, omnis cogitatus, omne dictum ac factum contra legem Dei, adeoque quicquid sine fide fit. Vel breuius: Peccatum actuale est vitiosæ naturæ fructus, ut sunt adfectus, cogitata, dicta facta, contra legem Dei. Simul autem complecti debemus personam & opus, nam licet impij habeant honesta opera, tamen quia personæ sunt vitiosæ, opera non placent Deo.

Quid reddit personam vitiosam?

Incredulitas, dubitare de Deo, vacare timore ac fiducia Dei. Licet enim summi viri, Pomponius, Cicerone. &c. habeant aliquam notitiam legis, quod scilicet Deus sit bonus, iustus. &c. tamen non norunt Euangelium, quod Deus gratis remittat peccata. Ideoq; in magnis afflictionibus iudicant se reijcià Deo. Quare cum habeant interiores morbos, etiam polluuntur externæ actiones, iuxta illud Pauli. Omne quod non est ex fide, peccatum est. Roman. 14. Magnitudo animi quidem in Achille egregia virtus est, & verè opus dei, sed fit vitiosa per accidēs, nempe per vitiosam personam, quæ dubitat, utrum deus respiciat homines. Item est sine timore & fiducia Dei.

Quid

Quid facit personam Deo acceptam?

Fides, nam si fides accesserit ad honestam vitæ disciplinam & ad honesta opera, tunc placebunt Deo.

Quotuplices sunt adfectus in natura hominis?

Duplices. Quidam simpliciter pugnant cum Lege Dei, ut appetere res, aut coniugem alterius: inuidere alijs Dei beneficia, diffidere Deo, odisse Deum, appetere gloriam indebitam, efferre sese supra alios, stomachari aduersus iudicium Dei. Hi adfectus sunt propriè fructus peccati originis. Suntq; simpliciter mali, vitiosi, & ex natura hominis eijciendi.

Alij sunt, qui non pugnant cum Lege Dei, ut amare coniugem, liberos, benemeritos. Item irasci vitijs. Hos adfectus tollere ex natura, est tollere motum & vitam. Et licet contaminentur quoq; vitio originis, tamen per sese non sunt mali & vitiosi, sed in natura sunt retinendi, & efficiendum, ut fiunt puriores.

Quomodo agnoscuntur peccata?

Ex concione Legis. Rom. 7. Per legem agnitio peccati. Nesciebam enim concupiscentiam esse peccatum, nisi Lex dixisset: Non concupisces.

Quid verò sentis de peccato mortali
& veniali?

Peccatum mortale, hoc est dignum morte aeterna, non tantum est aliqua actio, sed morbus haerens in natura, qui vocatur peccatum originis? Hic motus damnat incredulos & impios, iuxta illud Ioan 3.

Qui

Qui non credit, iam iudicatus est. Sed his qui apprehendunt fide remissionem peccatorum, condonatur hic morbus, iuxta illud Rom. 8. Nihil nunc damnationis in his, qui sunt in Christo.

Vnde ergo peccata venialia?

Morbus ille originis non est otiosus, sed gignit & cupiditates & affectus vitiosos, etiam in Sanctis. Iuxta illud: Caro concupiscit aduersus Spiritum. Sed quia huiusmodi adfectus condonantur sanctis, fiunt peccata venialia. Sancti enim non probant tales adfectus, sed repugnant eis. Quia ergo fides in talibus qui repugnant, existit, ideo interim pronunciantur iusti.

Quæ dicis peccata mortalia?

Est genus actutum, quæ sunt eiusmodi, ut qui eas admittunt, excidunt gratia Dei, desinant reputari iusti, & damnantur, nisi resipiscant. Hæ actiones vocantur peccata mortalia. Exempli gratia. Probare aut facere aliquid contra conscientiam, hoc est, impis opinionibus, incredulitati, vitiosis affectibus non repugnare: item externa flagitia committere contra mandata Dei. De his loquitur Paulus. 1. Corin. 6. Neque fornicatores, neque idololatriæ, neque adulteri, neque molles, neque masculorum concubitores, neque fures, neque defraudatores, neque ebriosi, neque conuiuiatores, neque raptores, regnum Dei possidebunt. Sic Ephes. 5. & Gal. 5. Manifesta sunt opera carnis, adulterium, scortatio, immundities, impudicitia, idololatria, veneficium, odia, rixæ emulationes,

mes, dissidia, secta, inuidia, caeles, ebrietates, & comessationis, & similia: de quibus prædico vobis, quod qui talia agunt, regnum dei non possidebunt.

Quid verò sentis de patrum diuisione peccatorum actualium interna & externa?

Hæc diuisio minus periculosa est, si dixeris, quædam peccata actualia esse interna, qualia sunt affectus & cogitatus, quæ venialia dici possunt, in illis qui resistunt fide, & ideo adhuc iusti reputantur. Quædam externa, vt dicta ac facta, in qua qui prolabantur, recidunt à gratia, nec amplius reputantur iusti. Scias tamen, tam interna quam externa mortalia esse in ijs, qui non habent fidem, nec repugnant talibus motibus. Quia enim fide carent, non habent remissionem peccatorum, Igitur in talibus nulla esse possunt venialia peccata.

Quid ais de peccatis omissionis, & ignorantia affectatæ?

Sunt & ipsa quoque peccata mortalia. Nam hæc ipsa affectatio est contra conscientiam, vt si quis nolit cognoscere Euangelium, aut nolit intelligere officium suum, aut illud negligenter faciat. Talia nunc sunt multorum peccata, qui negligunt audire & cognoscere Euangelium, cum tamen sciant mādātum esse Dei: Hunc audite, Talis erat & Iudæorum ignorantia, qui Christum persequebantur. Sic sunt idololatriæ gentium peccata mortalia.

Quid requiritur in conuersis?

Vt habeant gloriam bonæ conscientie, & agen-

MARGARITA

tes pœnitentiam, non perseuerent in his, quæ indicant se fecisse contra voluntatem Dei. Quemadmodum scriptum est: Nolo mortem peccatoris, sed magis vt conuertatur: Et rursus: Si dixero impio, morte morieris, & egerit pœnitentiam à peccato suo, feceritq; iudicium & iustitiam, viuet. Et tamen interimsiant hanc ipsam obedientiam, quàm præstant, non esse perfectam. Ideoque in iudicio Dei non confidant dignitate operum, sed confidant acceptam esse propter Christum. Deinde seruent hoc quod Paulus inquit: Ne contristetis Spiritum sanctum Dei, quo signati sumus, ad diem Redemptionis, hoc est, ne beneficium Christi abijciamus & pereamus.

DE GRATIA.

Quid significat vocabulum Gratiæ.

Vocabulum gratiæ in Scripturis, & præcipue in Paulo, cùm disputat de Iustificacione, significat non qualitatem seu habitum infusum in anima, sicut scholastici de gratia loquuntur, & hoc vocabulo abusi sunt pro charitate seu dilectione, quæ est in nobis: Sed accipieudum est Relatiuè, & significat gratuitam acceptionem, seu reconciliationem Dei erga nos.

Quid igitur est Gratia?

Gratia propriè est remissio peccatorum, & reconciliatio seu imputatio iustitiæ, seu acceptatio personæ, quæ

quæ fit per misericordiã propter Christum gratis, cum qua acceptatione coniuncta est donatio spiritus sancti, quo corda in penitentia eriguntur fide, & capiunt consolationem, in qua consolatione efficiuntur noui motus consentientes Legi Dei.

Quomodo intelligendum est, cum dicitur,
Gratia sumus iusti?

Non est intelligendum, seu Scholastici imaginantur, quod significet nos consequi Remissionem peccatorum, aut iustos esse, propter habitum aut qualitatem, quæ est in nobis, scilicet propter nostram dilectionem, aut nouam obedientiam, hoc enim est obruere doctrinam de fide, & tollere Christum mediatorem. Sed ita intelligendum est, quod consequamur Remissionem peccatorum, seu imputationem iustitiæ, Deo acceptante nos gratis per misericordiam, propter aliud extra nos, scilicet propter Christum. Et tamen sciendum est, cum remissione peccatorum coniunctam esse donationem Spiritus Sancti, cum scilicet fide erigimur qui efficit in nobis inchoatam obedientiam: Ergo in certamine conscientie, cum querit Remissionem peccatorum, & disputat de voluntate Dei erga se, non debemus intueri in nostras qualitates, aut propriam dignitatem, sed intueri debemus in promissionem de Christo, & iuxta hanc statuemus de voluntate Dei erga nos, & fide apprehendemus ipsum Mediatorem. Quod cum fit, donatur Spiritus Sanctus qui affert consolationem, & est efficax, ut existant noui motus.

Vtrum

MARGARITA

Vtrumque igitur tenendum est, & quòd oporteat fieri in nobis novos motus per spiritum sanctum, & quòd tamen conscientia debeat intueri extra nos in mediatorem Christum, & statuere quòd propter hunc sumus iusti, id est, habentes remissionem peccatorum, & accepti ad vitam eternam.

Quæ sunt causæ Gratiæ?

Efficiens causa est voluntas Dei quæ Christum voluit pro nobis fieri victimam, & propter ipsum nobis misereri. Igitur tantum Christi meritum, est causa propter quam datur gratia.

Quomodo contingit nobis gratia?

Instrumentalis causa est, ministerium Euangelij & Sacramentorum. Nam Deus per verbum vult esse efficax, modò vt id fide apprehendamus, Debet enim accedere nostra voluntas, quæ verbum accipiat. Non enim est efficax in repugnantibus, & in ijs qui non consequuntur gratiam, audientes verbum, causa est ipsorum voluntas, repugnans verbo.

Sic ergo consequimur gratiam, cum ex verbo, seu promissione reuelata in Euangelio, corda concipiunt consolationem, & vincunt terrores, ac erigunt se fide, certò statuentes se accipere Remissionem peccatorum & imputationem iustitiæ, iuxta promissionem, propter Christum.

Ideo ait Paulus Gala. 3. Vt promissionem Spiritus accipiamus per Fidem, Hoc est, cum per terrefacti erigimus nos fide, quæ nititur Promissioni de Christo.

Hic

Hic dammandi sunt Fanatici spiritus, ut Anabaptista & similes, qui querunt illuminationes spiritus sancti extra verbum, & sine verbo. Item qui imaginatur spiritum sanctum præcurrere Verbum, & fingunt se postea credituros esse, postquam senserint se habere nouas illuminationes.

Sunt etiam hic excludendæ disputationes de prædestinatione. Debemus enim ordiri à verbo, quod est vniuersale. Nam sicut doctrina de pænitentia, quæ arguit peccata, est vniuersalis: Ita etiam promissio Euangelij est vniuersalis, & mandatum vniuersale est de Christo, præcipiens, vt omnes credamus in Christum, & statuamus hanc esse æternam, & immutabilem voluntatem Dei, quod propter Christum verè dentur nobis ea, quæ promittit Euangelium.

Est ne aliquod meritum nostrum
in reconciliatione?

Nullum est nostrum meritum, propter quod contingat nobis gratia, hoc est, remissio peccatorum & imputatio iustitiæ: sed est gratuita donatio, sicut Paulus inquit: Donum Dei est, non ex vobis, ne quis gloriatur. Item, Rom. 6. Donum est vita æterna.

Tollitur ergo meritum in reconciliatione, non quia nos nihil agamus, sed quia promissio est donatio, vt sit certa, videlicet, non pendens ex conditione nostra dignitatis, & tamen interim nos accipere, non reijcere promissionem debemus.

C.

Qui

Qui sunt effectus gratiæ?

Effectus sunt motus Spiritus Sancti, qui fiunt
etiam Euangelium apprehēdimus. Ac primus & præ-
cipuus effectus est Fides, qua nos erigimus, ac statu-
mus Deum esse nobis propitium propter Christum.
Hic motus dicitur vivificatio, quia hac fide vincun-
tur terrores peccati & mortis, Estq; hæc fiducia, li-
beratio à peccato & morte æterna, adeoq; ipsa inchoa-
tio vitæ æternæ. Deinde sequuntur alij motus, vides
licet inchoata obedientia erga Deum, inuocatio, ti-
mor, dilectio, patientia, & aliæ virtutes.

Sunt etiam effectus gratiæ, auxilium Dci contra
Diabolum & mortem, cōsolatio & auxilium in crue-
ce & calamitatibus. Item liberatio à Lege.

Ultimus effectus est, & qui sequitur causam finis
lem. Novitas totius naturæ, & vita æterna.

Quomodo gratia liberat à peccato & morte,
cū tamen maneat adhuc & peccatū hæ-
rens in carne, & mors corporalis?

Respondeo: Etsi in hac vita manet adhuc caro
vitiosa, tamen hæc præsens infirmitas non impu-
tatur credentibus, etiamsi ille morbus sua natura
est peccatum, seu res digna damnatione: præterea
etiam novi motus & nova vita in nobis inchoan-
tur, qui prorsus perficientur cū hæc caro extincta
renouabitur. Itaque gratia dupliciter liberat à pec-
catis. Est enim & remissio præteritorum peccato-
rum, & condonatio, seu non imputatio præsentis
morbi,

morbi, qui nobiscum natus est, & heret in carne.

Secundo etiam liberamur à morte. Est enim iam sublata mors æterna credentibus. Deinde etiam si manet mors corporalis, & ceteræ afflictiones in hac vita, tamen illa ipsa mors est sine aculeo, & manet tantum corporalis mors, propter hoc ipsum, ut aboletur hæc caro vitiosa. Postea etiam hæc ipsa mors corporalis abolebitur, & succedet noua & glorificata natura, in resurrectione mortuorum.

*Quare Paulus discernit gratiam
& donum?*

Gratiam vocat Paulus ipsam remissionem peccatorum seu Reconciliationem & Acceptionem gratuitam propter Christum.

Donum vocat, Donationem Spiritus Sancti, & vitæ æternæ. Significat igitur vocabulum Doni, ipsos effectus gratiæ, de quibus dixi.

Etsi autem hæc duo coniuncta sunt, tamen Paulus eruditè & necessaria de causa discernit. Estq; hæc ratio discriminis, ut supra dictum est. Quia etsi necesse est in nobis inchoari motus spirituales, tamen conscientia in certamine & coram iudicio Dei non debet intueri in suam nouitatem aut virtutes, qui efficiuntur à Spiritu sancto: nec querere, an habeat satis virtutum, an satis credat aut diligat. Sic enim nunquam posset fieri certa de remissione peccatorum sed simpliciter debet intueri in promissionem Evangelij, & statuere quòd certo habeat Remissionem peccatorum propter Christum, gratis non propter
C.ij. propria

propriam dignitatem, aut proprias virtutes.

Quid significat Spiritus gratiæ & precum apud Zachariam?

Zacharias cap. 12. suauissimè descripsit beneficia noui Testamenti his verbis : Effundum super domum David spiritum gratiæ & precum. Spiritus gratiæ vocat, quo agnoscimus Deum nobis propitium esse, remittere peccata. &c. Spiritus precum comprehendit omnem cultum interiorem, inuocationem, & omnia exercitia fidei, quæ efficit Spiritus Sanctus, postquàm concepimus consolationem, & credimus nos habere remissionem peccatorum propter Christum.

DE IUSTIFICATIONE.

Quid significant vocabula,
Iustificari & iustificatio?

Iustificari propriè significat Hebraica phrasi, Absolui à peccatis, & iustum, id est acceptum pronunciari, vt si dicas: David est iustificatus à peccato, id est, absolutus & reconciliatus, seu receptus in gratiam. Sic Paulus Roman. 4. inquit: Credenti in eum qui iustificat, impium id est, absoluit & acceptat. Ita iustificatio significat reconciliationem, seu acceptionem diuinam. Etsi enim necesse est, existere nouos motus in his qui reconciliantur, tamen iustificatio non debet intelligi in hac propositione: Fide iustificamur, de infusione qualitatum seu virtutum nouarum, sed intelligatur relatiuè, de voluntate Dei acceptante siue approbante.

probante nos, adeoque de Remissione peccatorum & pacificatione conscientiae.

Sic etiam vocabulū iustus relatiue significat, non habentem nouas qualitates, sed reconciliatum siue acceptum, seu habentem remissionem peccatorum.

Quid complectitur iustificatio?

Tria membra complectitur, remissionem peccatorum, Acceptationem ad vitam eternam, & donationem spiritus Sancti. Etsi enim in Remissione peccata reliqua insunt, tamen docendi causa vtile est hæc discerni, vt intelligatur, hæc omnia nobis contingere, non propter nostram dignitatem, sed tantum per misericordiam propter Christum. Nec esse imaginandum, quod tamen si remissionem peccatorum consequimur per misericordiam, tamen postea nostris qualitatibus seu virtutibus iusti sumus.

Quomodo fit iustificatio?

Suprà dictum est in Euangelio doceri hæc duo, pœnitentiam & remissionem peccatorum, sicut Christus ipse inquit: Ite prædicantes Pœnitentiam & Remissionem peccatorum in nomine meo. Ideo ordinandum est ab hac prædicatione, quæ & arguit peccata, & ostendit beneficia Christi. Hic igitur est modus Iustificationis. Necessè est existere contritionem, quæ statuatur Deum irasci peccato, & serriò doleat de peccatis. In his terroribus erigenda est conscientia fide, quæ apprehendit promissionem euangelij de Christo, & iuxta illam statuit nobis remitti peccata, & non reputari iustos, ac hæredes esse vite

æternæ propter Christum per misericordiam gratuitam. Cùm hoc modo in pœnitentia seu contritione nos consolamur, sumus iusti, seu accepti Deo, id est, habemus remissionem peccatorum, & acceptionem ad vitam æternam, non propter nostram dignitatem, sed propter Christum: quem tamen fide apprehendi oportet. Et cùm hoc modo consolationem capimus, simul etiam verè concipimus Spiritum Sanctum, qui exuscitat corda, ut incipiant habere novos motus, ut timorem, fidem, dilectionem. &c.

Quæ sunt causæ iustificationis?

Prima & principalis est ipse Spiritus Sanctus. Huic coniungenda est altera, scilicet Verbum, per quod mouet & efficax est Spiritus sanctus. Tertiò; nostra voluntas, cùm mouetur à Spiritu sancto per verbum, non debet repugnare. Sed assentiri & accipere verbum. Iuxta illud. Cùm vocem eius audieritis, nolite obdurare corda vestra.

Agitne aliquid nostra voluntas?

Cùm dicimus, homines gratis iustificari, & meritum detrabitur operibus, id non ita intelligendum est, quasi voluntas nostra prorsus nihil agat, sed sit tanquam saxum aut statua. Imò cùm sit ordiendum à Verbo, sicut dictum est, certè agit aliquid humana voluntas, mota à Spiritu Sancto, assentitur, & accipit verbum, ac eo sustentat se, nec debet abicere aut repugnare verbo. Item debet statuere, quòd Christus verè præstet promissa, videlicet, quòd velit credentibus impartiri Spiritum Sanctum,

Etum, quod velit esse efficax per verbum.

Quæ est sententia huius dicti :

Fide iustificamur ?

Variè deprauatur hæc sententia. Aliqui exponūt Fide, id est, tota doctrina religionis, seu obseruatione Professionis Christianæ, seu obedientia omnium virtutum. Hi planè deprauant vocabulum fidei, & fidem vocant notitiam seu professionem Doctrinæ, & nihil dicunt de Christo, nihil de fiducia, quæ erigit & consolatur conscientias. Et tantùm hærent in doctrina Legis:

Alij etsi sunt paulò saniores, & concedunt vocabulo fidei non tantùm significare notitiam historiæ, sed etiam fiduciam, tamen imaginantur in hoc dicto esse Synecdochen. Fide iustificamur, id est, quia Fides est præcipua virtus, & orditur pietatem, ideo tribuatur iustificatio, non tamen ita, vt excludamur à iustificatione aliæ virtutes, scilicet, dilectio, &c. Sed bi quoque deerrant à sententia Pauli, ac etiam intuentur in nostras qualitates, cogitant nos iustos esse propter dignitatem illius virtutis et aliarum, quæ debent esse in Sanctis.

Sed vera interpretatio est, Fide sumus iusti, id est, fiducia misericordiæ propter Christum sumus iusti, seu accepti Deo. Debet ergo intelligi hoc dictum correlatiuè: Fide iustificamur, hoc est, gratis per misericordiam reputamur iusti: sed hæc misericordia fide apprehenda est.

Est ergo sententia Pauli: Fide sumus iusti, id est,

non propter dignitatem qualitatum seu virtutum
nostrarum, aut propter aliquid in nobis, sed prop-
ter aliud extra nos, videlicet propter Christum repu-
tamur iusti.

Quid excludit particula gratis ? -

Non excludit pœnitentiam seu contritionem &
bona opera, sed excludit conditionem dignitatis no-
stræ, & transfert causam beneficij (scilicet remis-
sionis peccatorum, & donationis vitæ æternæ) in so-
lam misericordiam.

Quare necesse est tenere hanc exclusivam?

Hæc doctrina tota referenda est ad ipsum ago-
nem conscientie coram iudicio Dei, nec potest in-
telligi, nisi traducatur animus ad illud ipsum cer-
tamen. Nam in veris terroribus conscientia expe-
ritur nos non posse exponere iudicio & iræ Dei no-
stras virtutes & merita nostra: nec potest acqui-
escere aut vincere dubitationem, quamdiu quærit su-
as virtutes, aut bona opera. David etsi habet mul-
tas excellentes virtutes & merita, tamen non po-
test statuere sibi propter illa certò contingere re-
missionem peccatorum, sed omnes illæ virtutes oba-
ruuntur & demerguntur vno peccato. Ergo, vt ha-
beat pacatum conscientiam, & vincat terrores &
dubitationem, cogitur quærere misericordiam, gra-
tuitam, nec acquiescit, priusquam fide apprehen-
dat hanc Euangelij vocem, quòd gratis ei remit-
tatur peccatum. Ideo igitur tenenda est hæc sen-
tentia, quòd gratis iustificemur per misericordiam,
propter

propter Christum, vt beneficium sit certum, & conscientia habeant formam consolationem, & vt dubitatio fide vinci possit.

Et hæc ipsa particula gratis, propriè facit discrimen Legis ac Euangelij. Nam Lex etiam habet promissiones, sed non pollicetur gratis Remissionem peccatorum, sed requirit conditionem nostræ impletionis seu obedientiæ.

Hæc igitur est prima causa, cur hanc exclusiuam defendi necesse sit, videlicet, vt promissio sit certa.

Secunda causa est, vt debitus honor tribuatur Christo, videlicet, vt statuamus nobis verè propter ipsum contingere beneficia Euangelij, & discamus eo vti mediatore. Nam qui non tenent hanc doctrinam, auferunt Christo debitum honorem, nec possunt eo vti tanquam mediatore.

Dic testimonia huius exclusivæ.

Rom. 3. Iustificatur gratis ipsius gratia, per redemptionem in Christo Iesu. &c.

Item cap. 4. Ideo ex fide gratis. &c.

Ephes. 2. Gratia estis saluati, per fidem, non ex vobis. Dei enim donum est, non ex operibus.

Galat. 2. Scientes quòd non iustificatur homo ex operibus Legis, nisi per fidem Iesu Christi.

Ad Titum. 3. Non ex operibus iustitiæ, quæ fecimus nos, sed secundum misericordiam. &c.

Est ne vera propositio,

Sola fide iustificamur?

Respondéo, Est. Licet est enim dicere: Gratis iustificamur,

MARGARITA

ustificamur, & dicere, Sola fide iustificamur. Et rectius intelligitur, sententia mutata in correlatiuam. Sola misericordia iustificamur. Tantum enim valet. Sola fide, id est, solius misericordiae fiducia iusti pronunciamur. Imò etiam si non addatur particula sola, tamen hæc ipsa propositio, Fide iustificamur, simpliciter exclusiua est. Quia dicere, Fide iustificamur, hoc ipsum vult, scilicet, quod fides nititur sola misericordia, non nostra dignitate, & significat fiduciam solius misericordiae, ac opponitur fiduciae propriae dignitatis & operum. Est igitur contradictio, dicere quòd fide iustificemur, & imaginari quòd propter opera iustificemur, aut mereamur Remissionem peccatorum & vitam eternam.

Argumentor contrà.

Suprà dixisti, requiri contritionem & penitentiam. Ergo nò sola fide iustificamur. Respondeo. Particula sola, non excludit penitentiam seu contritionem: nec hoc vult, quòd in renatis sit sola fides, non etiam aliæ virtutes. Sed excludit conditionem nostræ dignitatis & meriti, tanquam causam reconciliationis, quod videlicet propter nullas nostras virtutes reputemur iusti. Et causam Iustificationis, hoc est, precium remissionis peccatorum & meritum vitæ æternæ, transfert à nobis in solam misericordiam. Et si ergo necesse est existere penitentiam, & inchoatam obedientiam, tamen non propter eam habemus remissionem peccatorum.

Aliud

Aliud argumentum.

*Fide sumus iusti.**Fides est opus.**Ergo operibus sumus iusti.*

Hic non valet responsio illorum qui dicunt: Fides est opus Dei, quia etiam dilectio & aliae virtutes sunt opera Dei in nobis, nec tamen propter eas iustificamur. Sic igitur respondendum est ad maiorem: Non sic est intelligenda maior, fide sumus iusti, quia fides est opus, aut qualitas in nobis, sed quia nititur misericordia, & accipit misericordiam. Et haec oratio. Fide sumus iusti, intelligenda est coram relatiue, id est per misericordiam pronuntiamur iusti, sed haec fide accipiendo est. Et si igitur fides est opus seu noua qualitas in nobis, tamen non propter dignitatem illius sumus iusti, quia haec fides adhuc imperfecta est, sicut aliae virtutes, sed sumus iusti propter illud quo nititur, & quod accipit fides, scilicet propter Christum.

Si non sumus iusti propter opera, quorsum opus est bene operari?

Respondendo. Beneficium iustificationis totum translatum est in Christum, nec pendet ex nostra dignitate, ut videlicet sit certum. Et tamen noua obedientia est necessaria, tanquam affectus necessario consequens. Quia cum fide accipimus remissionem peccatorum & imputationem iustitiae, simul fit in nobis renouatio, quae est, inchoatio nouae & aeternae vitae. Inchoatio verò nouae & aeternae vitae, est
ipsa

MARGARITA

ipsa noua obedientia. Est ergo necessaria hæc noua obedientia in ijs qui sunt iustificati.

Quæro de Paulo iam conuerso seu renato: Est ne Paulus post conuersionem iustus sola fide, an fide & operibus, seu noua obedientia simul?

Respondeo. Sola fide iustus est. Quia etsi iam habet nouam obedientiam & excellentes virtutes, tamen nõ potest statuere personam placere propter illas virtutes, qui sentit illam suam inchoatam obedientiam non satisfacere Legi, nec potest suas virtutes opponere iudicio Dei. &c. Quemadmodum ipse inquit: Nihil mihi conscius sum, sed in hoc non iustificatus sum. Ergo necesse est eum statuere, quod persona placeat propter aliud, videlicet, propter Christum. Deinde quia fides nititur misericordia, & per eam statuit se acceptum esse deo, nõ potest dici, quod simul fide & operibus sit iustus. Effet enim contradictio, cõfidere simul in misericordia & dignitate propria.

DE BONIS OPERIBVS.

Quæ sunt tenenda in doctrina de operibus?
Multæ sunt quæstiones.

- I. Quæ opera requirantur?
- II. Quomodo fiant?
- III. An satis faciant Legi?
- III. Quomodo placeant?
- V. De merito & causis bene operandi.

Qualia

Qualia opera requiruntur, & quæ
sunt bona opera?

Deus requirit non tantum externa facta, quæ sunt quædam civilis disciplina, & iustitia carnalis, quæ est & in hypocritis & impijs. Hanc enim potest utcumque præstare humana voluntas, sine Spiritu Sancto, & à Deo requiritur etiam ab his, qui non sunt sanctificati. Sed requirit etiam interiores motus cordis, scilicet, timorem Dei, fiduciam, inuocationem, dilectionem, patientiam. &c. Iuxta illud: Dabo legem meam in cordibus eorum. Et Christus inquit: Nisi iustitia vestra abundauerit supra iustitiam Phariseorum, non intrabitis in regnum cælorum.

Sunt igitur bona opera non tantum externa facta, sed etiam interiores spirituales motus. Voco autem bona opera tantum ea, quæ à Deo sunt mandata, & præcipiuntur in Decalogo seu decem præceptis.

Quare cum quæritur de bonis operibus, respiciendum est ad Decalogum: & sciendum est, quod ea tantum sunt vocanda bona opera, quæ in Decalogo docentur.

Debet enim extare testimonium verbi Dei, quæ opera requirat Deus, & quæ placeant Deo. Non potest autem statui, quod placeant Deo illa opera, quæ non habent testimonium verbi Dei, sicut sunt opera traditionem, & cultus electitij, imò Scriptura palam repudiat illa opera, & negat Deo placere, sicut Christus inquit: Frustra colunt me mandatis hominum &c.

.Dic

MARGARITA

Dic Catalogum bonorum operum ex Decalogo?

Ad primum Præceptum pertinent, pœnitentia, seu timor, fides siue fiducia misericordiæ promissæ propter Christum, & dilectio, item obedientia in afflictionibus, seu patientia.

Ad secundum præceptum pertinent, inuocatio, Gratiarum actio, confessio doctrinæ, & prædicatio verbi Dei, si postulet vocatio.

Ad tertium pertinent, conseruatio publicarum ceremoniarum, quæ diuinitus ordinatæ sunt reuerentia erga ministerium.

Ad quartum, officia vitæ ciuilib, obedientia Parentum, diligentia in obeunda vocatione.

Ad sextum, castitas, fides coniugij, temperantia, sobrietas.

Ad septimum, iustitia in contractibus & vsu facultatum, liberalitas, eleemosyna.

Ad octauum, veritas in omni vita, odisse simulationem & mendacia.

Ad nonum & decimum pertinent repugnare concupiscentiæ & malis affectibus.

SECUNDA QVÆSTIO.

Quomodo fiunt bona opera?

*Hic primum tenenda est regula, quod impossibile sit fieri legem sine fide. Quia cum non satis sit externa opera aut simulationem Legis præstare, sed requirantur interiores motus cordis, hanc Veram obedientiam non possunt præstare homines sine fide
seu*

seu intellectu Evangelij de Christo. Est autem hæc regula, Sine fide impossibilis est lex, dupliciter intelligenda. Primum de obedientia spiritali, ut dictum est, quia & si homines præstant aliqua externa opera, tamen in agone conscientie cum corda sentiunt iram & iudicium Dei, tunc dubitant, fugiunt Deum, desperant, non diligunt, non innocant Deum, non præstant veram obedientiam. Secundò, intelligatur etiam de acceptione, id est, etiam hoc ipsum quod facit homo sine fide, non placet, quia non fit fiducia Christi mediatoris. Nam extra Christum nihil potest placere. Ideò Christus ipse inquit, Sine me, nihil potestis facere. Igitur necesse est ad doctrinam Legis addi Evangelium de Christo, & fides necessaria est ad faciendum Legem.

Sic ergo fiunt bona opera, cum corda erigantur Evangelio, mouente spiritu sancto, & assentientibus nobis, ibi simul concipitur spiritus sanctus, & inchoantur in nobis motus spirituales. Corda postquam fide statuunt se habere Deum propitium propter Christum se respici à Deo exaudiri. &c. Iam agnoscunt Deum patrem, & liberata à terroribus & dubitatione incipiunt verè diligere Deum, verè innuocare, confidere auxilio Dei in omnibus periculis, equo animo perferunt afflictiones, & præstant obedientiam, propter gloriam Dei, propter Deum, seruiunt proximo: diligentius faciunt officia vocationis, & præstant exercitia pietatis, castitatem, diligentiam in reprimendis affectibus. &c.

Hoc

Hoc ergo est beneficium doctrinae Evangelicae, cum docetur de Fide, discitur quomodo concipiatur Spiritus Sanctus, qui excitat in nobis novos motus, & intelligitur quomodo lex sit possibilis, sicut Paulus ait, Legem stabilire per fidem.

TERTIA QVAESTIO.

*An noua obedientia satisfaciat Legi,
& sit sine peccato?*

Etsi in credentibus, cum concipiunt Spiritum Sanctum, existit noua Obedientia, sicut dictum est, tamen sciendum est, eam obedientiam esse imperfectam, nec esse sine peccato, sed adhuc haerere multum infirmitatis & vitij, etiam in his qui sunt sanctificati. Quare haec inchoata obedientia (quod ad ipsum attinet) nequaquam satisfacit Legi, nec potest opponi iuditio Dei. Est enim adhuc in sanctis concupiscentia, quae est sua natura peccatum, & res digna morte, nec est otiosa, sed perpetuo gignit vitiosos affectus. Ideo non possunt statuere sancti, se propter suam obedientiam iustos esse, & placere Deo: sed coguntur quaerere misericordiam, & credere, quod tantum propter Christum placeant. Ita intelligunt à se requiri perpetuam poenitentiam, & se opus habere perpetua remissione peccatorum, sicut Christus ab omnibus requirit poenitentiam, ne effarentur fiducia propriae dignitatis, cum inquit: Gaudium est Angelis de uno peccatore agente poenitentiam, magis quam de nonaginta nouem iustis. &c.

Damnanda est igitur doctrina aduersariorum,
qui

qui fingunt sanctos sine peccato esse, & concupiscen-
tiam (quam vocant fomitem) non esse sua natura
peccatum, & sentiunt renouatos sua impleione seu
obedientia iustos esse. Ita tollunt prorsus Christum,
& obscurant doctrinam Euangelij.

Testimonia, quòd maneat in
sanctis peccatum.

1. Iohan. 1 Si dixerimus, quòd peccatum non ha-
beamus, ipsi nos seducimus. &c.

Rom. 7. Carne seruo Legi peccati. &c.

Rom. 10. Conclusus omnes sub peccatum, ut om-
nium misceatur.

Psal. 142. Non intres in iudicium cum seruo tuo,
quia non iustificabitur in conspectu tuo ullus uiuens.

Psal. 139. Si iniquitates obseruaueris Domine,
quis sustinebit?

Psal. 18. Dilicta quis intelligit? &c.

Psal. 31. Beatus vir, cui non imputauit dominus
peccatum. Ergo potuit omnibus imputari pecca-
tum, nec sancti sunt sine peccato, sicut sequitur in
Psalmo: Pro hac orabit ad te omnis sanctus. Et
sancti fatentur hac peccata, cum orant: Dimitte na-
bis debita nostra. &c.

QVARTA QAESTIO.

Cum in Sanctis sit peccatum, quomodo pla-
cet igitur inchoata obedientia?

De hoc imprimis opus est in Ecclesia erudiri
conscientias, quomodo placeat inchoata obedi-

D

tia,

MAGARITA

ria, cum sit imperfecta, & procul absit à perfectione Legis. Sic ergo respondendum est. Hæc obedientia inchoata placet, non propter suam dignitatem, aut perfectionem, sed propter Christum, per quem sumus facti filij. Sicut enim persona accipit remissionem peccatorum, & placet propter Christum, ita etiam sequens obedientia seu bona opera, etsi sunt contaminata peccato, quod reliquum est in natura, tamen placent propter eundem: & quod est vitiosum, condonatur credentibus propter mediatorem Christum. Ita sciendum est, quod & persona & opus placeat propter Christum, & quod hæc inchoata obedientia, per misericordiam propter illum accepta sit, & reputetur tanquam Legi satisfactum sit, & vocetur impletio Legis seu iustitia in nobis, quia iam sumus filij & hæredes in Christo.

Testimonia, quod placeat hæc inchoata obedientia,

Rom. 8. Nulla nunc condemnatio ipsis, qui Christo Jesu ambulant. &c. Item,

Si spiritu actiones carnis mortificabitis, vinetis.

Galat. 5. In Christo neque circumcisio aliquid valet, sed fides per dilectionem efficax. Placet ergo nostra dilectio, sed ita, sit coniuncta fides, qua prius apprehendit Christum mediatorem.

Rom. 14. Qui in his servit Christo, placet Deo, probatus est hominibus.

1. Pet. 2.

1. Pet. 2. *Ut offeratis hostias spirituales, acceptas Deo per Christum. &c.*

1. Joan. 3. *Quia mandata eius custodimus, & quæ placita sunt coram eo, facimus.*

QVINTA.

De dignitate & causis bene operandi.

Valde illustrat & commendat hac doctrina amplitudinem misericordiae Dei, cum intelligimus nostram obedientiam, etsi est contaminata & immunda, tamen placere Deo propter Christum, & quidem reputari pro impletionem Legis, ac ornari summis laudibus, vocari iustitiam, cultum, sacrificia, quibus honore afficiatur Deus. Item mereri ingentia premia. Quare non est extenuanda dignitas bonorum operum, sed amplificanda, ut accendat in nobis studium bene operandi.

Quæ sunt igitur causæ, quæ nos debent invitare ad bene operandum?

Quinque. Necessitas, dignitas, premia proposita, exercitia fidei, & auxilium spiritus sancti.

Quæ est prima causa?

Necessitas bonorum operum. Oportet enim fidem in nobis assiduè exercitijs in invocatione, pœnitentia, & periculis crescere, iuxta illud: Facite dignos fructus pœnitentiae. &c. Non enim potest fides existere cum mala conscientia, qua fides est fiducia, quòd Deus sit nobis propitijs: mala conscientia indicat contrarium. Item, qui non agunt pœnitentiam,

MARGARITA

nam, sed indulgent vitiosis cupiditatibus, non retinent fidem. Fides enim querit remissionem peccatorum, non delectatur peccatis, nec manet spiritus sanctus in his, qui obtemperant vitiosis affectibus. Iuxta illud Ioan. Qui facit peccatum, ex diabolo est. Idem monet Petrus: Curate, inquit, ut vocationem & electionem vestram firmam faciatis.

Quæ est secunda causa?

Dignitas bonorum operum. Quanquam enim in tanta infirmitate nostra, de nobis quidem non debemus arroganter sentire, tamen vocatio nostra magnificanda est, exsi virtutes & bona actiones nostra non sunt satis munda, tamen ad gloriam Christi pertinent, ideo magna earum dignitas est. Et ut sciamus eas valde placere, ornat eas Deus honorificis titulis. Vocantur enim sacrificia, hoc est, veri cultus & honores, quibus Deus delectatur. Christus inquit, patrem glorificari nostris bonis operibus. Petrus inquit, nos esse sacerdotium sanctum, destinatum ad spirituales hostias offerendas, & gratias patri per Christum. Præterea, cum benefacta et bona opera sint dona spiritus sancti, esset ingrati atque impij animi non agnoscere auctorem. Item, bona opera sunt etiam sacramenta, id est, signa admonentia nos de voluntate Dei, & testantia nobis contingere remissionem, & alia beneficia divina: Juxta illud: Remittetur vobis.

Quæ est tertia causa?

Premia tam corporalia quàm spiritualia, quæ bona opera

opera merentur. Esi autem etiam in hac vita multis premia redduntur, tamen quia Ecclesia subiecta est cruci, precipua premia reddentur post hanc vitam, quemadmodum Christus ait: Merces vestra copiosa est in cœlis. Et Paulus ait. Pietas habet promissiones presentis vite, & futurae.

Quæ est quarta causa?

Exercitiū fidei. Ideo enim Deus operibus addit promissiones, ut fidem per tales occasiones exerceamus: cogitemus ideo nos daturos eleemosynam, quia Deo placet hoc officium, & credamus Deum nobis quoque vicissim benefacturam esse, sicut docet exemplum vidua Sareptanae. 3. Reg. 17.

Quæ est quinta causa?

Quod ii qui student bene operari, à spiritu sancto adiuvantur & custodiuntur, ne diabolus eos pertrahat in errores perniciosos, aut ad flagitia. Ideo ait Christus: Non relinquam vos orphanas. Hoc beneficium Dei, certè nulla vox humana satis eloqui potest: Nam diaboli insidias nulla humana prudentia sine spiritu sancto satis cauere potest. Excitent ergo nos ad benefaciendum ista causa.

Qui verò mala opera, nocent ne?

Imò. Merentur primum iram Dei, & damnationem æternam.

Deinde deformant Evangelium & gloriam Dei, sicut ille inquit: Propter vos malè audit nomen Dei inter gentes.

D.ij.

Tertio;

MARGARITA

Tertiò, habent pœnas præfentes, diaboli tyrannidem, qui impios in potestate habet, & impellit in omnis generis errores ac flagitia. Sequuntur & pœna corporales, bella, & alia calamitates.

Præterea impediuntur omnia fpiritualia exercitia, extinguitur fides in his qui indulgent cupiditatibus. Poſtremò, quòd maximè horrendū eſt, peccata merentur indurationē, & puniuntur peccata peccatis. Haec cauſa diligēter cogitanda ſunt, ut ſecuritatē carnalem eiſciamus ex animis, & diſcimus timere iram Dei, ac nos ad bene operandum excitemus.

Sunt ne bona opera meritoria
vitæ æternæ?

Reſpondeo. Quidam oſi concedunt bona opera non mereri remiſſionem peccatorum, tamen imaginantur poſtea in renouatis, opera eſſe meritoria vitæ æterna. Sed nequaquam eſt ſentiendum, quòd propter dignitatem & munditiā illorum detur vitæ æterna. Sed eſt beneficium gratuitum, & datur per miſericordiam propter Chriſtum. Et ratio eſt, quia noſtra obedientia ſemper adhuc eſt immunda, nec placet propter ſeipſam, ſed placet propter Chriſtum. Et nemo ſanus eſt tam impudens, ſi ſuam ipſe conſcientiam conſulat, ut auſit affirmare ſua benefacta eſſe digna vitæ æterna, aut ſibi pro iſ deberi vitam æternam.

Sic ait Paulus: Nihil mihi conſcius ſum, & tamē in hoc non iuſtificatus ſum. Si Paulus iam ſanctus & plenus bonorum operū, negat ſe propter ea iuſficari,

tari, multò minus iudicat ea esse digna vita aeterna.

Item Christus ait: Si feceritis omnia, quae praecepta sunt vobis, dicite: servi inutiles sumus. &c.

Rom. 11. Conclufit Deum omnia sub peccatum, ut omnium misereatur.

Nec eludi hæc sinamus cauillatione, quæ fingit Synedochen, videlicet, etiamsi bona opera non sunt totale meritum, tamen esse aliquid parziale & minus principale meritum. Quia sic niteretur fides illo partiali, quod est impossibile. Est enim contradictio, statueret, quod gratis accipiamus vitam æternam, per misericordiam propter Christum: & imaginari, quod nostra obedientia mereatur vitam æternam. Et illud ipsum parziale (etiam si quod esset) tamen prorsus excuteretur nobis in certamine conscientiae, cum videremus nostram obedientiam non esse talem, qualis esse debeat. In summa, non potest iudicio Dei opponi aliquod nostrum meritum, quia Lex semper accusat nos, & reos agit peccati. Sicut Paulus ait: Potentia peccati Lex, Deo autem gratia, qui dedit nobis victoriam per Christum. &c.

Sic ergo sentiendum est: etsi nostra obedientia non est meritum vite æternæ, nec propter eam saluamur, sed propter Christum gratis, tamen est debitum, quod necessario sequi debet, & meretur præmia corporalia, & spiritalia, quæ partim in hac vita, partim post hanc vitam redduntur, sicut dicit Christus: Date, & dabitur vobis.

D. iij.

Quare

MAGARITA

Quare igitur vita aeterna vocatur merces?
 sicut dicitur: Reddet vnique se-
 cundum opera sua &c.

Respondeo. Phrasis Legis est, quae describit, quales
 sint, quibus detur vita aeterna, & hoc dicit, dari vi-
 tam aeternam iustis. Nam cum Lex nominat ope-
 ra, intelligit cuiusq; iustitiam aut iniustitiam. Sic
 autem loquitur Lex, quasi nos nostra impletione sa-
 tis faceremus Legi, & essemus iusti, & promittit vi-
 tam aeternam iustis. Sed interim ex euangelio scien-
 dum est, quod fide gratis accipiamus imputationem
 iustitiae propter Christum, & quidem ita, quasi nos
 ipsi Legi satisfecissemus. Quia igitur imputatur
 nobis iustitia, seu Legis impletio, ideo etiam promit-
 titur nobis vita aeterna, tanquam iusti, non quia
 nostra obedientia digna sit tanto beneficio, sed quia
 propter Christum iam reputamur iusti, & debetur
 nobis merces, non propter nostram dignitatem, sed
 quia nobis promissa est propter Christum. Et hac
 merces non est compensatio debiti officij, sed est gra-
 tuiti muneris seu beneficij, & quidem non pro inde-
 bita, sed pro debita obedientia, quae tamen in nobis
 est imperfecta, & non satisfacit Legi.

Hic etiam dici solet de discrimine peccati mor-
 talis ac venialis. Quia enim in sanctis manet ad-
 huc peccatū, necesse est discerni peccata, quae herēt
 in sanctificatione, & quae possunt consistere cum fide &
 bona conscientia, & quae non possunt stare cum fide,
 sed sunt talia, ut qui ea admittant, excidant gratia
 Dei,

Dei, & desinant esse sancti, sicut erat adulteriū Da-
nidis. Sed de hoc discrimine supra dictum est.

DE POENITENTIA.

Quid est pœnitentia?

EST qua vera contritione morimur peccatis,
& fide erigimus nos, ad accipiendam remissionem
peccatorum.

Quot sunt partes pœnitentiæ?

Dua, Contritio & Fides.

Quid est contritio?

Est terror ac dolor conscientie, qua sentit Deū
irasci peccato, & dolet se peccasse. De hac in scri-
pturis multa sunt testimonia: Pœnitentiam agite
& credite euangelio. *Marc. 1.* Scindite corda ve-
stra. *Ioel. 2.* Ubi habitabit Dominus? in spiritu cō-
trito & humiliato. *Esa 66.* Desinite peruersè agere.
Et hac contritio debet crescere, ita ut non solum ex-
terna dilicta, sed etiam interiore immunditiam
agnoscamus. Quare non est pœnitentia in hypocri-
tis, qui nullo dolore afficiuntur, interim tamen sibi
blandiuntur, quasi nihil habeant vitij. Et hanc se-
curitatem Christus saepe reprehendit seuerissimè.
*Nisi, inquit, egeritis pœnitētiā, simul omnes peri-
bitis.*

Vnde oriuntur isti dolores &
terrores in nobis?

Per verbū Dei, quòd arguit peccata. Rom. 1. Reue-

D. v.

latnr

MARGARITA

*Iatur ira Dei super omnem impietatem, & Iuā. 16.
Spiritus sanctus arguet mundum de peccato. &c.*

Quid est fides pœnitentiæ pars?

*Est fiducia, qua credit unusquisque sibi remitti
peccata propter Christum gratis. Hac fides statuere
debet in specie tibi remitti peccata.*

*De hac multa testimonia in scripturis. Act. 10.
Huic omnes Prophetæ testimonium perhibent, re-
missionem peccatorum accipere per nomen eius, qui
credunt in eum. Rom. 5. Iustificati per fidem, pacem
habemus erga Deum, hoc est, pacatas & tranquil-
las conscientias.*

*Et quòd gratis remittantur peccata indignis, te-
stantur hi loci. Rom. 3. Iustificati gratis ipsius gra-
tia, &c. Eph. 1. 3. Gratia saluati estis. Dei donum
est, non ex uerbis. Item, Rom. 5. Per hunc habemus
accessum ad Patrem. Et Psal 31. Dixi confitebor
aduersum me iniustitiam meam Domino, & tu re-
mittis impietatem peccati mei.*

*Rom. 8. Cùm esset impossibile Legi, misit Deus fi-
lium suum in carnem. &c.*

Rom. 4. Ideo ex fide gratis. &c.

*Hac fides facit discrimen inter contritionē Petri
& Iudæ, Davidis & Saulis. Cōtritio Petri & Da-
uidis profuit, quia accessit fides, qua apprehendebant
promissam misericordiam, & se consolabantur. Con-
tritio verò Iudæ & Saulis non profuit, quia non ad-
diderunt hanc fidem. Hac fides quoque facit discrimen inter timorem seruilem & filialem.*

Timor

Timor seruilis.

Est metus sine fide.

Timor filialis.

Est metus ad quem accedit fides, quæ inter paucos erigit & consolatur animum?

Quid autem de confessione & satisfactione?

Hæ orta sunt ab Ecclesiastico ritu publicæ pœnitentia. Olim enim rei publicorum criminum excommunicabantur, nec recipiebantur, nisi primùm confessi, hoc est, nisi prius testarentur apud Pastores se emendaturos esse mores, & peterent absolutionem. Postea addebatur satisfactio, hoc est, publica quædam castigatio.

Sed hic ritus confessionis, seu publicæ pœnitentia, iam olim abrogatus est in Græca Ecclesia, propter stupratam in templo à quodam Diacono mulierẽ sic pœnitentem. Non fuit igitur talis ritus iuris diuini.

Quæ est confessio vñitata, quæ Sacerdoti fit?

Est peccatorum enumeratio, non tamen iure diuino mandata. Prodest tamen eam retinere in Ecclesia, propter absolutionem & disciplinam. Per eam enim occasionem indocti erudiri, & commodius institui de tota doctrina possunt: indecorumq; est prorsus inexploratos accedere ad communionem.

Sed tamen scire oportet conscientias non esse onerandas enumeratione delictorum. Possunt enim etiam sine hac & absolutionem & consilia petere.

Nam

MARGARITA

Nam enumeratio ista peccatorum est impossibilis, iuxta illud. Psalm. 19. Dilicta quis intelligit? ab occultis meis munda me.

Argumentor contra.

Index non absoluit priusquam cognoscat. In hac confessione fit absolutio. Ergo necesse est fieri cognitionem & enumerationem peccatorum.

Respondeo ad maiorem. Interest inter potestatem iudicalem seu iurisdictionis, & potestatem ministerij. In hac confessione est tantum potestas ministerij. Nam pastor absoluit non ut index, sed ut minister, habens mandatum non cognoscendi, sed tantum impertienda absolutionis. &c

Sed praterea est alia potestas iurisdictionis, quae est quoddam iudicium externum ecclesiae, quod tantum ad manifesta crimina pertinet, quae excommunicat criminosos, & recipit excommunicatos. &c.

Quid est Satisfactio?

Est quaedam externa & politica disciplina Ecclesiae, humana auctoritate instituta, vel exempli causa ad ceteros dehortandos a flagitijs, aut ad explorandos animos eorum, qui ad ecclesiam redibant, an ex animo resipuissent. Olim enim in Ecclesia famosi non recipiebantur sine quadam publica castigatione, & hanc vocabant satisfactionem.

Quotuplex est Satisfactio?

Duplex. Altera olim publica poenitentia, altera scholastica;

Quae

Quæ est satisfactio publicæ pœnitentiæ ?

Est mulcta, quæ pœnitentibus propter publica peccata, à præbitero olim indicebatur, ad probandum eos, an seriò vellent respiscere: in qua cum se exercerent pœnitentes, usque ad tempus ab Episcopo præscriptum, admittebantur rursus ad Synaxim. Huius satisfactionis partes erant varia, pro conditione & magnitudine culpa, & ut erant peccata, ita habebant suos canones.

Quæ est satisfactio scholastica ?

Est facere quadam opera indebita, ad redimendas pœnas purgatorij, aut alias pœnas temporales.

Dicunt enim scholastici, quòd remittatur culpa per absolutionem, sed pœnam æternam quæ debebatur pro peccatis, mutari in pœnam temporalem purgatorij. Deinde addunt partem illarum pœnarum remitti potestate clauium, partem redimendam esse nostris satisfactionibus, hoc est, illis indebitis operibus. Sic ergo docent, satisfactiones mereri remissionem pœnarum, & esse compensationem pœnarum æternarum.

Vnde orta est satisfactio canonica?

Olim in Ecclesia non recipiebantur famosi sine publica castigatione certi temporis. Hæc vocabatur publica pœnitentia & satisfactio, erantq; illa spectacula quadam externa & politica disciplina, ab hominibus instituta, non quòd esset satisfactio coram Deo, aut propter eam remitterentur peccata. Postea illo more antiquato, remansit vocabulum satisfactionis.

disfactionis. Vnde postea homines indocti ex re politica fecerunt rem spiritualement, tanquam necessariam ad remissionem peccatorum.

Quid sentiendum de remissione pœnarum,
& an possunt clauces imponere, vel
tollere pœnas?

Primum sciendum est, remissionem tam culpa, quã pœna, esse gratuitum beneficium Christi, ac simul nos liberari peccato & morte aeterna.

Deinde discernenda est remissio pœna aeterna à remissione pœnarum temporalium. Quamuis enim remissio pœna aeterna coniuncta est cum remissione culpa, tamen sancti in hac vita, ferunt communes aerumnas humani generis, ut mortem corporalem, & alias calamitates, de quibus ait Paulus. Corpus mortuum est propter peccatum. Et Deus aliquando imponit pœnas propter certa peccata, sicut Dauid sustinuit pœnas propter adulterium.

Sed hoc non est uniuersale, quia saepe remittuntur peccata sine peculiaribus pœnis.

Tertio, Pœna quas Deus imponit, nõ possunt remitti potestate clauum, nec habent mandatum remittendi ac ponendi tales pœnas.

Quarto, sciendum est saepe nostra pœnitentia mitigari aut etiam tolli tales pœnas. Sicut saepe mitigata sunt pœnitentia publica & priuata calamitates, sicut ait Paulus: Si nos iudicaremus ipsi, non iudicaremur à Domino.

Quinto, Afflictiones sanctorum non semper sunt
pœna

pœna propter certa peccata, sicut afflictiones Job, & aliorum sanctorum, item supplicia Apostolorum & Martyrū, sed sunt singularia opera Dei, quibus exercetur fides sanctorum, & ostenditur gloria Dei.

Deinde etiam in ipsis pœnis p̃j debent intelligere hunc finem, quod non sint signa ira, sed bona voluntatis Dei, videlicet, quod Deus velit hac esse exercitia, per quæ aboleatur in nobis peccatum, & crescat novitas spiritalis. Nec debent iudicare p̃j, se ideo reiectos à Deo, ut Paulus ait: *A Domino corripi-mur, ne cum hoc mundo damnemur.*

Quid sunt indulgentiæ?

Nihil aliud, quàm publicarum pœnarum seu satisfactionum condonationes, & relaxationes veterū Canonum. Erant autem illi Canones humana traditiones, quare nihil ad remissionem culpa aut pœnarum coram Deo pertinebant, nec opus est illos Canones restituere, cum tantum fuerunt humana traditionis.

DE ABSOLVTIONE.

Quid est absolutio?

EST certificatio de peccati remissione, & de misericordia Dei erga peccatorem. Sic enim Christus ait, Mat. 18. *Quaecumq; solueritis super terrā, erunt soluta in cœlis. Et Ioan. 20. Quorum remisistis peccata, remittuntur eis.*

Potest etiam reiterari absolutio?

Imò, cum Petrus interrogaret Christum, quoties condo-

MARGARITA

condonabo fratri? Respondit, septuagies septies. Et Paulus ad Galat. 8. Si praecipuus fuerit homo aliquo peccato, vos qui spirituales estis, corrigite eum spiritu lenitatis. Et Ecclesia orat quotidie, Dimitte nobis debita nostra. Et Christus ait, Luca. 15. Gaudium est Angelis Dei super uno peccatore poenitentiam agente.

Rectene Nouatiani & Cathari negant lapsos post Baptismum consequi remissionem peccatorum?

Scelestè errant isti Hæretici. Nam multa possunt ostendi & veteris & noui Testamenti exempla, ubi lapsi remissionem peccatorum & absolutionem à Christo & ecclesia sunt consecuti. Exemplo sunt Dauid, Manasse, Petrus: Lapsa est Galatarum ecclesia, & à Paulo ad poenitentiam renocata: & Paulus ipse Corinthum incestum iubet recipi post poenitentiam. Dominus quoque, per Ezech. 33. ait: Vix ego, nolo mortem peccatoris, sed magis ut conuertatur & viuat. Hic Deus addit iusiurandum, ut conscientia eò magis erigantur, cum audiunt non solum promissionem, sed etiam eam confirmatam iniurando.

Sed quid de locis Epistolæ ad Hebræos. 6.

Impossibile est eos qui semel illuminati

Et. 19. Voluntariè peccantibus. &c.

Hi loci non negant lapsos posse redire ad gratiam & beneficium Christi. Prior enim locus agit de blasphemis & obstinatis, qui contra conscientiam persequun-

persequitur verbum Dei, & admonitionem & pœnitentiam adeò aspernantur, vt securi triumphent, & sibi valde gratulentur hanc sapientiam, quòd redire ausint. Hi non possunt renouari, interim dum sic perdurant, & Christum crucifigunt, & ludibrio habent, & non auscultant euangelio.

Alter locus iubet retinere gratiam & beneficium Christi, & cauere ne amittatur. Qui enim amittit beneficium Christi, reus est iudicij.

Est ne peccatum irremissibile?

Christus Math. 12. distinctionem facit inter peccatum remissibile & irremissibile. Quicumq; dixerit verbum contra filium hominis, remittetur ei. Qui autem dixerit verbum contra spiritum sanctum, non remittetur ei, neq; in hoc seculo, neq; in hoc futuro. Et Ioan. ait: Qui scit fratrem suum peccare peccatum, non ad mortem, petat, & dabitur ei vita. Est peccatum ad mortem, non pro illo dico vt roget quis.

Quod est peccatum in spiritum sanctum?

Augustinus intelligit peccatū in spiritum sanctū, aut finalem impœnitentiam in ijs, qui non accipiunt Euangelium aut desperationem. Quia hæc peccata propriè pugnant cum gratia, & eam abijciunt. Nam cetera peccata, cum fugimus ad gratiam, remittuntur. Ideò sic interpretatur Augustinus dictum Christi: Qui dixerit verbum contra spiritum sanctum, id est, qui verbum gratia, quod prædicatum & confirmatum est testimonijs spiritualibus finaliter repudiat, is habet peccatum in spiritum sanctum.

E.

Ea

Estne omnis lapsus post agnitam veritatem,
peccatum irremissibile?

Minime. Nam multa sunt exempla & testimonia, quæ docent tales lapsus condonari posse. Ac nec omnis persecutio Evangelij iudicari debet peccatum irremissibile. Quia Manasses, Paulus & alij, qui persecuti sunt verbum Dei, consecuti sunt veniam.

Quare utraque sententia retinenda est: Primum, quod omnia peccata remittantur credentibus, quia promissio Remissionis est vniuersalis. Iuxta illud: Conclusit omnes sub peccato, ut omnium misereatur. Item. 1. Ioan. 1. Ipse est propitiatio, non tantum pro peccatis nostris, sed pro peccatis totius mundi.

Secundo, tenendum est & hoc, quod sit aliquod peccatum irremissibile, seu peccatum ad mortem. Qui autem habeant peccatum irremissibile, non est nostri iudicij, satis est à posteriore iudicare, tale peccatum non esse in ijs qui veniunt ad pœnitentiam & fidem. Et irremissibile peccatum, tantum ad illos transferendum est, qui ad extremum perseuerarunt in incredulitate, & non egerunt pœnitentiam. Hi autem qui agunt pœnitentiam, non habent peccatum irremissibile.

Quis est effectus pœnitentiæ?

Effectus seu fructus pœnitentiæ sunt tota novitas vitæ & morum. Nam in his qui reconciliati sunt, debet sequi iustitia bonæ conscientie. De quo ait Ioannes: Facite fructus dignos pœnitentiæ. Et de necessitate huius novæ obedientie supra dictum est.

DE FIDE.

Quid est Fides?

Fides non tantum est notitia historiae de Christo, sed est vera fiducia cordis, quæ assentitur promissioni Evangelij, præcipue autem significat fiduciam misericordiae promissæ propter Christum.

Nam etsi promissiones sunt multiplices, & varia obiecta, circa quæ versatur fides, sicut sunt alia aliorum negotia & pericula, alia sunt Mosi, alia Davidis, alia Pauli negotia, tamen hoc principale obiectum fidei est, quodque in omnibus negotijs semper est primum & præcipuum, scilicet fiducia misericordiae, quæ statuit cor, se habere remissionem peccatorum, & se placere Deo propter Christum. Hæc fides præire & prælucere debet in omni inuocatione, & hæc erecta mens petit & expectat auxilium Dei in omnis generis tentationibus. Rursus sine hac fide seu fiducia misericordiae, nulla est inuocatio, neque vinci possunt vlla pericula. Nisi enim sit in corde talis fides, opprimuntur animi dubitatione & indignatione aduersus Deum, in veris certaminibus.

Quomodo existit hæc fides in animis?

Spiritus Sanctus mouet corda per Evangelium, quod docet peccata nobis remitti propter Christum, qui factus est victima pro nobis. Sic igitur existit hæc fides, cum audientes hanc promissionem, & intuitus in Christum Mediatorem, credimus prop-

E.ij.

ter

ter ipsum nobis ignosci, nos placere Deo, & exaudiri,
nec finimus nobis excuti hanc fiduciam.

Hæc fides est ipsa viuificatio cordis, & vincit terrores peccati & mortis, & affert firmam consolationem sustentat nos in omnibus periculis, & petit & impetrat bona à deo.

Proba quòd fides significet fiduciam
misericordiæ.

Hoc tempore etiam eruditi quidam disputant, vocabulum fidei significare tantùm historie notitiam, seu professionem articulorum, quæ etiam potest esse in impijs, & negant hac voce significari fiduciam misericordiæ. Tenenda sunt igitur firma argumenta, quòd fides in hac propositione, Fide iustificamur, significet fiduciam misericordiæ.

1. Paulus confert promissionem, & fidem quæ apprehendit promissionem, Rom. 4. cùm ait. Ideo ex fide gratis, vt sit firma promissio: vult enim promissionem futuram esse otiosam, si non accipiat fide. Cùm igitur fides ad promissionem, tanquam obiectum correlatiuè referatur, necesse est Paulum de tali fide intelligi, quæ est assensus, quò assentimur promissioni. Sed hæc fides est assentiens promissioni, est verè fiducia misericordiæ, non tantùm notitia historie. Sic etiam ad Galat. 3. ait: Vt remissio ex fide Christi detur credentibus. &c.

2. Rom. 5. inquit de Abraham: Non dubitauit diffidentia, sed confirmatus est fide. Hic clarè loquitur de fide, quæ repugnat dubitationi, & accipit
Remissio=

remissionem. Nam de fiducia promissionibus disertè ait: De promissione Dei non dubitavit per diffidentiam. &c.

3. Paulus loquitur de tali fide, quæ non est otiosa notitia, sed quæ agit aliquid in Remissione peccatorum, & tribuit ei efficaces causas, videlicet, quòd consoletur & erigat animas in paucibus, reddat peccatas conscientias, vincat peccatum & mortem. Rom. 4. Iustificati fide pacem habemus.

Item Ephe. 1. Per quem habemus fiduciam & accessum in fide. &c. Ergo necesse est intelligi fidem pro fiducia erigente animos.

Item Christus, cum ait ad mulierem peccatricem Fides tua saluam te fecit, certè loquitur de tali fide quæ credit & agnoscit sibi, remitti peccatum, iuxta vocem Christi: Remittuntur tibi peccata. Sic etiam in similibus locis, cum eodem modo loquitur ad Cananeam, & hemorrhoissam, intelligit fiduciam quæ ab ipso expectabat auxilium, nec erat otiosa notitia.

4. Petrus in Actis ait: Fide purificari corda, hoc est, habere Remissionem peccatorum & pacatam conscientiam. Constat autem non purificari corda illa notitia, quæ est etiam in impijs. Igitur necesse est fidem hic significare fiduciam, quæ apprehendit remissionem peccatorum.

5. In sententijs de oratione manifestum est, vocabulum fidei nihil aliud posse significare fiduciam, quæ credit sibi Deum propitium esse, & se exaudi-

MARGARITA

audiri, vt Iacob. 1. Si quis habet opus sapientiae, petat in fide, nihil hæsitans. Sic & Christus ait: Omnia quaecunque orantes petitis, reddite quia accipietis. &c. Sic etiam in Veteri Testamento vocabulum fidei, & credere, significat fiduciam misericordiae, vt, credidit Abraham. Item Iosaphat. 2. Paralip. 20. Credite Deo.

Quæ est sententia huius dicti :

Iustus ex fide viuet?

Quas res tribuit fidei, videlicet iustificationem & viuificationem, hoc est, liberationem à peccato & morte. Docet quòd fide sumus iusti, seu accepti Deo, & quòd fide viuificemur, hoc est, accipiamus consolationem, qua vincitur mors æterna, & apprehenditur vita æterna. Ergo in hoc quoque dicto, fidem necesse est intelligi non pro notitia otiosa, sed pro vera fiducia misericordiae, quæ impetrat remissionem peccatorum, & consolatur animos, ac liberat à terroribus, & certos reddit de vita æterna.

Quid? excludendane est à fide
historiæ notitia?

Minimè, Imò necessarium est credere omnes articulos. Sed non satis est tenere historiam, sed historia referenda est ad causam finalem, quæ est in Symbolo, videlicet, Credo Remissionem peccatorum. Hic enim est vsus historiæ, vt credas Christum filium Dei ideo esse natum in carnem, passum, & resuscitatum, vt tibi contingat Remissio peccatorum & vita æterna.

Quæ

Quæ est professio fidei christianæ?

*Tria feruntur Symbola seu professiones articulo-
rum fidei. Vulgatum, quod vocatur Apostolorum,
Alterum Nicenum, Tertium Athanasij.*

RECITA SYMBOLVM

APOSTOLORVM.

- C**Redo in Deum, Patrem omnipotentem,
creatorem cœli & terræ.
- 2 Et in Iesum Christum, filium eius unicum,
Dominum nostrum.
- 3 Qui conceptus est de spiritu sancto, natus
ex Maria virgine.
- 4 Passus sub Pontio Pylato, crucifixus, mor-
tuus & sepultus.
- 5 Descendit ad inferna, tertia die resurrexit
à mortuis.
- 6 Ascendit ad cœlos, sedet ad dextram Dei
patris omnipotentis.
- 7 Inde vētur⁹ est iudicare viuos & mortuos.
- 8 Credo in Spiritum sanctum.
- 9 Sanctam Ecclesiam catholicam, sanctorum
communione.
- 10 Remissionem peccatorum.
- 11 Carnis resurrectionem.
- 12 Et vitam æternam. Amen.

MARGARITA

DIC SYMBOLUM

NICENVM.

Credo in vnum Deum, Patrem omnipotentem, factorem cœli & terræ, visibilium omnium & inuisibilium.

Et in vnum Dominum Iesum Christum filium Dei vnigenitū, & ex patre natum ante omnia secula, Deum de deo, lumē de lumine, Deum verum, de Deo vero, genitum non factum cōsubstantialē Patri, per quem omnia facta sunt. Qui propter nos homines & propter nostram salutem, descendit de cœlis, & incarnatus est de spiritu sancto, ex Maria virgine, & homo factus est, crucifixus etiā pro nobis sub Pontio Pylato, passus & sepultus est, & resurrexit tertia die, secūdum scripturas, & ascendit in cœlum, sedet ad dexteram patris, & iterum venturus est, cum gloria iudicare viuos & mortuos, cuius regni non erit finis.

Et in Spiritum sanctum Dominum & viuificantem, qui ex Patre & Filioque procedit, qui cum Patre & Filio simul adoratur, & conglorificatur, qui locutus est per Prophetas. Et vnā Sanctam Catholicam & Apostolicam Ecclesiam. Confiteor vnum Baptisma in Remissionem peccatorum, & expecto Resurrectionem mortuorum, & vitam venturi seculi. Amen.

DIC

DIC SYMBOLVM

ATHANASII.

Q Vicunque vult saluus esse, ante omnia opus est, vt teneat catholicam fidem.

Quam nisi quisque integram, inuiolatamq; seruauerit, absq; dubio in æternum peribit. Fides autem catholica hæc est, vt vnum deum in trinitate, & trinitatem in vnitate veneremur.

Neque confundentes personas, neque substantiam separantes.

Alia est enim persona patris, alia filij, alia spiritus sancti.

Sed patris & filij & spiritus sancti vna est diuinitas, æqualis gloria, coæterna maiestas.

Qualis pater, talis filius, talis spiritus sanctus. Increatus pater, increatus filius, increatus spiritus sanctus.

Immensus pater, immensus filius, immensus spiritus sanctus.

Æternus pater, æternus filius, æternus spiritus sanctus.

Et tamen non tres æterni, sed vnus æternus. Sicut non tres increati, nec tres immensi, sed vnus increatus, & vnus immensus.

Similiter omnipotens pater, omnipotens filius, omnipotens spiritus sanctus.

Et tamen non tres omnipotentes, sed vnus omnipotens.

E.v.

Ita

MARGARITA

Ita Deus pater, Deus filius, Deus spiritus sanctus.

Et tamen non tres Dij, sed vnus est Deus.

Ita Dominus pater, Dominus filius, Dominus spiritus sanctus.

Et tamen non tres Domini, sed vnus est Dominus.

Quia sicut sigillatim vnamquamque personam Deum aut Dominum confiteri christiana veritate compellimur.

Ita tres Deos aut Dominos dicere Catholica religione prohibemur.

Pater à nullo est factus, nec creatus, nec genitus, Filius à patre solo est, nō factus, nec creatus, sed genitus.

Spiritus sanctus à patre & filio, non factus, nec creatus, nec genitus, sed procedens.

Vnus ergo pater, non tres patres: vnus filius, non tres filij: vnus spiritus sanctus, non tres spiritus sancti.

Et in hac trinitate nihil prius aut posterius, nihil maius aut minus.

Sed totæ tres personæ, coæternæ sibi sunt & æquales.

Ita vt per omnia, sicut iam suprâ dictum est, & trinitas in vnitatem, & vnitas in trinitate veneranda sit.

Qui vult ergo saluus esse, ita de trinitate sentiat. Sed necessarium est ad æternam salutem, vt incarnat-

carnationem quoque Domini nostri Iesu Christi vnusquisque fideliter credat.

Est ergo fides recta, vt credamus & confiteamur, quia Dominus noster Iesus Christus Dei filius, Deus & homo est.

Deus est ex substantia patris ante secula genitus: & homo est, ex substantia matris in seculo natus.

Perfectus Deus, perfectus homo, ex anima rationali, & humana carne subsistens.

Æqualis patri secundum diuinitatem, minor patre secundum humanitatem.

Qui licet Deus sit & homo, non duo tamen, sed vnus est Christus.

Vnus autem non cōuersione diuinitatis in carne, sed assumptione humanitatis in Deo.

Vnus omnino, non confusione substantiæ, sed vnitate personæ.

Nā sicut anima rationalis & caro vnus est homo, sic Deus & homo vnus est Christus.

Qui passus est pro salute nostra, descendit ad inferos, tertia die resurrexit à mortuis.

Ascendit ad cœlos, sedet ad dexteram Dei patris omnipotentis.

Inde venturus est iudicare viuos & mortuos.

Ad cuius aduentum omnes homines resurgere debent cum corporibus.

Et reddituri sunt de factis proprijs rationem.

Et qui bona egerunt, ibunt in vitam æternam,
qui

MARGARITA

qui verò mala, in ignem æternum. Hæc est fides Catholica, quam nisi quisque fideliter, firmiterque crediderit, saluus esse non poterit.

DE DEO.

Quid est Deus?

DEVS est substantia intelligens, spiritualis, æterna, creatrix & conseruatrix omnium rerum, infinita sapientia, bonitatis, iustitia, & misericordia.

Dic testimonia de vnitae Dei.

Deuter. 5. Audi Israel, Dominus Deus tuus, Dominus vnus est.

Esa. 44. Ego sum primus & nouissimus, & præter me non est Deus. Et. 45. Ego sum Deus, & non est vllus præterea. &c.

1. Corin. 8. Scimus quod idolum nihil est in mundo, & non est alius Deus nisi vnus. &c.

Ephes. 4. Vnus Deus & Pater omnium, super omnia, & per omnia.

1. Timoth. 2. Vnus est Deus, & vnus mediator Dei & hominum.

Quot sunt personæ diuinitatis.

Vna est tantum diuina essentia, sed ea tribuitur tribus personis, scilicet, Patri, Filio, & Spiritui Sancto, quæ sunt homoueroi, seu eiusdem substantia, pariter immensa, coætterna.

Quid hic significat persona?

Personæ

Persona est substantia indiuidua, intelligens.

Vnde probas esse tres personas?

Christus iubet baptizare omnes gentes in nomine patris & filij, & spiritus sancti. Hic nominatim recensentur tres personæ consubstantiales seu homouioi. Item professio Symboli idem testatur, ubi fateamur nos credere in patrem, filium, & spiritum sanctum.

Matth. 3. discernuntur personæ, cum apparet Spiritus Sanctus specie columba, & auditur vox patris, quæ testatur de Filio: Hic est Filius meus dilectus, &c.

Item Ioan. 15. Cum venerit paracletus quem ego vobis mittā à patre. Hic coniunguntur tres personæ, paracletus veniens seu missus, filius mittens, & pater.

1. Ioan. 5. Tres sunt qui perhibent testimonium, Pater, Filius, & spiritus sanctus. Hi tres vnū sunt.

Quis est pater?

Est prima persona diuinitatis, æterna, immensa, ingenta, & à nemine existens.

Quid est filius?

Secunda persona diuinitatis, à patre ante secula genitus homouiosus, seu consubstantialis Patri, ac co-æternus.

Quid significat, In principio erat verbum?

Verbum, seu Logos, vocatur apud Ioannē filius Dei, quæ est secunda persona. Est igitur sententiæ, In principio erat verbum, id est, Filius Dei erat in prin-

MARGARITA

principio ab aeterno.

Quare vocatur Logos, seu verbum?

Quia est persona loquens, quæ semper locuta est ab initio patribus.

Proba quòd Logos, seu verbū significet personam, quæ sit natura deus.

Ioannes ait de verbo seu Logo, quòd fuerit in principio, hoc est, quòd sit æternus. Iam si initio fuit verbum ante conditionem omnium rerum: Ergo non est creatura, sed coæternus patri.

Deinde cum ait: Verbum erat apud Deum, hic disertè discernit personas, quòd alia sit persona patris, alia verbi.

Tertiò ait: Et Deus erat verbum, hic clarè testatur verbum esse Deum. Nam particula Logos, seu verbum hic ponitur loco subiecti, sicut indicat Græcus articulus additus. Sed particula Deus, est prædicati loco.

Postea idem Ioannes indicat de verbo: In mundo erat, & mundus per ipsum factus est. &c.

Hæc sunt verba, quæ necesse est de persona intelligi, in qua fuerit diuina natura.

Sic & reliqui loci, qui dicunt per filium omnia condita esse, testantur Logon seu verbum esse personam, quæ sit natura Deus. Constat enim mundum non esse conditum per humanam naturam.

Ad Coloss. 1. Omnia per ipsum & in ipso condita sunt, & ipse est ante omnia, & omnia consistunt per ipsum. Item Coloss. 2. In ipso habitat plenitudo diuine

diuinitatis corporaliter.

Ad Hebr. 1. Per quem fecit & secula qui est fulgor claritatis, & effigies substantiæ eius, ferens omnia verbo potentia suæ. &c.

1. Ioan. 1. Quod erat ab initio, quod audiuiimus, quod vidimus, quod manus nostræ contrectauerunt, verbum vite, id annunciamus.

Ioan. 6. Quid? si videritis filium hominis ascendentem vbi erat prius?

Ioan. 17. Glorifica me pater, gloria quam habui ante mundum apud te.

Ioan. 8. Antequam Abraham natus, ego sum.

Ioan. 5. Sicut pater exuscitat mortuos, & viuificat, sic & filius quos vult viuificat. Item quæcumq; ille facit, hæc & filius similiter facit.

Ioan. 10. Ego vitam æternam do eis. &c.

Ioan. 15. Dicit se mittere spiritum sanctum. Cum venerit paracletus, quem ego mittā vobis à patre. Et infra: Si non abiero, non veniet paracletus: si autem abiero, mittam eum ad vos.

Ioan. 20. Thomas Christum aperte vocat Deum: Dominus meus, & Deus meus.

Rom. 9. Qui est super omnia Deus benedictus. &c.

Quid est Spiritus Sanctus?

Est persona diuina, cōæterna, & coessentialis Patri & Filio, ab utroque procedens.

Dic testimōnia quæ probant spiritum sanctum esse personam, & naturā Deum.

Suprà

MARGARITA

Suprà dixi, clarè discerni personas, cùm Christus inquit: Baptizantes in nomine Patris, & Filij, & Spiritus Sancti.

Sic Matth. 3. & Luc. 3. discernuntur persone, Patris vox loquitur de Christo. Hic est filius meus dilectus. Hic sunt due distinctæ persone, Patris loquentis, & testantis suum esse filium. Tertio, seorsum etiam Spiritus sanctus describitur apparere peculiari specie columbæ, quæ est neque Pater, neque Filius. Ioan. 14. Rogabo patrem, & alium paracletum dabit vobis. Item, Paracletus spiritus sanctus, quem mittet pater in nomine meo, is docebit vos omnia.

Item, non à semetipso loquetur, sed quæ audiet loquetur. Ioan. 15. Cùm venerit paracletus quem ego mittam vobis à patre, ille testimonium perhibebit de me. Roman. 8. Vos non estis in carne, sed in Spiritu, siquidem Dei Spiritus habitat in vobis. Si quis autem spiritum Christi non habet, is non est eius. Item, si spiritus eius, qui suscitavit Iesum à mortuis, habitat in vobis. &c.

Hi loci clarè discernunt spiritum sanctum à patre & Filio, & testantur esse Spiritus Patris & Filij.

Ibidem, Ipse spiritus testimonium reddit spiritui nostro. &c.

1. Pet. 1. De qua salute exquisuerunt & scrutati sunt Prophete, scrutantes in quod vel quale tempus significaret in eis Spiritus Christi, prænuncians eas quæ in Christo sunt passionēs. &c.

Hic clarè testatur quod Spiritus Sanctus exstiterit

terit antequam filius Dei induit carnem, & vocat eum spiritum Christi.

Item, ibidem: *Quae nunc nuntiata sunt vobis per eos qui Evangelizarunt vobis Spiritu sancto misso de caelo. &c.*

Actor. 2. ex Ioële: Effundam de spiritu meo super omnem carnem. Hic testatur Spiritum sanctum, qui effunditur, non esse personam Patris: & tamen, cum inquit: De spiritu meo, significat illum spiritum habere naturam diuinam.

Vnde probas, quod spiritus sanctus pariter procedat à Patre & Filio?

Ioan. 14. dicitur: Paracletus quem mittet pater in nomine meo. Deinde ait Christus: Paracletus quem ego mittam vobis à patre. Hic testatur paracletum venire, seu mitti, tam à filio, quam à patre.

DE CREATIONE.

Quid est creatio?

EST factura qua Deus creauit spiritus, & omnes corporales naturas ex nihilo per verbum, ad conseruandum ac sustentandū eas. *Gene. 1. 7* in principio creauit Deus caelum & terram, hoc est, cum nihil adhuc esset creaturarum.

Quid est creatura?

Est totum illud Dei officium, tam spiritum creatorum, quam aliarum rerum & naturarum corporalium, in hoc diuinitus factarum, ut monstrent

F.

Deum

MAGARITA

Deum esse, nec solum esse simpliciter Deum, sed æternum, potentem, qui creet, gubernet & conseruet omnia. Quibus cognitis, inde Deus creator & conseruator glorificetur, & gratiarum actiones habeat.

Quis conseruat creata?

In articulo creationis, semper intelligere debemus perpetuam gubernationem, sustentationem, & conseruationem rerum, ita quòd Deus non discesserit à suo opificio, sicut faber discedit à domo facta: sed Deus perpetuò gubernat, sustentat & conseruat naturas rerum, quotannis fecundat terram, procreat fruges ex terra, perpetuò suppeditat animantibus vitam & motum. Act. 17. In ipso viuimus, mouemur, & sumus. Coloss. 1. Omnia in eo consistunt. Psalm. 103. Omnia à te expectant, ut des illis escam in tempore. Psalm. 35. Homines & iumenta saluabis Domine.

Quomodo agnoscitur Deus in creaturis & naturis rerum?

Tota rerum uniuersitas est Sacramentum & testimonium quoddam, quòd sit Deus, quòd sit bonus, iustus, sapiens. Item motus cœlestes, vices temporum, conseruatio specierum, satis clamant, mundum & naturas rerum non existere casu, sed certo cōsilio cōdita esse, regi, & conseruari. Deinde humana mentes sunt imagines diuinitatis, & specula in quibus contemplari diuinitatem debemus. Indicat & politica societas generis humani presentiam Dei. Vide-

mus quoque homicidas & tyrannos diuinitus ad penitentiam rapi.

Quomodo utendum est creaturis?

Magna pietas est, creaturis sic uti, ut per eas glorificemus Deum, & monstremus in his bonitatem eius ac presentiam, & gratias ei agamus: quod qui non faciunt, sunt Epicurei, imò athei.

DE HUMANIS VIRIBVS, siue de libero arbitrio.

Quid est liberum arbitrium?

EST voluntas cum ratione consentiens. In homine enim sunt, ratio siue mens, quæ indicat: voluntas, quæ vel obtemperat, vel repugnat iudicio, & imperat inferioribus viribus, scilicet affectibus sensuum.

Iam quæritur, quomodo voluntas sit libera, quomodo possit obedire Legi dei?

De hac quæstione indicari non potest, nisi magnitudinem peccati, quod nobiscum nascitur, consideremus. Item, nisi sciamus Lege Dei non tantum requiri externa ciuilia facta, sed perpetuam & perfectam totius natura obedientiam. Nam nisi natura hominis non esset corrupta peccato, haberet certiore & clariore de Deo notitiam, non dubitaret de voluntate dei, haberet verum timorem, veram fiduciam: deniq; præstaret integram obedi-

MARGARITA

ziam Legi, hoc est, in natura esset motus omnes consentientes cum Lege Dei, sicut in pijs Angelis. Nunc autem natura hominis oppressa morbo originis, plena est dubitationis, caliginis, errorum, neque verè timet Deum, nec verè confidit, denique plena est vitiorum adfectuum.

De hac infirmitate quæritur,

Quantum potest præstare voluntas humana?

I. Respondeo. Cum in natura hominis sit quidam delectus rerum, quæ sunt subiectæ rationi aut sensui, & externorum operum civilium, potest voluntas humana suis viribus, sine renouatione, aliquo modo externa Legis opera facere. Hoc concedunt Philosophi & sacra litera. Nam scriptura docet esse quendam iustitiam carnis, quadam opera Legis, etiam in non renatis. Sed hac libertas sæpe vincitur naturalis imbecillitate, impeditur quoque sæpe à diabolo. Nam cum natura sit plena malorum adfectuum, obtemperant homines sæpe pravis cupiditatibus, non recto iudicio, sicut apud Poëtam ait Medea: Video meliora, proboq, Deteriora sequor.

II. Evangelium docet in natura horribilem corruptionem esse, quæ repugnat Legi Dei, hoc est, facit, ne præstare integram obedientiam possimus. Hanc corruptionem autem non potest natura tollere, sicut nec mortem, imò tanta est natura cæcitas, ut eam corruptionem perspicere non possimus. Ideo quoq, non videmus, quanta sit humanarum virium infir-

mitas, quam si verè cerneremus, tum demum intelligeremus homines non posse Legi Dei satisfacere.

**Cur igitur homines non possunt
Legi Dei satisfacere ?**

Voluntas humana non potest sine spiritu sancto efficere spirituales adfectus, quos Deus requirit, scilicet, verum timorem Dei, veram fiduciam misericordiae, tolerantiam in afflictione, dilectionem Dei, & similes motus.

Da scripturas.

Rom. 8. Qui spiritu Dei ducuntur, hi sunt filij dei.

Item, Si quis spiritum Christi non habet, hic non est eius. 1. Corinth. 2. Animalis homo non percipit ea quae sunt spiritus Dei.

Joan. 3. Nisi quis renatus fuerit ex aqua & spiritu sancto, non potest intrare in regnum Dei.

Item, Nemo potest venire ad me, nisi pater meus traxerit eum.

Item, Erunt omnes docti à Domino.

Item, Sine me nihil potestis facere. Joan. 15.

**Si sic docetur, deterrentur homines à studio
obediendi, credendi, & benefaciendi?**

Tanta est peruersitas iudicii humani, ut cum ostenditur nobis nostra infirmitas, & promittitur auxilium spiritus sancti, homines segniores fiant ad studium bene operandi: Cum hac doctrina Evangelij magis nos deberet excitare & accendere ad invocandum & petendum auxilium à Deo.

F. ij.

In

MARGARITA

In hac lucta hortandus est animus, ut omni conatu retineat verbum: non est debortandus ne conetur, sed docendus, quod promissio sit vniuersalis, & quod debeat promissioni credere. Nam paulus ait: Spiritus adiuuat infirmitatem nostram. Et Diuus Basiliscus inquit; Deus anteuertit nos, vocat, mouet, adiuuat nos, sed viderimus ne repugnemus. Non enim debemus indulgere dissidentia, aut desidia naturali.

Potest ergo homo aliquid suis
viribus præstare?

Tamet si ingens imbecillitas est in pijs & sanctis, tamen est aliqua libertas voluntatis, cum quidem iam adiuuetur, à spiritu sancto, & agere aliquid potest in externis lapsibus cauendis, idcirco spiritus sancti auxilium amplificari debet, & nostra diligentia acui. Sic Paulus cauere iubet, ne frustra Dei gratiam acceperimus, & Christus promittit spiritum sanctum dare, non ociosis, non aspernantibus, non repugnantibus, sed patientibus. Luc. 11. Et Deus auget dona in his, qui rectè vtuntur, ut docet similitudo de negotiantibus.

Quid autem sentis de opinione,
Manichæorum?

Non probo deliramēta Manichæorum, qui prorsus nullam actionem voluntati tribuunt, ne quidem adiuuante spiritu sancto, quasi nihil intersit inter statuum & voluntatem. Ecclesiasticus ait: Deus reliquit hominem in manu consilij sui. Hic dico voluntatem

luntatem in pijs actionibus & conatibus non esse o-
ciosam, sed tamen adiuuandam esse spiritu sancto, ita
fit verius libera.

D. Hyeronimus duo dicta tradidit, quorum al-
terum interpretatur alterum. Sunt autem hæc. A-
nathema sit, qui dixerit Deum impossibilia præce-
pisse. Et rursus: Qui dixerit nos posse mandata dei
implere sine gratia dei, anathema sit.

De diuisione Liberi arbitrij.

*Quidam diuidunt liberum arbitrium, in liberū
arbitrium ante lapsum, & post lapsum.*

Quid liberum arbitrium ante lapsum?

Fuit plenaria libertas apprehendendi tam bona,
quàm mala, tam seruandi præcepta dei, quàm non
seruandi, pro libera voluntate in creatione indita di-
ninitus. Sic Ecclesiast. 15. Apposuit tibi aquam &
ignem, ad quod volueris, porrige manum tuam. Il-
lud liberum arbitrium fuit ante lapsum hominis ta-
le, quale adhuc hodie sancti Angeli habent. Nunc
propter peccatum adempta est libertas apprehenden-
di bona spiritualia. Iuxta illud: Animalis homo
non percipit ea, quæ sunt spiritus. Adam ex illa li-
bertate, & bene & male agere potuit, amare Deum,
& odisse. Ita & Angeli, qui cum malum appre-
henderunt, lapsi fuerunt.

Quid est liberum arbitrium post lapsum?

Natura corrupta superest aliquod iudiciū Legis,
intelligens quæ sint faciendæ, quæ tamen voluntas

F. iij.

efficere

MARGARITA

efficere non potest, nisi accesserit spiritus sanctus, & iuuerit voluntatē & conatus nostros. In externis, est voluntas efficax rerum externarum, sine renouatione spiritus, quae tamen à diabolo impediri potest.

Quid ergo relinquitur nostro arbitrio in rebus spiritualibus?

Iudicium quoddam faciendorum, quae est Lex naturae, voluntas, conatus, studium, cursus, cogitatio: quae omnia nihil sunt, nisi accesserit spiritus sanctus. Quare & Apostolus ubique precatur Ecclesijs, ad quas scribit, ut Deus, qui cœpit in illis, bonum perficiat.

DE PRAEDESTINATIONE.

Quid est praedestinatio?

EST certa Dei praedeterminatio, quae eueniunt omnia tū interna, tū externa opera, & cogitationes in omnibus creaturis, iuxta decretum voluntatis suae.

Electio est, quae elegit nos Deus in ipso, antequā iacerentur fundamenta mundi, ut essemus irreprehensibiles coram illo per charitatem, ut adoptaret nos in filios per Iesum Christum in sese, iuxta beneplacitum voluntatis suae. Ephes. 1. & Math. 10. Nonne duo passeret. &c.

Vnde auspicanda est praedestinatio?

Non à Lege, neque à ratione, sed ab Euangelio, quae est vniuersalis promissio. Siquis extra Euangelium

gelium causam querit electionis, is non potest non errare. Deinde si quis ex vniuersali, promissionem particularem velit efficere, is reddet simpliciter incertam promissionem, & tollet fidem. Quare ex vniuersali promissione iudicanda est prædestinatio: id ubi fit, nulla restabit amplius occasio excrucianti ac nimium illa peculiaritate.

Quot sunt partes prædestinationis?

Due. Alligationis, & Conditionis.

Alligatio, est necessitas presentium, ut si quid prouidentia præfens esse videtur, id necesse est esse, tamen si nullam habeat natura necessitatem, ut omnes homines mortales esse necesse est, sic Deo prouidente.

Conditio, ut si Adam ederet de pomo morietur. Si Israel ambulauerit in via Domini, & seruauerit præcepta eius, seruabitur. Si susceperis Euangelium, & illi credendo ad finem usque vite tue adhaferis, seruaberis: si verò non susceperis, damnaberis. Sic Augustinus: Prædestinavit Deus hominem, ut si esset obediens, & à gustu vetiti pomi abstineret, in vita permaneret: sin autem inobediens esset, sententiam mortis subiret. Prædestinati enim sumus sub conditione, ut si susceperimus verbum, erimus filij Dei: si non, damnabimur. 2. Timoth. 2. ait Paulus: Si quis expurgarit se ipsum ab his, scilicet impijs doctrinis, erit vas in honorem sanctificatum, accommodatum vñsibus domini, ad omne opus bonum præparatum.

MARGARITA

Da locos scripturæ qui ostendunt promissionem esse vniuersalem.

Paulus Rom. 3. Iustitia dei per fidem Iesu Christi, quæ est in omnes & super omnes.

Et Romanorum decimo: Idem Dominus omnium, dñes in omnes qui inuocant eum.

Item Deus vult omnes homines saluos fieri. Deus non vult mortem peccatoris, sed ut conuertantur & viuatur. Ezech. 18.

Matth. 11. Venite ad me omnes, qui laboratis, & onerati estis, ego reficiam vos.

Ioan. 3. Ut omnis qui credit in ipsum, non pereat, sed habeat vitam æternam.

Item, Act. 10. Apud Deum non est personarum acceptio. His sententijs erigenda sunt conscientia contra naturalem diffidentiam & dubitationem. Quia verò malum ex nobis est; cauendum est ne volentes indulgeamus naturali diffidentia, ac repugnemus promissioni, sed resipiscentes credamus promissioni.

DE DISCRIMINE VETERIS & noui Testamenti.

Quod est discrimen Veteris &
noui Testamenti?

¶ *Etus Testamentum propriè fuit Lex, & tota politia Mosi, quæ habuit promissiones, datus populo Israel de regno & politia corporali.*

Nonum testamentum est, non ministerium Legis, sed

*sed euangelij videlicet, pactū de regno Christi spiri-
tuali & aeterno, & habet promissionem iustificatio-
nis & vite aeternae, donanda propter Christum.*

*Quare illud vocatur Vetus, hoc autem
nouum Testamentum?*

*Non propter ordinem & successionem temporum,
quasi Nouum testamentū nō pertinuerit ad patres,
sed propter discrimen ministerij & promissionem.
Quia Vetus testamentum erat ministeriū Legis,
& observatio rituum Leviticorū, & illius politia po-
puli Israel, & habebat promissiones de illo regno.*

*Sed noui testamenti aliud est ministerium, alia
promissio, videlicet rerum aeternarū, nec consistit in
externis observationibus, sed requirit cultus spiri-
tuales, hoc est, veros motus cordis.*

Desijt ne Vetus testamentum?

*Etsi Lex Mosi & illa politia ad certum tempus
constituta, iam cessauit postquam Christus exhibi-
tus, nec opus est obseruatione illorum rituum & po-
litia Mosaica: tamen quia doctrina Legis moralis
scripta est in natura, & communis est omnium ho-
minum, eatenus pertinent ad Vetus testamentū, qui
tantum habent notitiam Legis, nec habent notitiam
Euangelij, neq; sunt renouati à spiritu sancto.*

*Econtra Nouum testamentum, id est, promissio
remissionis peccatorum & renouationis per spiritum
sanctum, non tantum est vnius temporis, sed omnium
aeternum, sicut & Patribus facta est promissi. de
Christo.*

Quid

MARGARITA

Quid significant apud Paulum hæc vocabula,
Litera & Spiritus ?

Per literam intelligit omnes cogitationes, & observationes, & (ut vocant) bonas intentiones seu conatus rationis, sine spiritu sancto, hoc est, sine vero timore & vera fiducia Christi.

Per spiritum intelligit motus spirituales, quos spiritus sanctus excitat in cordib. nostris. Est igitur lex litera, quando imitamur eam bonis intētionibus aut externis moribus sine spiritu sancto, hoc est, sine vero timore, & sine vera fiducia. Est & Evangelium litera, cum non apprehenditur spiritu, hoc est, cum non verè timemus, nec verè credimus Deo.

Porro, Lex administratio mortis est, quia nō promittit remissionem peccatorum gratis, nec adfert spiritum sanctum. Evangelium verò est administratio spiritus & vitæ, quia promittit remissionē peccatorum gratis, & donat spiritum sanctum & vitam æternam. Repudianda igitur est Origenis interpretatio, qui vocat literam grammaticum sensum, spiritum verò Allegoriam.

DE ABROGATIONE LEGIS.

Quid est abrogatio Legis ?

E*ST abolitio execrationis seu maledictionis Legis, per Christum facta, ita quod nunc omnes qui credunt in Christum, liberati sunt à iure Legis, accusantis perpetuò conscientiam, & damnantis*

tis

tis illam coram deo, propter imperfectam obedientiam.
Galat. 3. Christus nos redemit à maledictione Legis, dum pro nobis factus est maledictus. &c. Et Ro. 8. Nulla nunc condemnatio ijs qui insiti sunt Christo. &c.

Sunt ne impij liberati à Lege?

Minime. Nam Paulus ait Lex iniustus est posita, hoc est, incredulis, & illis qui nondum sunt sub gratia, vel qui nondum fide apprehenderunt Christum, neq; acceperunt spiritum sanctum, à quo reguntur. In his non minus Lex adhuc hodie exercet suum officium, accusando & cōdemnando illorum consciētias, quàm olim sub Mose. Nam Lex pedagogus noster est usque ad Christum.

Quæ sunt causæ abrogatæ Legis?

I. Promissio Dei, quia Deus promisit hanc Legis abrogationem in Christo futuram. Hier. 31. Feciam domini Israel fœdus novum. Non secundum pactum, quod pepigi cum patribus vestris.

II. Infirmitas nostra occasionem abrogandæ Legis præbuit. Act. 15. Quod nec patres nostri, nec nos portare potuimus.

Est ergo tota Lex abrogata?

Tota Lex est abrogata credenti, videlicet, ut Lex non habet ius accusandi aut condemnandi eum. Habet enim aliud quo iustificatur quàm Legem.

Quare

MARGARITA

Quare igitur non licet omittere
Decalogum?

Respondeo. Euangelium affert spirituales & æternam vitam, ideò retinet eam partem Legis, quæ docet qualis sit illa noua vita, & consentit cum Lege natura, quæ est ipsa notitia Decalogi. Quare Decalogus non sic intelligatur esse abrogatus, ut iã non debeat fieri, sicut cetera partes Legis, videlicet, ceremonia & iudicialia Mosi omittuntur, quæ sunt tantum externe ordinationes, pertinentes ad vitam corporalem.

Sed in ijs qui iustificantur, & accipiunt spiritum sanctum, iam inchoatur noua obedientia spiritualis, quæ requiritur in Decalogo, seu Lege morali.

DE LIBERTATE CHRISTIANA,
quæ est abrogatæ Legis effectus.

Quid est libertas Christiana?

EST libera assertio in regno spirituali per Iesum Christum, quæ sumus liberi à seruitute ac ab execratione legali, à iure peccati & mortis, adeoque ab omni externa obseruatione in negotio iustificationis coram Deo, quæ gratuito datur credentibus propter Christum: Vel breuius sic: Est doctrina indicans in quibus rebus propriè sit Christiani iustitia, & quid de ceremonijs sentiendum sit. De quibus omnibus atatibus, infinita extiterunt disputationes.

Quot

Quot sunt gradus libertatis
christianæ ?

Quatuor: Primus, quod non propter Legem, sed gratis propter Christum donatur remissio peccatorum, & imputatio iustitiæ. Hic gradus est præcipuus, nihil pertinens ad civilem vitam, sed tantum ad certamen conscientie in iudicio dei, in quo opus est hac cõsolatione. De hoc gradu ait Christus Joã. 8. Si filius vos liberaverit, verè liberi eritis.

Secundus, est donatio spiritus sancti, quo credentes iustificantur & reguntur, ac defenduntur adversus sævitiam diaboli. De hoc Paulus. 2. Corinth. 3. Ubi spiritus domini, ibi libertas.

Tertius, quod. Euangelium liberat nos à ceremonijs & iudicialibus Legibus Moysi. Hic gradus pertinet aliquo modo, ad vitam exteriorem, sed habet causam in superioribus. Euangelium enim non requirit Leviticæ ceremonias, quia docet nos gratis consequi remissionem peccatorum, & iustos pronunciarî per misericordiam propter Christum, non propter ullos cultus aut nostrâ opera.

Quartus docet, quid sit sentiendum de Ecclesiasticis ceremonijs, quas Episcopi aut alij homines instituerunt. Cum enim in hac vita opus sit certis ritibus, locis, ac temporibus, permittit Euangelium in ecclesia fieri ordinationes, hoc fine, ut omnia in ecclesia ordine, & sine tumultu gerantur. Idco constituuntur certi dies, ut sciat populus quando convenire debeat ad audiendum verbum. Hæ traditiones

MARGARITA

ditiones toleranda sunt, sed non est quarenda in illis iustificatio.

Ad quid prodest hæc doctrina de libertate christiana?

Ad multa. Si enim hac doctrina non exstet in Ecclesia, sequuntur multa incommoda.

Primum, observatur iustitia fidei, cū scilicet trāsfere beneficium Christi in traditiones, hoc est, cū homines putant se mereri remissionem peccatorum, & se iustos pronunciarī propter tales observationes, ex qua persuasione ruunt conscientie in desperationem, & amittunt veram fidei & Christi notitiam.

Secundum, ineruditi finguntur tales observationes externas esse veros cultus, & veram perfectionem: cū tamen perfectio sint, timor, fides, dilectio, & opera vocationis.

Tertium, scinditur Ecclesiarum concordia, ut factum est de Paschate.

Quartum, si conscientie putent hos ritus esse necessarios, nunquam acquiescent. Quis enim unquā observavit omnes traditiones humanas, quarū erāt tot summa, tot libri, ut vix dinumerari possent.

Sed inquis, obedientia necessaria est, etiam si potestas abutitur suo iure. Ait enim Christus: Super cathedram Moſi sedent Scribæ. &c. Quæcunque dixerint facite.

In his quæ sunt iuris divini, conscientia necessaria
rio

riò debet obedire Pastoribus iuxta illud: Qui vos au-
dit, me audit. In traditionibus verò ecclesiasticis de-
bet eatenus obedire, ut scandala caueat, & ne qua-
ratur in eis iustificatio, aut addatur opinio necessi-
tatis. Cum autem precipiuntur, aut traduntur im-
pia, tunc regula tenenda est Apostolorum, Opor-
tet Deo magis obedire, quam hominibus.

Sed quid de ceremonijs à
Christo institutis?

Hæc observari debent, quia habent mandatū dei.
Et tamen Evangelica libertas docet, quòd ceremo-
nijs non iustificemur sine fide. Item, quòd necessitas
exempt nos, si impediamur, quòd minus uti illis cere-
monijs possimus. Ut si aliquo casu non posset alicui
contingere Baptismus, is si verè crederet in Christū,
tamen sine ceremonia saluus fieret.

DE CONSILIIS

Suntne consilia quoque in Evangelio
à Christo tradita?

Quidam sinxerunt in Evangelio esse consilia, de
non vindicando, de paupertate, virginitate,
castitate. Deinde dixerunt ea opera perfectionem
esse. Sed hæc sunt plena errorum & superstitionum.
Una enim est Lex Dei, quæ nihil nisi præcepta con-
tinet & Christi prolixa concio, Matth. 5. nihil al-
lud est, quàm Legis interpretatio. Christus enim
id agit, ut ostendat in Lege requiri perfectam obe-

MARGARITA

dientiam. Quare cum odia, concupiscentiam, cupiditatem vindictæ prohibet, non adfert noua quadam consilia, sed ipsam Legem Dei interpretatur, & præcepta tradit. Addit & pœnam aeternam. Qui irascitur (inquit) fratri suo, reus erit iudicii. Item: Omnis qui vidit mulierem ad concupiscendum eam, iam mœchatus est in corde suo.

DE VINDICTA.

Quid præcipit de vindicta?

Prohibet vindictam priuatam, hoc est, cupiditatem vindictæ, & eam vindictam, quæ sit sine autoritate magistratus: non tollit publicam vindictam, quæ exercetur per magistratum. Per euangelium enim non aboletur magistratus, sed multo magis confirmatur Roma: 13. Reijcienda est igitur hac seditiosa opinio, quæ docet consilium esse de vindicta. Et prudenter tenendum discrimen publicæ & priuata vindictæ. Ait enim Dominus: *Mihi vindictam, et ego retribuam.*

Sed quid de hoc dicto:

Vim vi depellere licet?

Euangelium non pugnat cum hoc dicto. Nam vim vi repellere, Iuris natura est, si modò rectè intelligatur: debet enim ad publicam vindictam, hoc est, ad officium magistratus accommodari. Sic magistratus vim vi repellit, cum latrocinia armis et gladio

gladio depellit. Quorsum enim opus esset magistratibus, si singulis priuatim vindictam exerceremus?

DE PAUPERTATE.

Quid præcipit de paupertate?

Evangeliū neque præcipit, neque consulit, discedere à facultatibus, aut res in comune conferre, imò approbat possititas ordinationes, diuisionem rerum, & proprietatem. Ceterum euangeliū præcipit liberaliter iuuare egentes, & premia ingentia corporalia & spiritualia pro hac liberalitate pollicetur, sicut Christus ait: Date & dabitur vobis. Et. 2. Corinth. 9. Qui parcè seminat, parcè & metet: & qui seminat in benedictione. &c. Salomon Prouerb. 5. pulchrè depinxit bonam partem Oeconomie: Bibe aquam (inquit) de tuis fontibus, & fontes tui foràs derinentur, & ripæ effluant in plateas. At tu Dominus esto horum solus, non alieni tecum, &c. Vult Salomon, ut quisque ex fructibus suis aut fortunis suis largiatur egentibus, sed ita ut fundum retineat, ne redigatur ad mendicitatem. Sic Paulus iubet largiri, ne egeamus ipsi, nèue ignaui nostra liberalitate abutantur. Breuiter: Proprietatem rerum confirmant multa testimonia. Licet enim habere diuitias, ut testantur Christus & Paulus.

Quid est paupertas?

Paupertas non est mendicitas. Hæc enim in o-

MARGARITA

tiosis & robustis peccatum est. 2. Theff. 3. Qui non laborat, non manducet. Sed paupertas Evangelica est spiritualis, hoc est, tenere facultates, quae Dei beneficio contingunt nobis, sine avaritia, sine superbia, id est, sine fiducia opum, sine impietate, hoc est, cum periclitamur in confessione Evangelij, ut opes amittere malimus, quam abicere Evangelium. Sic in summis opibus pauperes spiritum fuerunt, Abraham, Job, David, & multi alij. Complectitur paupertas patientiam, cum scilicet eripiuntur, aut aliquo casu pereunt opes, ne tunc irascamur Deo, aut aliquid contra dei mandatum faciamus, sed propter Deum a quo animo stramus hanc iniuriam, aut casum.

Quotuplex est desertio facultatum?

Duplex. Altera sit nostra electione sine mandato Dei, & sine vocatione. Hae desertio non est cultus dei, Matth. 15 Frustra me colunt mandatis hominum. Altera est, quae habet mandatum Dei & vocationem, ut cum Tyranni cogunt aut facultates amittere, aut ab Evangelio discedere, aut deficere. Hanc laudat Christus: Qui reliquerit (inquit) agrum, domum, &c. propter Evangelium, hoc est, propter confessionem Evangelij, centuplum recipiet, &c. Marc. 10. Breuiter, sicut Christus non laudat eos, qui deserunt coniugem & liberos, aut qui sibipsum vitam eripiunt, ita non laudat desertes patrimonia sine mandato Dei.

DE

DE CASTITATE.

Quid præcipit de castitate?

*E*vangeliū non solum præcipit castitatem virginum, sed etiam coniugum. Nam & coniugū est diuino ordinatio, & omnes qui non continent, mandatum habent, ut coniugio utantur. 1. Cor. 7. Propter fornicationem unusquisque habeat uxorem suam.

Quid est castitas?

*C*astitas non est tantum virginitas, sed etiam coniugum moderata consuetudo. Sic Heb. 13. Honorable connubium apud omnes, & thorus immaculatus. Fornicatores autem & adulteros iudicabit Dominus.

Tamen Paulus ait: De virginibus præceptum Domino non habeo, consilium autem do.

*P*aulus non sentit aliquos magis mereri iustificacionem propter virginitatem, quam propter coniugium. Utrique enim, & coniuges & virgines, stare debent, se per misericordiam dei iustos esse, & acceptos propter Christum, non propter dignitatē coniugij, aut virginitatis.

Quid igitur Monachi extollunt & præferunt Coelibatum?

*S*emper fuere fanatici spiritus, qui negarunt coniugium concessum Christianis, ut Tatianus, The-
rax. Etsi Monachi nolunt videri damnare coniu-

MARGARITA

gium, tamen valde deformant: somniant enim se magis mereri remissionem peccatorum, & iustificationem suo cœlebatu, quàm reliquos homines. Deinde fingunt illum cœlibatum perfectionē esse Evangelicam, in quo vehementer errant. Fuerunt enim perfectiores multi coniuges, Abraham, Isaac, Iacob, David. &c. quàm pleraq; virgines. Non est cœlibatus perfectio, sed perfectio Evangelica est, agnoscere humanam imbecillitatem, perterresceri, & econtrà fide erigi. In talibus exercitijs versatur perfectio Evangelica, siqua est sic vocanda.

Cur ergo laudat & suadet Paulus
virginitatem & cœlibatum?

Propter politum finem, scilicet, ut expeditiores simus ad discendum, docendum, & obanda ministeria Ecclesiastica. Sic Christus laudat cœlibes, cum ait, Math. 19. Sunt & Eunuchi qui se castraverunt propter euangelium, hoc est, discendi & docendi causa. Nam verum est quod Paulus ait: Cœlebs curat ea quæ sunt Domini, ut Domino placeat. Explorent igitur cœlibes suas vires, & studiāt, ut purè vivant, caneant otium & luxum, & adhibeant abstinentiam, & animus sit intentus studijs. Qui verò ruunt in libidines contra præceptum Dei, sciant se Deo pœnas daturos esse. Fornicatores enim, & adulteri, non intrabunt in regnum Dei. Sape istorum hominum causa pleçitur uniuersa Respublica, sicut testatur Sodomorum historia, & diluvium. Item, Deus inquit se Chananeos delicturum esse propter

propter vagas libidines. Paulus quoque ait, libidinum pœnas esse cœcitate[m] & amentiam. Rom. 1. & carnalem securitatem, Ephe. 4. Et Oseas ait: Fornicatio, vinum, & ebrietas auferunt cor. Sunt ergo isti fucati cœlibes scandalo multis, & antea turpis exempli.

DE ECCLESIA.

Quid est Ecclesia?

EST congregatio omnium illorum qui profitentur euangelium, & non sunt excommunicati, in qua sunt promiscuè boni & mali, sicut parabola de verriculo in mari iacto docet, Math. 13. Hinc etiam in scripturis describuntur duo corpora ecclesie, alterum corpus vera ecclesia, alterum hypocritica ecclesia.

Quando incœpit Ecclesia?

Certum est Ecclesiam tempore *Adæ* cœpisse, & post *Adam* apud omnes euangelij professores in hunc usque diem stetisse, & adhuc stare apud eos qui illud profitentur.

Quotuplex est Ecclesia?

Duplex. Hypocritica & vera.

Quæ est hypocritica Ecclesia?

Est quæ gerit bellum cum vera ecclesia, sicut *Iuda* dei persequiebantur Prophetas, deinde Christum. Hanc vocat *David* ecclesiam malignantium. Et *Esaïas* describit eam his verbis cap. 29. Appropin-

G.iii.

quat

quat mihi populus ore suo, & labijs me honorat: ceterum cor eorum longè abest à me, sed frustra me colunt, docentes doctrinas & praecepta hominum. Hæc Ecclesia exposita est oculis, quia omnia illius opera, omnis cultus, quo credit se Deū colere, externus est, species, & larva est pura Ecclesia, humanis traditionibus, loco sincera doctrina, ore & labijs tantum sine affectibus cordis Deum colens.

Quæ est vera Ecclesia?

Est congregatio iustorum, qui verè credunt Christo, & sanctificantur spiritu Christi. De hac Paulus. 1. Timot. 3. Ecclesia est columna & sedes veritatis. Hæc dicitur catholica, quia non est humana aliqua politia, uni loco, aut certis ceremonijs humana alligata, sed est spiritualis cœtus piorum, qui passim in mundo dispersi sunt, & tamen omnibus temporibus de doctrina Evangelij conveniunt.

Hanc describit Paulus his verbis, Ephesiorum. 5. Christus dilexit Ecclesiam, adeò, ut seipsum exponeret pro illa, ut eam sanctificaret, mundatam lavacro aqua per Verbum, ut exhiberet eam sibi ipsi gloriosam, non habentem maculam aut rugam, & ut esset sancta atque irreprehensibilis. Hæc Ecclesia nō est exposita oculis, sed creditur, iuxta articulum Symboli: Credo sanctam Ecclesiam Catholicam, sanctorum communionem. Habet autem certas notas, quibus agnoscitur, nempe purum verbum Dei, & legitimum usum Sacramentorum, & claves quibus vivitur in ministerio Verbi & sacramentorum.

Quid

Quid verò sentiendum de
Excommunicatis ?

Excommunicati pars Ecclesie esse desierunt, iuxta illud. Matth. 18. Quòd si Ecclesiam nō audierit, sit tibi velut ethnicus & publicanus.

Quod est discrimen inter Ecclesiam hypocriticam & veram ?

Quantum interest inter veritatem & simulationem, inter speciem veri & res ipsas, inter fucum & nativum colorem, tantum interest inter veram & hypocriticam Ecclesiam. Certum est enim hypocrisis habere idem Evangelium & eadem Sacramenta. Sed his non sunt contenti, verum effingunt humanas traditionis, quas conferunt cum evangelio, adquant sepe ultrà extollunt, non verè suscipiant Evangelium. Hi corde non credunt, neque adherent, sed tempore procellarum recedunt, neque subsistere possunt. Est & apud hypocritas impium Sacramentorum usus, aliud caput quàm Christus, à quo petunt suam iustitiam, sanctificationem, sustentationem. Spiritu sancto utuntur non aliter atq; pallio, quo oppalliant & tegunt impiam suam doctrinā, qua dissipant & perturbāt conscientias, id quod sanè spiritus sancti opus non est, qui congregat conscientias & consolatur. Breviter. Hypocritica ecclesia larva est, externa species est, fucus est, praeextus est, impudens tamen amula, & sine scientia vere ecclesia.

DE POTESTATE

Ecclesiastica.

Quid est clavis, seu potestas Ecclesiastica?

EST qua consistit in docendo Evangelio, administratione Sacramentorum, & in excommunicandis illis, qui publicis criminibus sunt obnoxii, usq; rursus absolvendis, ubi petunt absolutionem. Vel, est æconomica quadam administratio, quæ constat non ut corporali, sed tantum verbo. Regnum enim Christi spirituale est, quod non regitur gladio, armis & alijs rebus, ad civile regnum pertinentibus. Christus enim, huius Ecclesiastica potestatis autor & institutor, omnem civilem administrationem à se, & à suis discipulis transtulit ad principes mundi. A se, quia noluit se eligi in Regem, sed aufugit. Ab Apostolis, dum inquit: Principes gentium dominantur eis, vos autem non sic.

Quotuplex est potestas Ecclesiastica?

Duplex. Ordinis & Iurisdictionis.

Quæ est potestas Ordinis?

Est mandatum docendi Evangelium, & annuntiandi remissionem peccatorum, & impertiendi Sacramenta singulis aut pluribus. Hic non licet comminisci novam doctrinam, sed proponenda est doctrina à Christo tradita. Quemadmodum precipit Math. ultimo: Docentes eos scriuare omnia quæcunque mandavi vobis. Et Paulus Gal. 1. Si Angelus de cælo aliud docuerit, quàm nos docuimus, anathe-

anathema sit.

Quæ est potestas iurisdictionis?

Est potestas excommunicandi obnoxios publicis criminibus: & rursus eos absolvendi, si conuersi petant absolutionem. Hac potestas non debet esse tyrannica, sed sicut Christus docuit *Matth. 18.* Si Ecclesiam non audierit, sit tibi velut ethnicus. Et *Paulus. 2. Corinth. 1.* Non dominamur fidei vestra, sed adiutores sumus gaudij vestri.

Quid differunt potestas Ecclesiastica & politica?

Potestas politica, siue civilis, fert leges de defensione corporum, de distinctione dominiorum, de contractibus, de criminibus, & coërcet homines ut corporali. Contrà, potestas Ecclesiastica impertit res æternas & spirituales, hoc est, habet doctrinam cœlestem, & coërcet homines verbo. Quare non improbat neque abolet potestatem civilem, imò approbat eam, & sanctorum corpora ei subijcit.

Quando accepit Ecclesia claves?

Quando Christus dixit Petro, *Matth. 16.* Tibi dabo claves regni cœlorum. Et *Matth. 18.* Quaecunque ligaueris super terram, erunt ligata & in cœlis. &c. Et *Ioan. 20.* Accipite spiritum sanctum, quorum remisistis peccata. &c.

Valétne ministerium malorum ministrorum?

Imò valet. Nam verbum & sacramentum non sunt ministri, sed Christi quæ si ritè administrantur, ministri

MARGARITA

ministri malitia nihil nobis oberit. Et vulgo dicitur:

Uim sacramenti non mutat vicia ministri.

Sacramentorum administratio non est irrita, etiam si mores ministrorum sint vitiosi. Hoc tamen intelligendum est de malis, non de aperte blasphemis, ut Iudeis aut Turcis, quibus ecclesia nullum ministerium mandauit.

Debetur ne ministris Ecclesiarum
obedientia?

Sicut verbo Dei, ita ministris verbum Dei docentibus, quod ad ministerium attinet, debetur obedientia, sicut precipit scriptura: Qui vos audit, me audit. Luc. 10. Quicquid dixerint, facite, Mat. 23. Item. Obedite prepositis vestris. Hebr. 13.

Hæ sententia loquuntur de ministerio, & requirunt obedientiam debitam ipsi euangelio: non constituunt autem regnum doctoribus, extra euangelium. Deinde debetur eis quoque obedientia in iurisdictione, quam habent iuxta euangelium, videlicet, in cognitione criminum, audiendis testibus in legitima excommunicatione. &c.

Quid verò in ceremonijs contendis, nunquid
& in his debetur pastoribus obedientia?

Imò. Nam pastores habent auctoritatem ordinandi ceremonias hoc fine, ut ordine gerantur, res in publico ecclesiæ cœtu, sicut Paulus ordinat, ut mulieres regant capita, & Ecclesiæ initio diem dominicū, & alios quosdam dies festos constituit, ut certa essent docendi tempora. Sed hæ ordinationes non debent

bent superstitiose intelligi: nō enim sunt iustitia seu cultus necessarij ad iustitiam: sed ut re. ipsa res aia- phora, qua extra scandali casum omitti possunt si- ne peccato. His itaque traditionibus debetur ober- dientia, quod ad casum scandali attinet, extra ca- sum scandali conscientie sunt libera.

DE SCANDALO.

Quid est Scandalum?

EST offensio, qua alterius animus perturbatur, hoc est, vel deterretur, vel incitatur ad imita- tionem. Vel est offensio seu depravatio doctrine, & v. t. a. seu fidei, & charitatis.

Quotuplex est scandalum?

Duplex. Acceptum, & Datum.

Quid est scandalum acceptum?

Eſt cūm vel recta, vel necessario facto Pharisei & Hypocrite offenduntur, & cōcipiunt odia Euā- gelij & piorum. Ut Pharisei oderant Euangelium & euangelij doctores. Hoc Pharisæicum scandalum non est vitandum, excusat enim nos mandatum dei, sed præstandum est, ut doctrina sit vera, certa, & utilis ecclesie. Grauiſſimum enim peccatum est eccle- siam dei perturbare malis, incertis & inutilibus di- ſputationib. Exempla.

Pharisei & Scribe offendeantur, cūm sanaret Christus agros in sabbato, cūm discipuli non la- vant manus, cūm euellunt spicas. Sic nostri Hype- critæ offenduntur, dum vident quod non amplius
permitt-

MARGARITA

permittimus consecrare aquam, sal, cereos, herbas
 &c. Hic mandatum Dei excusat pios, habent enim
 mandatum Dei de sana ac recta doctrina. Item
 de necessarijs operibus quibus inuatur proximus.
 Huic obediendum est simpliciter, neq; curandi sunt
 homines hypocritæ. Juxta illud: Oportet Deo ma-
 gis obedire quàm hominibus.

Quid est scandalum datum?

Est impia doctrina, aut malum exemplum, quod
 nocet alijs, siue quia imitantur, siue quia deterrentur
 homines ab Euangelio. Huius generis scandala sunt
 omnia impia dogmata, traditiones humane, que sine
 peccato non possunt observari. Horum scandalorum
 autoribus minatur Christus. Math. 18. Ve ho-
 mini, per quem scandalum venit. Sunt igitur hæc
 scandala summa vigilantia cauenda, ne vel autores,
 vel suffragatores impie doctrinæ simus, nec imita-
 tores impiorum cultuum.

Quid autem agendum est in rebus
 indifferentibus?

Hic tenenda est regula Pauli, de usu libertatis.
 Sic enim precipit doctis, Rom. 14. Infirmum in fi-
 de suscipite. Item, Omnia fiant ad edificationem.
 Non enim utendum est libertate apud illos, qui
 nondum audierunt Euangelium, aut apud fratres
 nondum satis confirmatos. Sed sequendum est ex-
 emplum Pauli: Factus sum (inquit) infirmus in-
 firmis. Item. Si esca offendit fratrem, nunquam
 manducabo carnem. Ubi autem iam inclaruit E-

uange-

uangelium, & mediocriter confirmata est Ecclesia, nō est acerba observatio inutilium traditionum requirenda. Paulus enim ut ostenderet exemplum libertatis, noluit circumcidere Titum. Et Christus excusat Apostolos, violantes traditiones Seniorum. Sinite eos, ait, caci sunt, & duces cecorum.

Quæ sunt cauenda in Ecclesijs ne suboriantur scandala?

Hæc tria, Primum, ne impia, aut incerta, aut inutilia doceamus.

Secundum, cum certa doceamus ne ita confuse tradamus, ut auditores in tanta confusione malas concipiant opiniones.

Hic maximè adhibenda est diligentia, ut omnia sine sophistica explicentur, aptè, propriè, disertè, & distinctè. Ideo Paulus vult Episcopum esse didacticum, ut aptè & propriè doceat. Et Christus vult Scribam in regno cælorum similem esse bono patri-familias, qui prudenter eligat & præparat de thesauro suo in docendo nova & vetera. Nisi enim hanc prudentiam adhibeant doctores, perturbantur conscientia, & obrepunt animis pravae opiniones, nocituræ religioni & moribus, & oriuntur tumultus, et pleraque alia scandala.

Tertium, ne faciliè mutemus vsitatos mores, qui tolerari possunt. Publicorum enim morum violatio faciliè excitat magnos tumultus.

Item, ne nostra exempla alijs noceant & negligiores reddant, nène præbeamus occasionem dis-
fidys

MARGARITA

fidis aut factionibus sine necessaria causa. Si quis enim hoc modo traditiones violat, peccat.

DE SACRAMENTIS.

Quid est sacramentum?

EST promissionis divinae signum, à Deo institutum. Constat autem elemento & verbo, ut exeat memoria promissionis.

Quot sunt sacramenta?

Tria. Baptismus, Coena Domini, & Absolutio. Hae habent precipuam promissionem in Evangelio de remissione peccatorum.

Suntne alia sacramenta?

Si Sacramenta vocamus opera, quibus addite sunt promissiones divinae, tunc multa possunt numerari Sacramenta, ut oratio erit Sacramentum: Est enim quoddam opus nostrum, & magnificas habet promissiones: Joan. 16. Quicquid petieritis patrem in nomine meo, dabit vobis. Sic adflectiones, & eleemosynae erunt sacramenta, quia sunt opera ornata divinis promissionibus. Ut, Date, & dabitur vobis. Item, Per multas tribulationes oportet nos introire in regnum caelorum. Sic Magistratus & matrimonium, sunt res externa, ornata verbo Dei & promissionibus. Si vero Sacramenta vocamus caeremonias, seu ritus in Evangelio institutos, proprie ad precipuam promissionem Evangelicam de remissione peccatorum pertinentes, tantum tria sunt, Baptismus, Coena Domini

&

& Absolutio.

Variante Sententiæ de Sacramentis?

Maximè. Sunt enim quatuor opiniones.

I. Scholastici fingunt homines utentes Sacramentis Novi testamenti, ex opere operato iustos fieri. Hæc opinio explodenda est, pugnat enim cum iustitia fidei. Sentiant enim hominem fieri iustum propter illius ceremoniarum usum, etiamsi non credat, imò si nullum bonum motum cordis addat, modò non ponat obicem, id est, ne habeat actuale propositum peccati mortalis.

II. Alij dicunt Sacramenta non esse signa voluntatis Dei erga nos, sed tantum notas nostræ professionis, quia oportet extare notas, quibus discernamur à reliquis gentibus, sicut vestitus forma discernit Monachos.

III. Anabaptistæ dicunt Sacramenta esse allegorias quasdam bonorum operum. Sic interpretantur baptismum signum esse afflictionum, quòd oporteat christianos subire fluctus & pericula omnis generis. Sic cœnam domini faciunt mutua benevolentia signum. Nam symposia apud omnes gentes sunt signa mutua benevolentia. Sic circumcisionem interpretantur fuisse signum coercendarum cupiditatum. Sed & hæc due opiniones repudiandæ sunt, quia tantum docent de minus principalibus, seu accessorijs finibus, scilicet de politico, seu civili & allegorico, non docent de proprio & spiritali usu baptismi.

H.

IIII.

MARGARITA

III. *Vera igitur scriptura sententia est, quod Sacramenta noui Testamenti sunt signa visibilia voluntatis Dei erga nos, incurrentia in oculos, ut nos admoneant, ut credamus promissioni in Euangelio propositæ. Augustinus inquit: Sacramentum est verbum visibile, hoc est, sicut verbum est nota quadam quæ auribus accipitur, ita sacramentum est spectaculum seu pictura quæ currit in oculos. Sicut verbum est instrumentum, per quod spiritus sanctus efficax est, ut Paulus inquit. Roman. 1. Ita per sacramenta spiritus sanctus efficax est, cum fide accipiuntur, admovent enim & movent ad credendum, sicut verbum.*

Cur Christus instituit Sacramenta?

Propter nostram infirmitatem. Humanus enim animus post lapsum Adæ multò imbecilior est, quàm ut possit simplici verbo credere. Ideo nostra infirmitate, motus est Christus: signa verbo adiecit, quò nostra infirmitati mederetur, et ut mutua quadam verbi et signorum coherentia, duceremur ad fidem erga promissiones Dei, teste Augustino, ubi ait: Homo ante peccatum videbat Deum, intelligebat & fidebat illi. Post peccatum, homo Deum capere non potest, nisi medio aliquo adiutus. His signis adijcitur et verbum, iuxta illud: Accedat verbum ad elementum, et sit Sacramentum.

THEOLOGICA.
DE BAPTISMO.

58

Quid est Baptismus?

EST signum, siue ceremonia à Christo instituta, videlicet, lauari seu abluí aqua, et pronuntiatio verborum ordinata ad hoc, ut testetur nos recipi à Deo, et reconciliari Deo.

Vbi institutus est Baptismus?

Matthæi et Marci ultimo: Euntes in mundum vniuersum, docete omnes gentes, baptizantes eos in nomine Patris et Filij, et Spiritus sancti. Qui crediderit et baptizatus fuerit, saluus erit.

Ad quid est institutus?

Ut credamus certò nobis peccata condonata esse. Est enim Baptismus testimonium et signum remissionis peccatorum, et donationis spiritus sancti.

Hinc veteres quoque Sacramenta vocant signa grata, hoc est, signa voluntatis Dei erga nos.

Cum enim baptizamur, scribitur promissio Dei in corporibus nostris.

Quid significat Baptismus?

*Pœnitentiam et remissionem peccatorum, siue, ut Paulus ait, regenerationem. Nam immersio significat veterem hominem mori cum peccato, et e-
mersio, siue reditus ex aquis, significat nouum hominem ablutum et reconciliatum Deo Patri, Filio, et Spiritui sancto. Pater enim recipit te propter Filium, et pollicetur tibi Spiritum sanctum, quo te viuificabit et sanctificabit.*

H. ij.

Quia

MARGARITA

Quis est usus baptismi ?

Ut per omnem vitam statuamus nobis propostam & donatam esse remissionem peccatorum, & reconciliationem. Nam etiam cum lapsi sumus, valet pactū in respiscentibus, quo iam olim cum Deo pacti sumus, quia euangelium testatur respiscentibus ignosci.

Potestne Baptismus iterari ?

Ipsum signum non debet iterari, quia iteratio ceremonia nihil prodest, & signum semel acceptum est perpetua nota, & perpetuum testimonium. Sicut circumcisio semel facta, erat perpetuum testimonium pacti diuini, scriptum in corporibus circumcisorum. Porro fidem huius pacti, crebra meditatione debemus exercere & conseruare, quoad viuimus. Hinc dicitur, pœnitentiam nihil aliud esse, quàm recordationem baptismi.

Quid interest inter baptismum Ioannis & Apostolorum?

Uterque baptismus est ministerium noui testamenti, & requirit fidem in Christum. Baptismus Ioannis testabatur Christum venturum: Baptismus Apostolorum, iam exhibitum Christum, et ea fide pariter sanctificabantur & saluabantur baptizati tum à Ioanne, tum ab Apostolis.

Quod autem Ioannes ait: Ego baptizo aqua ad pœnitentiam, qui autem post me venturus est, baptizabit spiritu sancto & igni, non discernit ministeria

steria vel ceremonias, sed discernit personas ministrorum à persona Christi. Testatur enim Christum esse dominum, per quem baptismus fit efficax, qui daturus sit spiritum sanctum, & vitam eternam, et profitetur se ministrum esse, qui tantum adhibeat externum signum, & predicet verbum.

DE BAPTISMO

PARVULORVM.

Proba, quod infantes sint baptizandi.

I. Christus ait Joan. 3. Nisi quis renatus fuerit ex aqua & spiritu, non potest introire in regnum Dei. Hac sententia est vniuersalis, & testatur omnes saluandos oportere renasci ex aqua, hoc est, baptizari. Ergo necesse est & infantes baptizari, ut saluentur.

Item, vniuersale mandatum est, Euntes baptizate omnes gentes, &c. Ergo etiam pueros complectitur.

II. Ex traditione Apostolorum. Sic enim scribit Origenes in sextum caput ad Romanos: Ecclesia ab Apostolis traditionem accepit, etiam paruulis dare baptismum. Sciebant enim illi, quibus secreta diuinorum mysteriorum commissæ sunt, quod essent in omnibus genuinæ sordes peccati, quæ per aquam & spiritum aboleri deberent. Sic Cyprianus & Augustinus probant baptismum paruulorum.

III. Ex ratione ducta ex scriptura: Certum est regnum Dei & Euangelij promissionem ad pueros pertinere. Sed extra ecclesiam non est salus.

MARGARITA

Ergo pueri inferendi sunt ecclesia, & adhibendum est signum, quod testatur ad eos pertinere promissionem. Maior certa est, Christus enim dicit: *Sancte paruulos venire ad me, talium est enim regnum cœlorum*. Item: *Non est voluntas coram patre meo, qui in cœlis est, ut pereat unus de pusillis istis*. Item, *angeli eorum semper vident faciem patris*. Minor nota est: *Non enim est salus extra ecclesiam, ubi neq, verbum, neq, sacramenta sunt*. Ecclesia enim est regnum Christi, in qua Christus est efficax per verbum & per sacramenta. Sequitur ergo conclusio, pueros baptizandos esse, ut accepto signo membra fiant Ecclesia, & Deus promissionem suam eis impertiat.

Sed obijciunt Anabaptistæ, dicentes: Infantes cum non intelligant verbum, non possunt credere, quare nihil profuerunt eis sacramenta.

Hinc argumenta primùm opponendum est exemplum infantium circumcisorum, qui etiam non intelligebant verbum, & tamen valebat pactum, os placebant Deo propter pactum.

Secundò respondendum est, etiamsi non intelligunt verbum, tamen certum est, quod Deus in eis sit efficax. Iuxta illud: *Nisi quis renatus fuerit ex aqua, &c.* Nec nostrum est scrutari, quomodo deus in eis agat. Hoc satis est scire, quod certum est salutem & regnum Dei ad infantes pertinere, unde sequitur Deum in eis efficacem esse.

THEOLOGICA.
DE COENA DOMINI.

60

Quid est Cœna Dominica?

EST Sacramentum ab ipso Christo institutum, in quo datis his rebus, pane & vino, & addito verbo institutionis Christi, verè exhibetur nobis corpus & sanguis Christi, hoc fine ut qui habeant fidem in hac verba promittentis Christi, (quod pro vobis dabitur & effunditur in remissionem peccatorum) accipiant omnium suorum delictorum condonationem.

Quibus nominibus vocatur Sacramentum
Cœnæ Dominicæ?

Varia sunt appellationes huius sacramenti. Paulus vocat Cœnam Domini. 1. Corin. 11. Vocatur & Synaxis, communio, quòd communis cœna esset congregationis in ecclesia. Vocatur & Eucharistia. gratiarum actio, quòd utentes hac cœna, agnoscant beneficium Christi, & gratias agant Deo. Vocatur & Testamentum, in quo donatur nobis remissio peccatorum propter Christum, cuius mortem quoq; donec veniat, annunciare debemus. Juxta illud: Hoc facite in meam commemorationem.

Dic verba Cœnæ Dominicæ.

Dominus noster Iesus Christus, in ea nocte qua traditus est, accepit panem, & cùm gratias egisset, fregit, ac dedit discipulis suis, dicens: Accipite & comedite. Hoc est corpus meum, quod pro vobis traditur: Hoc facite in mei commemorationem.

H. iij.

Similiter

MARGARITA

Similiter & calicem accepit, postquam cœnauit : & cum gratias egisset, dedit illis, dicens : Bibite ex hoc omnes. Hic calix Nouum Testamentum est in meo sanguine, qui pro vobis & pro multis effunditur in remissionem peccatorum. Hoc facite, quotiescunque biberitis in mei commemorationem.

Ad quid est instituta?

Vt nos adimoneat beneficij Christi, & fides in nobis excitetur, Christus enim testatur ad nos pertinere beneficium suum, cum nobis impertit suum corpus, & nos sibi adiungit tanquam membra, qua non potest alia coniunctio cogitari propior : dat etiã sanguinem, ut testetur se nos ablueri.

Hic est principalis finis huius cœna, videlicet, ut sit signum promissionis, admonens nos & testificans nobis contingere beneficia Christi, ideoq; ualet ad excitandam & confirmandam fidem.

Postea accedant & alij, fides, gratiarũ actio pro tanto beneficio item ut excitemur ad bene operandum, et cauenda peccata, quia audimus nos iam factos esse membra Christi, & Christum velle in nobis efficacem esse. Debet etiam sequi fructus charitatis, ut inuicem tanquam membra coniuncta in Christo prastemus officia dilectionis.

Quis est igitur vsus salutaris
huius cœnæ?

*Cum ea utentes addimus fidem, qua credimus
nobis*

nobis verè contingere beneficia promissa à Christo, videlicet, remissionem peccatorum. & quòd verè inseramur Christo, quodq; ipse in nobis velit esse efficaç, tanquam in suis membris. Hac fides facit ut profit nobis usus Sacramenti, & consolatur conscientias. Nec prodest usus ceremonia sine hac fide, sicut interdum imperiti imaginantur, se ipso opere sumptionis, hoc est, tantùm idèò, quia cum alijs accedunt, & utuntur Sacramento, consequi remissionem peccatorum: Quemadmodum Scholastici docuerunt Missam valere ex opere operato.

Argumentor contra hoc, quod dicis, vsum
cœnæ certificare conscientiam, &
confirmare fidem.

Nulla res externa, sed solus spiritus sanctus confirmat fidem. Vsus cœnæ est res seu opus externum.

Ergo hoc opere non confirmatur fides.

Respondeo ad maiorem. Verum est, quòd solus spiritus sanctus certificat & confirmat fidem, sed tamen utitur externis signis, tanquam instrumentis, quibus admonet nos, & per illa velut testimonia & sigilla excitat & confirmat fidem, non secus ac per verbum vocale admonet, monet, & excitat corda ad credendum. &c.

Quæ est digna præparatio, & quibus dandum est hoc Sacramentum?

Hi accedunt & sumunt dignè, qui agentes pœnitentiam, & perterrefacti, ac quærentes consolationem, credunt sibi remitti peccata, iuxta promissionem

MARGARITA

sonem Christi: & ad confirmandam hanc fidem utuntur hoc Sacramento tanquam testimonio remissionis peccatorum. Et quia hoc Sacramento uti debent qui agunt pœnitentiam, ideò Ecclesia olim arcebat à communione obnoxios manifestis criminibus. Neq; admitti debent, qui palam sunt criminiosi, nec volunt agere pœnitentiam.

Quid interest inter Sacramentum
& Sacrificium?

Sacramentum ceremonia est, signum promissionis, per quod Deus aliquid nobis promittit aut exhibet. Si circumcisio erat signum, quo pollicebatur Deus se recipere circumcisos. Baptismus est signum, quo Deus nobiscum agit, & recipit nos in gratiam, & quasi baptizat nos ipse. Nam minister vice Christi baptizat.

Sacrificium est ceremonia, vel opus nostrum, quod nos Deo reddimus, ut eum honore afficiamus, hoc est, testemur nos agnoscere hunc ipsum, cui hanc obedientiam præstamus, verè esse Deum, ideòq; nos ei hanc obedientiam præstare.

DE SACRIFICIIS.

Quot sunt species sacrificij?

DUa. Quoddam est sacrificium Propitiatorium. Alterum Eucharisticum.

Quid sacrificium propitiatorium?

Est opus quod meretur alijs remissionem culpæ & pœnæ aeternæ, seu opus reconcilians Deum, & placans

placans iram Dei pro alijs, satisfactorium pro culpa & pœna æterna. Estq; unum tantum sacrificium propitiatorium, videlicet, passio seu mors Christi. Hebraeorum nono.

Quadam sacrificia in Lege dicebantur propitiatoria, non quod mererentur remissionem peccatorum coram Deo, sed quia significabāt futurum Christi sacrificium.

Quid est sacrificium Eucharisticum?

Est quod non meretur remissionem peccatorum, aut reconciliationem, sed fit à reconciliatis, ut pro accepta remissione peccatorum, & pro alijs beneficijs Deo gratias agamus, seu gratias referamus hac nostra obedientia.

Quæ sunt sacrificia Eucharistica
seu laudis?

In Lege fuerunt, oblatio, lauatio, retributio, primitia, decima. &c. Nunc sunt fides, prædicatio Evangelij, inuocatio, gratiarum actio, confessio, crux, humiliatio, adflictiones, sanctorum orationes, item omnia opera bona sanctorum. Hæc sacrificia non sunt satisfactionis pro facientibus, vel applicabilis pro alijs, quæ mereantur eis ex opere operato remissionem peccatorum, & reconciliationem, sed placent Deo propter fidem. De hoc genere sacrificiorum sunt multa sententia in Prophetis & Psalmis. Psalm. 51. Sacrificium Deo spiritus contribulatus. Psalm. 46. Immola Deo sacrificium laudis, Et Petrus ait: Vos cœti genus electum, sacerdotium

MARGARITA

dotinum sanctum, ut offeratis hostias spirituales.
Et Hebr. 13. Per ipsum offeramus hostiam laudis
semper Deo, fructum labiorum, consentium nomi-
ni eius, hoc est, inuocationem, gratiarum actionem,
confessionem, & similia. In Nouo enim testamento
abrogati sunt Leuitici cultus, & debet succedere
cultus spiritualis, hoc est, iustitia fidei, & fructus
fidei. Iuxta illud: Veri adoratores adorabunt pa-
trem in spiritu & veritate Ioan. 4.

DE CRUCE, ET afflictionibus?

Quid est Crux?

EST afflictio à Deo nobis imposita, non ut nos
perdat, sed ut ad poenitentiam reuocet, & fidem
nostram exercent. Vel, est quauis afflictio qua cer-
to consilio, & bona voluntate Dei imponitur, ut ea
probetur fides sanctorum, cognoscatur charitas
Dei, & magnifica liberatione illustrentur pii coram
persequentoribus.

Sunt autem afflictiones, ut dictum est, sacrificia
laudis, non tamen applicanda pro alijs: Iuxta illud
Pauli: Unusquisq; mercedem accipiet iuxta suum
laborem, Item Abacuc, Iustus sua fide viuet.

Quomodo consolabimur nos in Cruce
& afflictionibus?

In omni genere afflictionum debemus habere in
promptu quatuor precipuas consolationes.

Primò,

Primò, nos non affligi casu, sed consilio & permissione Dei. Huc pertinent sententia de providentia. Math. 10. Non cadet unus de passerulis super terram sine voluntate patris, imò capilli vestri omnes numerati sunt. Et. 1. Reg. 2. Dominus mortificat & vivificat.

Secundo, quòd Deus non sinit nos affligi, ut perdat, sed vocet ad poenitentiam, & fidem nostrā exerceat. Sic Paulus. 1. Corin. 11. Cum iudicamur à Domino corripimur, ne cum hoc mundo damnemur. Item. Prouer. 3. Quem diligit dominus, corripit. Heb. 11. Flagellat omnē filium, quem recipit. Apocalip. 3. Ego quos diligo castigo. Et David, Bonnum mihi quia humiliasti me. Et Christus, Beati qui lugent. Ua vobis qui nunc ridetis. &c.

Tertiò, ne (cū videmus impios vivere in maximis opibus & delitijs, nos verò interim omnibus miserijs opprimi) irascamur & indignemur, sed a quo animo obediamus Deo, sciētes quòd ista afflictiones non sunt signa ira aut reprobationis, sed ut fiamus membra similia imaginis Christi. Sic Paulus Rom. 8 Si compatimur conregnabimus: oportet nos conformes fieri imagini filij Dei. Et Petrus ait: Judicium à domino Deo incipit. Et Christus inquit: Qui vult me sequi, tollat crucem suam. Et Paulus: Omnes qui piē volunt vivere, persecutionem patientur. Et David: Qui seminant in lacrymis, in exultatione metent. &c.

Quarto, ut in his omnibus apprehendamus & tenea-

MARGARITA

teneamus fidem, quòd scilicet Deus nobis adfuturus sit, & opem laturus, & pro sua sapientia & bonitate aliquando liberaturus. Et hac fide inuocandus est Deus, sapè enim à Deo affligimur, ut habeamus occasionem exercendæ fidei & inuocationis. Et per ipsam occasionem notitia Dei fit illustrior, & crescit in nobis, sicut docet exemplum Manasse Regis, 2. Paral. 33. Qui postquam adstrictus est, oravit dominum, & Deus exaudivit eum, & agnovit Manasse, quòd Dominus est Deus. Quæ notitia Dei sapè in ocio & voluptatibus, et secundis rebus exringitur. Sicut docet exemplum filiorum Israël. Sedit populus manducare & bibere, & surrexit ad ludendum.

Cur inculcat nobis scriptura tam diligenter
has consolationes?

Ut assuefaciamus animos ad veram penitentiã, & discamus tolerare aduersa, & exerceamus obedientiam & fidem, & maximè tunc reprimamus animi motus, cum iniuria laceffiti incendimur cupiditate vindictæ: Sic Esaias: In silentio & spe erit fortitudo vestra. Et Christus ait: In patientia vestra possidebitis animas vestras. Luc. 21.

Quæ est vera patientia?

Est non solum obedire Deo in afflictionibus, sed etiam indignationem infirmæ naturæ vincere, aut certè repugnare. Et hæc virtus necessaria est in Ecclesia & republica, videlicet, priuatum dolorem
condo-

condonare tranquillitati publicæ, ne in Ecclesia discordia excitentur, propter priuatas similitudines. Instituiamus potius animo omnes cruciatus perpeti, quàm propter priuatam iniuriam perturbare publicam tranquillitatem.

Quid verò agit mali impatientia?

Impatientia irascitur Deo: Et primum obedientiam, deinde & fidem ex animis expellit. Itaque in magnis afflictionibus multi sunt prorsus blasphemæ, & querunt consilia contra mandatum Dei. Sicut Saul consuluit veneficam. Gignit & dolor iniuriæ odium, & incitat ad vindictam. Quæ ex re sæpe veniunt non solum priuata dissensiones, sed etiam seditiones & publici motus. Item, hæreses, & multa mala. Hæc à Christiano procul absint.

DE HUMILIATIONE.

Quid est humiliatio?

Humiliatio erga Deum, est verus timor Dei, quo terræ iudicio Dei conscientia, abiciunt omnem fiduciam suarum virium, suæ sapientiæ, suæ iustitiæ. &c.

Exemplum habemus in Dauide. Hic obiurgatus à Nathan, cernit suum peccatum, non confidens se iustitia sua esse placaturum iram Dei. Cum videret se è regno eici, agnoscebat id fieri consilio diuino, ideo non fidebat suis viribus, aut sapientia regnum se retinere posse.

De

MARGARITA

De hac humiliatione. Esa. 66. Super quem requiescet spiritus meus, nisi super humilem? Et Christus: Beati humiles, &c. Proinde humiles exaudiuntur à Deo. Psalm. 101. Respexit in orationem humilium, &c. Exaltantur à Deo, Luca. 1. Deposuit potentes de sede, & exaltauit humiles.

Monachorum humiliatio, quam finxerunt in externo vestitu & ceremonijs, est planè hypocritica, potius dixeris superbiam.

DE ORATIONE.

Quid est oratio?

EST alicuius rei à Deo ex adfectu cordis cum fide petitio, & gratiarum actio pro rebus à Deo acceptis. Hinc, orare, est cum Deo loqui & aliquid ab eo postulare.

Quot sunt species orationis?

Dua. Inuocatio siue precatio, & gratiarum actio.

Quid est inuocatio?

Est qua inuocatur in aliqua re Deus, aut qua à Deo aliquid petitur. Huc pertinent Psalmi precatorii.

Quot requiruntur ad inuocationem seu precationem?

Quatuor, Præceptum Dei, Promissio, Fides, & res petenda.

Quod est primum?

A. 4. 9.

Autoritas diuini mandati, qua iubet precari & inuocare Deum. Discamus non tantum esse peccatum, iurare per nomen Dei, furari, mœchari, &c. sed etiam peccatum esse, non orare, non petere aliquid à Deo, non expectare auxilium in periculis, non agere gratias pro beneficijs. Item, non esse nobis liberum precari, aut non precari, sed necessarium opus à Deo nobis praeceptum.

*Sed inquis, deterrent me incredulitas
& indignitas?*

Cùm obstrepit incredulitas, opponas verbum Christi, Matth. 7. Petite, & dabitur vobis: omnis enim qui petit, accipit. Et Psalm. 49. Inuoca me in die tribulationis, & ego exaudiam te, &c. Cum verò obstrepit indignitas, cogites auctoritatem diuini mandati non esse detractandam propter nostram dignitatem. Magna certè amentia esset in ceteris praeceptis disputare, nos ideò nolle abstinere à furtis, à cede, ab adulterio, &c. quia non sumus digni, qui Deo obtemperemus. Quis pater familias imperans seruo legitimum opus, recipiet serui excusationem, si dicat se non esse dignum, qui obtemperet?

Quod est secundum?

Promissio Dei, qua testatur exaudiri preces, Ioan. 16. Amen dico vobis, Quicquid petieritis patrem in nomine meo, dabit vobis. Et Luca. 2. Quanto magis pater vester qui est in cælis, dabit
I. spiritum

MARGARITA

spiritum sanctum petentibus se.

Taulerus dicit, animum hominis nunquam tam anidum esse posse ad accipiendum, quin deus multò anidior sit ad dandum. Est enim verax, et servans promissionum suarum.

Quod est tertium?

Fides, ut scilicet credamus nobis remitti peccata, et nostras preces placere Deo, et exaudiri propter Christum: nec esse irritas, sed impetrare vel liberationem ex presenti periculo, vel mitigationem, vel alia quadam bona. In presentibus periculis addimus conditionem, si Deo non displicuerit, si iudicaverit nobis conducere, quemadmodum David fecit. 2. Reg. 15. Si inuenero gratiam in oculis Domini, reducet me, Sin autem dixerit mihi, non places, præstò sum, faciat quod bonum videtur ipsi. Sic leprosus, Math. 8. Domine, si vis, potes me mundare. Et Christus inquit: Pater, si possibile est, transeat à me calix iste, veruntamen non sicut ego volo, &c. Neque tamen modum liberationis, neque tempus Deo præscribere debemus, sed quemadmodum Paulus ait: Deum facere supra quàm petere aut intelligere possumus. Porro cum differuntur ea qua petimus, non languescat fides, quasi deus nolit audire preces nostras, sed sciamus hac mora exerceri fidem. Sicut Abrahæ promissa soboles, primum data est in extrema senectâ.

Quod

Quod est quartum?

Res petenda. Nam oratio non debet esse inanis Battologia. Oportet aliquid peti à Deo, aut promunere aliquo gratias agere.

Quid ergo petendum est?

Scriptura iubet petere spiritalia & corporalia beneficia, res priuatas & publicas, presentes et futuras. Item iubemur orare pro Ecclesia, ut liberemur ab impietate, à scandalis, ut plures obediant Euangelio & saluentur. Paulus iubet orare pro Regibus & Magistratibus, ut deus concedat pacem. Item, iubemur petere victum, & alia bona corporis. Quemadmodum hæc omnia Oratio dominica complectitur.

DE ORATIONE

Dominica.

Quid est oratio Dominica?

EST breuis orandi formula, discipulis & cunctis fidelibus à Christo tradita. Math. 6. Cum oratis, dicite: Pater noster qui es in cælis.

Dic Orationem Dominicam.

Pater noster qui es in cælis.

Sanctificetur nomen tuum.

Adueniat regnum tuum.

Fiat voluntas tua, sicut in cælo & in terrâ.

Panem nostrum quotidianum da nobis hodie.

I. y.

Et

MARGARITA

Et dimitte nobis debita nostra, sicut & nos dimittimus debitoribus nostris.

Et ne nos inducas in tentationem.

Sed libera nos à malo. Amen.

Præfatio titulus est. Vocamus enim Deum Patrem nostram, in cælis habitantem, ubi non terrenam hereditatem, sed cœlestia gaudia et vitam æternam expectamus.

Prima petitio orat de gloria Dei, de doctrina et profectu Evangelij, scilicet, ut nomen Dei apud omnes homines illustretur. Magna enim impietas est, præferri Dei gloria nomen & honorem operum, & creaturarum.

Secunda petitio, orat de effectu evangelij & gubernatione nostri, scilicet, ut Deus inchoet in nobis regnum suum, per spiritum sanctum, & Satana regnum excindatur.

Tertia orat, ut hic in terris omnes pastores, magistratus, subditi, faciant hoc quod Deo placet. Sicut angeli in cœlo, nihil repugnant eius voluntati,

Hæ tres petitiones ad Dei gloriam pertinent, sequentes nostras calamitates indicant.

Quarta petitio orat victum, pacem, defensionem, succensum in rebus gerendis, liberorum educationem, denique omnia vite commoda, & anima & corporis necessaria.

Quinta orat condonari nobis peccata: idque certo fieri, si nos alijs condonauerimus. Idque ut sciamus certo futurum, proponit nobis hoc opus, vide-
licet

licet, ut alijs vos remittamus. Quare hac petitio docet in omne precatione adhibendam esse fidem remissionis peccatorum, & apprehendendum Christum mediatorem.

Sexta, orat ne insidijs diaboli pertrahamur ad impietatem, & ad alia scelera, ne tandem his irretiti & illaqueati, desperemus.

Septima, orat liberationem ex omnibus peccatis & calamitatibus, ex miserijs & arumnis presentis vite, & ut doneatur nobis vita & iustitia aeterna.

Conclusio, Amen, certificatio cordis est & conscientiae, ut credamus nos à patre exauditos.

DE MAGISTRATV.

Quid est Magistratus?

E*ST ordinatio diuina, à Deo ordinata, ut conseruet disciplinam & pacem, puniat fontes ac seruet infontes, cui obediendum est, non solum propter iram, sed etiam propter conscientiam. Vel sic breuius: Est quævis legitima potestas, inter homines ordinata à D E O, ad defensionem boni, & prohibitionem mali, secundum ius & æquum. Rom. 13.*

Quid est Tyrannus?

Est iniquus magistratus, qui non gubernat secundum Leges, sed pro suo fertur animo & æstu.

Fundamentum Magistratus in scripturis sanctis?

Maximè. Tam in veteri quàm in nouo Testa-

I. ij. mento,

MARGARITA

menta, Genesis. 8. Quicumque effuderit sanguinem humanum fundetur sanguis eius. Et Exod. 21. Si quis per industriam occiderit proximum suum, ab Altari meo euellēs eum, ut moriatur.

Rom. 13. Omnis anima potestatibus sublimioribus subdita sit. Non enim est potestas nisi à Deo. &c.

1. Pet. 2. Subiecti estote omni humana creatura propter Deum, siue Regi, tanquam præcellenti, siue Ducibus, tanquam ab eo missis.

Math. 26. dixit Christus Petro. Qui gladio pugnat, gladio peribit. Et Luc. 3. ait Ioannes Baptistā militibus: Nulli violentiam faciatis, & estote contenti stipendijs vestris.

Est ergo Magistratus ordinatio Dei?

Imò bona creatura dei, & res non solum à Deo permissa, sicut permitti dicuntur mala, ut bella, pestilentia, &c. sed res approbata à verbo Dei, instituta et ordinata à Deo, sicut motus cælestes à Deo ordinati sunt, & aliæ creatura.

Cur ergo tot improbi & mali rapiunt & tenent Magistratum & Imperia?

Discerni debent persona ab officio. Officium opus Dei est, & manet, etiamsi persona abutuntur ordinatione Dei. Quemadmodum Nero, Iulianus, & similes.

In quas res debet respicere Magistratus?

In Deum, in seipsum, et in subditos.

Cur in Deum?

Ut sciant, quòd sit eorum officium, & quid deus ab his requirat. Requirit autem ab eis quatuor.

Primò, agnitionem Dei, ut scilicet, agnoscant Deum: illum esse, in cuius manu sunt omnes potestates, qui transfert Regna, & constituit Imperia. Quemadmodum Moyses ait Deuteronomio. 10. David primo Chronicorum. 30. Daniel. 4. Rex Babylonis non agnuit Dominum Deum, ideo è regno eiectus est.

Secundo, timorem Dei, ut timeant Deum in omnibus, & in lege eius ambulent sedulò. Sic Moyses hortatur Deut. 17. Et Psalm. 2. Et Psalm. 82. Pharaò Rex Ægypti, cò quòd non timuerit dominum, correptus est decem plagis, & tandem submersus in mari rubro. Saul contemnens Dei mandatum, à regno deiectus est.

Tertiò, Sapientiam, quam impetrent à Deo, quemadmodum Salomon. 3. Reg. 3.

Quartò, Iudicium & iustitiam, ut iustitiam indicent in terra. Sic Moyses Exodi. 23. Hier. 22. Deut. 16. Esaia. 10. Sapient. 6. Achab Rex Israel, quia iniustitiam exercuit in Naboth, correptus est à domino. 3. Reg. ultimo. Cambyfes Rex Persarum, Sysannem iniquum iudicem excoriari fecit, in terrorem aliorum iudicum, &c.

Cur in seipsum?

Ut sciant, ubi in angustijs querant consolationem,

I. iij.

MARGARITA

mem, & sese multò imbecilliores esse, quàm ut possint conseruare res politicas, contra tantam potentiam Satanae, qui imperia dissipare conatur.

Hac autem consolatio consistit in quatuor.

Primò, in vocatione, ut sciant se legitimè vocatos ad officium magistratus. Nam hoc maximè solatur conscientiam in angustis. Absolon, quia inuasit regnum patris, malè periit, Rex Monasteriensis itidem.

Secundò, ut sciant Deum in hoc negotio esse autorem & aurigam, & Magistratibus vii tanquam instrumentis, ipsiq; præficere angelos in custodiam & tutelam, Daniel. 12. Josue. 5. Iudi. 2.

Tertiò, ut sciant Deum ciuilem iustitiam habiturum, velut preciosissimum thesaurum in terra, adeò ut & Magistratum dignetur vocabulo Elohym. Psalm. 92. Ego dixi dyestis, & inbeat orare pro Regibus & Magistratib. 1. Timoth. 2.

Quartò, ut semper ob oculos habeant exempla & historias Veteris testamenti, quomodo Deus mirabiliter eripuerit Magistratum à presentibus malis. Exemplo sunt Abraham, Ioseph, Gedeon, David, Ezechias. &c. Contrà, quomodo insurgentes in Magistratū perdiderit, exemplo sunt Chore, Dathan, Absolon, Judas Galileus, Thendas, & tumultus rusticorum.

Cur debent respicere in
subditos?

Ut sciant quo pacto debeat subditos in pace &
tran-

tranquillitate regere & conseruare, Uno enim oculo debent respicere ad Deum, altero ad subditos.

Deinde, ne subditos habeant veluti pecora, sed ut consortes & cohæredes vitæ æternæ. Deinde ut tueantur inopes, viduas, pupillos, egenos. Quorum patrem et iudicem sese Deus fatetur. Et ut sciant se quoque habere dominum in cælis. Col. 3.

Tertiò, ut promoueant ac defendant bonos, & corripiant malos, ut sit pax bonis, deinde bona educatio & disciplina, postremò pietas. Corrigere autem debent cum ratione, ne, ut dicitur, seruato concleario peluim conculcent, ne scilicet propter vnius hominis causam faciant iacturam totius urbis aut prouincie, Prouerbiū est: Nescit regnare, qui nequit dissimulare. Exemplo est Dauid, qui volebat occidere Ioab homicidam, se viuente. Et Augustus solitus est dicere: Bellare est aurea hamo pisces comprehendere.

Tria debet Magistratus subditis.

I. Ut æquo animo audiant viduas, pupillos, egenos, & causam eorum iudicent ac promoueant.

II. Ut subditos defendant, & in pace conseruent, ut bonos promoueant, & malos corripiant, & disciplina atque bonis legibus politiam exornent.

III. Ut homines ad pietatem & agnitionem dei instituunt & inuitent. Hac opera valde ornant Magistratum, & placent Deo.

Quid debent subditi Magistratibus?

Tria. Tributum, timorem, honorem & dilectionem,

MARGARITA

nem. Roma. 13. Reddite ergo omnibus debita, cui tributum, tributum: cui timorem, timorem: cui honorem, honorem. Nemini quicquam debeatis, nisi ut inuicem diligatis.

De tributo ait Christus Matth. 22. Reddite quae sunt Caesaris, Caesari.

De timore, Proverb. 24. Fili mi, time dominum et Regem, & cum seditiosis non miscearis.

De honore. 1. Petr. 2. Deum time, Regem honorificate.

Estne potestas Magistratuum infinita?

Minime. Nihil enim debent contra ius diuinum & ius naturae mandare & agere. Deinde peccant etiam, quando aliquid imperant contra Leges sui regni, seu contra formam sui imperij, ut, Non licuit Achab eripere vineam cui Nabothe, contra ipsius voluntatem. Sic non licet Principibus ex fortunis ciuium suorum rapere pro libidine quantum volunt. Nam ciues sunt domini rerum suarum. Et Ioannes Baptista ait: Contenti estote stipendijs vestris, &c. Quare locus de iure regni in Samuele, non concedit infinitam licentiam Principibus, sed loquitur de stipendijs, hoc est, concedit sumi ad vsus publicos stipendia ex priuatorum rebus atque fortunis.

Quid verò, si praecipiant aliquid contra ius diuinum?

Tum respondendum est cum Apostolis: Oportet Deo magis obedire quam hominibus. Exem-

pla

plo sunt Daniel, tres pueri. Item Machabai, Item Apostoli Act. 4. Magis monendi sunt, se esse custodes non tantum secunda tabula, sed etiam prima, hoc est, non tantum pertinere ad Magistratum curam tuenda tranquillitatis civium, sed depellendi iniurias rerum & corporum, seu etiam disciplina in religione retinenda. Quare debet Magistratus prohibere impios cultus, impia dogmata, hereticos, perinuria, & religionis contumelias, quemadmodum fecerunt non solum Reges Israël, sed etiam gentium, Nabuchodonosor, & Darius, qui proposuerunt edicta, in quibus verabatur dici blasphemiam contra Deum Israël. Ita verè erunt beata Respublica. Deus enim vicissim defendet eas, & omnibus bonis cumulabit, sicut dixit: Glorificantes me, glorificabo.

Placèntne Deo opera ista politica?

Imò. Opera vite æconomice et politica, que quisq; quo sua vocatione facit, sunt bona opera, et in pijs sunt veri cultus Dei: sunt enim opera à Deo precepta, ideò & Propheta sæpius præstunt hæc opera politica sacrificijs, Esaias. 1. ait de Sacrificijs: Quis requirit hæc de manibus vestris? &c. Sed de politicis operibus ait: Quarite iudicium, subuenire oppresso, defendite viduam, &c. Et addit præmia: Si peccata vestra fuerint quasi coccinum, sicut nix dealbabuntur. Ose. 6. Misericordiam volo, et non sacrificium &c. Et de æconomicis officijs ait Paulus. 1. Timoth. 2. Saluabitur mulier

MARGARITA

mulier per filiorum generationem. &c. Hic coniungit fidem & opera vocationis.

Cur ergo hypocritæ tantis laudibus
euehunt opera monastica?

Imprudenter agunt, et multorum conscientias perturbant. Officia enim et opera civilis vite, longè anteferri debent monasticis operibus, propter tria.

- I. *Quia habent mandatum dei et vocationem.*
- II. *Sunt officia charitatis, destinata ad communem utilitatem hominum.*
- III. *Sunt obnoxia cruci et periculis communibus, ideo habent exercitia fidei.*

Contrà, Monastica opera non habent mandatū Dei, aut vocationem. Quare sunt inutiles cultus, Math. 15. Frustra me colunt, docentes mandata et doctrinas hominum. Deinde, qui ea docent, non iuuant alios, sed fruuntur suauissimo otio. Quorum deus venter est. Rom. ultimo. Postremò, nullam sustinent partem vel cōmunionem periculorū. &c. Ideo longè anteferenda est civilis vita monasticis ceremonijs et operibus.

DE POLITIA Ecclesiastica.

Quid verò de Politia Ecclesiastica
sentiendum?

*Sicuti de politia mundana reuerenter sentire,
eamque ornare, amare, atque conseruare omni
officij*

officij genere debemus : Ita & politiam Ecclesiasticam ex animo & summa pietate amare ac venerari debemus.

Quot sunt partes politix
Ecclesiasticæ?

Dux. Altera est ministerium diuinitus ordinatum. Ad id pertinet, quod Ecclesia habet mandatum vocandi seu ordinandi ministros, qui publice doceant Euangelium, & administrent sacramenta, & annuncient remissionem peccatorum singulis vel multis. Item, quod Ecclesia habet iurisdictionem, ut à communione arceat eos, qui in manifestis flagitijs versantur. Hoc ministerium summa pietate debent venerari omnes homines, ut conseruetur. Quare Psalmus ait : *Aperite portas principes vestras, & introibit Rex gloria.* Hac est Margarita, quam venditis omnibus rebus comparare nobis debemus.

Altera est Eutaxia, bona disciplina humanis ordinationibus ornata, qua profunt ad disciplinam & tranquillitatem. Et hanc quoque debemus reuerenter amare & conseruare. Ordinationes enim humane, dierum, locorum, & similes, cæsi non sunt pietas, tamen sunt vincula, qua adiungunt nos Euangelio, per quod infirmur Ecclesia, & dissipatis istis ordinationibus, periclitatur quoque Ecclesia. Ideo cauere debebant Pontifices, ne iniusta Leges aut impij cultus adderentur veteribus & bonis ritibus. Nam iniusta Leges
non

MARGARITA

*non sunt durabiles, & mota labefactant reliquam
politiam. Emendatis igitur vitis, ememus &
conseruemus ritus utiles, praesertim cum Paulus
praeceperit, ut in Ecclesia omnia fiant ordine &
decenter.*

DE MATRIMONIO.

Quid est Matrimonium?

*EST coniunctio viri ac mulieris legitima, ad
procreandum sobolem, & vizandam scortatio-
nem, indissolubiliter instituta.*

Quale opus?

*Opus dei. Deus enim institutor est matrimonij.
Primò, Dei consilio creatur homo Gen. 1. Faciamus
hominem ad imaginem nostram. Secundò, consilio
quoque dei creatur mulier. Ibidem, Non est bonum
homini esse solum, faciamus ei adiutorium. &c.
Et misso sopore in Adam, accepit costam. &c. Et
aedificauit ex ea mulierem. Tertiò, Adduxit eam
ad Adam, & benedixit eis: Crescite & multipli-
camini, & replete terram.*

Quantum se extendit?

*Matrimonium est viri & mulieris legitima co-
pulatio. Et quanquam exempla veteris testamen-
ti testantur polygamiam in usu fuisse, fortassis au-
genda sobolis gratia, vel propter alias causas per-
missa. Nouum tamen testamentum in uniuersum
prohibet, autore Christo, qui reuocat Matrimonium*

ad

ad primam institutionem. *Math. 19. Qui fecit hominem, masculum & foeminam fecit eos. Et Gen. 2. Erunt duo in carne una.*

Vbi est institutum?

In Paradiso, amœnissimo loco.

Quando est institutum?

Statim in ipso mundi exordio, tempore innocentiae, cum adhuc non erat peccatum.

Quare est institutum?

Primò, propter procreationem sobolis, ut genus humanum conservetur. *Gen. 1. Crescite & multiplicamini. &c.*

Secundò, propter vitandam fornicationem & stupra. *1. Cor. 7. Propter fornicationem unusquisque habeat uxorem suam, & unaquæq; virum suum.*

Tertiò, propter vitandum ocium, ut scilicet habeant coniuges quod operentur, ne ociosi peccent.

Quid agendum in Matrimonio?

Coniuges apprehendant firmam fiduciam in deum, utpote coniugij autorem, inter se pacificè & unanimi viuant, prolem à Deo datam & familiam in timore & dilectione dei educandam curent: bonis deniq; suis ita utantur, ne alijs incommodent.

Quid ferendum?

Quæ crux coniugij?

Post prauaricationem dixit deus viro: In sudore vultus tui vesceris pane tuo. &c. Mulieri dixit: In dolore paries filios tuos. &c. Tamen addit consolationem in cruce. Viro ait: Donec reuertaris

MARGARITA

vertaris in terram unde sumptus es. Mulieri ait: Paries quidem, sed in dolore. Et Paulus. 1. Tim. 2. Saluabitur mulier per filiorum generationem, si permanserit in fide.

Potestne initum matrimonium solui?

Minimè. Nam Christus ait. Math. 19. Quod Deus coniunxit, homo ne separet. Caterum ubi adulterium intercedit, ibi solutum est vinculum coniugij, & data fides fracta, quare in tali casu iuxta doctrinam Christi, separare licet.

Quæ sunt seruanda circa matrimonium?

Consensus parentum, aut illorū vicē tenentium. Item, consensus personarum contrahentium: Item, Leges naturæ, Cæsareæ, municipales, & consuetudines patriæ. Spectat enim matrimonium, etiam ad civilia & politica. Item, coniugati sciant hoc genus vite placere Deo, & ideo promissionibus Dei & verbum ornatum esse. Benedictionibus quoque tam corporalibus quàm spiritualibus. Psalm. 128. Labores manuum tuarum manducabis, beatus es, & benè tibi erit: Vxor tua sicut vitis, &c. Item, Matrimonium esse signum spiritualis connubij & societatis, quæ est ecclesia cum Christo. Ephe. 5.

Estne coniugium omnibus liberum?

Maximè. Ante Christum damnata erat virginitas, nec admittebatur aliquam manere virginem, propter semen futurum, quod nesciebatur ex qua scæmina venturum erat. Eratq; maledictio Legis,

non

non ferre semen Israel. Nunc verò liberum est Matrimonium. 1. Corinth. 7. De virginibus præceptum non habeo. &c. At Christus excipit tria genera eunuchorum, Matth. 19. præter hos nemo debet esse extra coniugium.

DE INVOCATIONE

SANCTORVM.

Suntne Sancti inuocandi pro mediatoribus?

Minimè. Nam Paulus ait: Vnus est mediator dei & hominum, homo Iesus Christus 1. Timoth. 2. Et Rom. 8. Christus Iesus mortuus est, imò qui resurrexit, qui est ad dexteram patris, qui etiam interpellat pro nobis. &c. Et. 1. Ioan. 2. Si quis peccauerit, aduocatum habemus apud patrem, Iesum Christum iustum. His sententijs tollitur vanissima illa distinctio, qua Papiæ docent, duplices esse mediatores, scilicet redemptionis, vt Christum, & intercessionis, vt Sanctos.

Suntne Sancti adorandi?

Minimè. Christus enim ait. Matth. 4. Dominum Deum tuum adorabis, & illi soli seruias. Et August. de vera Religione: Honorandi sunt propter mutationem, non adorandi propter religionem. Et angelos honoramus Charitate, non seruitute, nec eis templa construimus. Nolunt enim sese sic honorari à nobis, quia nos ipsos non boni sumus,

Kj.

templa

MARGARITA

templa summi Dei esse nouerunt. Rectè itaque scribitur, hominem ab angelo prohibitum, ne se adoraret, sed dixisse, Deum adora. 19. & 22.

Chrysost. 6. Homilia de profectu Euangelij ait :
 "Non opus est patronis apud Deum, neque multo discursu, ut blandiari alijs, sed licet solus sis, patronoque careas, & per te ipsum deum preceris, omnino tamen voti compos eris. Neque enim tam facile Deus amittit, cum alij pro nobis orant, ut cum ipsimet oramus, etiamsi pluribus malis simus pleni. Exemplo est mulier Chanaanæa. Matb. 15.

Tamen per Tribunos & Comites itur ad
 Regem vel Principem ?

Ambros. Rom. 1. aperte refellit hanc similitudinem, dicens : Sicut iure damnantur lesæ Maiestatis, qui honorificentiam Regis deferunt Comiti aut Tribuno, Sic nimirum rei sunt, qui honorem nominis Dei deferunt creaturæ, & relicto domino, conseruos adorant. Nunc igitur ad Regem per Tribunos, & Comites itur, quia homo utique est Rex, & nescit quibus debeat Rempublicam credere. Ad Deum autem promerendum, quem utique nihil letet, suffragatore non est opus, sed mente deuota..

Quomodo igitur colendi sunt sancti?

Honorificentissimè de Sanctis sentiendum & loquendum est. Quos enim Deus ipse honorat, eos proculdubio honorari vult à nobis. Pater pro filijs suis eos agnoscit. Filius eos fratres vocat, & coheredes.

Spiritus

Spiritus sanctus verò sua templa. Qui igitur eos non honorat, ipsum etiam Christum in eis contemnit, & gratiam Dei, per quem tales tantique euaserunt, parui pendit. Quid enim sentit de Sancta Ecclesia, qui nostra commembra, iam cum Christo in pace constituta, & de aeterna salute certificata non honorat? Vetus Ecclesia Sanctorum memorias celebraui, Gratias egit Deo pro illorum liberatione, pro gratia illa collata, & pro beatitudine eorum, ac pro proximis donis, qua Deus per Sanctos in Ecclesiam effudit. Videmus quoque in Sanctis quid possit Gratia Dei. Quando enim audimus eos, qui nobis similes erant, tam potentes potuisse vincere peccatum, mundum & Mortem, max & nos excitamur ad concipiendam fiduciam tantæ misericordiae Dei in Christo promissæ & exhibitæ. Tum illorū exempla nos inflammant ad imitationē, ut Deum pro simili fide oremus, & Sanctorum virtutes iuxta vocationis nostræ rationem imitemur. Sic confirmatur in nobis fides in Christum, accenditur Charitas, roboratur spes æternæ salutis, cogitamus eos non esse amissos, sed præmissos ad vitam futuri seculi. Colimus erga eos eo cultu dilectionis & societatis, quo & in hac vita coluntur Sancti homines. At cultu latriæ nec colimus, nec colendum docemus, nisi unum Deum. Ipsi enim Sancti vel homines, vel Angeli, exhiberi sibi nolunt, quod uni Deo deberi norunt.

MARGARITA:
DE IMAGINIBVS.

Suntne imagines Ecclesia to-
lerandæ?

EXodi. 20. simpliciter prohibitum est, simula-
chra, aut statuas facere, quæ proponantur ad
cultum seu adorationem. Est enim manifesta Ido-
latria, pugnans cum primo præcepto, Semper au-
tem fuit magna imaginum superstitio apud omnes
gentes, ideo Iudæis seuerè præceptum est, ne ad cul-
tum vterentur statujs aut imaginibus. In Græca ec-
clesiâ multæ fuerunt rixæ, de tollendis in vniuer-
sum imaginibus. Sed sciendum est vsum imaginum
per sese esse liberum, modo caueatur abusus & su-
perstitio, quæ hætenus seruata est in statujs Chris-
ti & Sanctorum, quibus vulgus existimauit alia
quid numinis adesse, tribuit & peculiare cultus
& honores, & exercuit idololatriam in inuocatio-
ne sanctorum.

Quid si populus colat & adoret imagines,
quid tum faciendum?

Si alicubi esset imago, ad quam rude & superstitio-
sum vulgus accederet, & eam veneraretur, &
apud eam auxilium quæreret, hanc debet magistras-
tus eius loci tollere, ne committatur idololatria, ex-
emplo Ezechie Regis, qui aneum serpentem à Mo-
se factum, tandem confregit, propter abusum, quia
populus stolidus cæperat ei diuinos honores impen-
dere, & adorare. 4. Reg. 18.

Suntne

Sunt ne imagines honorandæ ?

Clemens ad Iacobum fratrem Domini ait : Si verè vultis honorare imaginem Dei, homini qui ad imaginem Dei factus est, beneficiatis, honorem & reuerentiam deferatis, esurienti cibum, sitienti potum, nudo indumentum, agro ministerium, peregrino hospitium, & in carcere posito necessaria ministratis. Et rursus: Quis iste honor Dei est, per lapideas & ligneas formas discurrere, & inanes figuras tanquam numina venerari: & hominem, in quo verè Dei imago est, spernere? Et rursus: Quod magis impium, & ingratum, quàm à Deo beneficium consequi, & reddere lignis ac lapidibus gratiam? Si nemo venit ad patrem, nisi per Christum, quid auferimus gloriam Deo, tribuentes illam peccatis & statuis, ac si possent trahere in contemperationem Dei?

Atqui Gregorius vocat imagines
Laicorum libros.

Christiani imaginem Christi, Beate Virginis, Patriarcharum, Apostolorum. &c. habere possunt tanquam memoriale. Ad hoc enim profunt, vt nos admoneant. Dum enim intuemur imaginem Crucifixi, aut Christi resurgentis statim reuocantur nobis in memoriam saluifica mors Christi, & gloriosa eius resurrectio, quarum rerum memoria utilis est & necessaria. Hinc Gregorius ait: Quod legentibus est scriptura, hoc idiotis est pictura. Debent tamen

MARGARITA

Christiani non tantum ex Imaginum Libris, sed ex libro Dei, qui est Scripturarum discere. Et qui nosse cupit Deum, non requirat tantum ab Imaginibus pictorum, sed scrutetur, iuxta Christi mandatum, scripturas. Qui autem nesciunt legere, audiant verbum: fides enim ex auditu. Rom. 10.

Quid verò de reliquijs Sanctorum?

Sanctorum corpora sunt domicilia Dei, & habitacula spiritus Sancti, ideoque primum à pijs eorum ossa collecta & asseruata sunt, propter memoriam: postea accessit superstitio. quæ causa fuit impudentes & scelerata imposturæ, comparatæ ad quæstum, ut quævis ossa pro Sanctorum reliquijs adoranda proponerent. Non avaritia Sacerdotum non modo ex lignis & lapidibus, sed etiam ex mortuorum ossibus materiam avaritiæ suæ captans, suæ rapinæ instrumenta fecit. Quare & canonizationes quoque, ut vocant, Sanctorum, sunt moræ imposturæ Romanorum Pontificum. Multorum enim corpora (ut ille ait) venerantur hic in terris, quorum animæ sepultæ sunt in inferno. Exemplo est latro ille, qui sub nomine Martyris colebatur, cuius altare diuus Martinus destruxit, ut legitur in eius historia.

Quæ sunt veræ reliquiæ Sanctorum?

Ut imitemur eorum fidem, charitatem, constantiam & patientiam, eosque nobis tanquam exempla proponamus, ut quemadmodum illi per gratiam Dei,

Dei, synceriter in Christum credebant, ardentem pro
 ximum amabant, constantem in confessione perdura-
 bant, & patienter mortem pro Christo passi sunt,
 & in regnum Dei recepti: Ita & nos his exemplis
 prouocati, Deum supplices oremus, ut & nobis, qui
 adhuc in carne militamus, similem fidem, charitatem,
 constantiam, & patientiam impertiat, nos sua gra-
 tia seruet, ut sicut illi in tuto sunt collocati, nos
 quoque tandem ubi moriendum est, fratres nostros,
 certo consequamur.

DE SEPULTURA.

Vnde orta est sepultura mortuorum?

EX verbo Dei, Genesis tertio: Cinis es, & in cin-
 erem reuerteris. Quod vocabulum *Aphar*, in
 Hebræo significat effossam tetrā, seu bumentum, quem-
 admodum in sepulchris videtur. Hinc ceremonia hos-
 nestæ sepulture semper fuit in Synagoga & in Ec-
 clesia, & est testimonium nostræ fidei, quod credi-
 mus resurrectionem carnis, & nostræ charitatis era-
 ga proximos defunctos, quos credimus non esse a-
 missos, sed tantum præmissos, non dubitantes eos
 in die Domini, omnes amicos nostros rursum visu-
 ros, mansuros simul cum Christo in æternum. Gen-
 tes præsertim Romani mortuos suos comburebant.

Vbi habenda est sepultura?

Apud Veteres tam Iudeos quàm Gentes, extra
 K.iiij. vrbes

MARGARITA

urbes sepultura fuit. Sic Abraham emit agrum ab Ephron in sepulturam vxoris Saræ. Genes. 23. Vbi & postea sepulti sunt Abraham, Isaac, Iacob, & Ioseph. Sic efferebatur Adolescens defunctus, quem resuscitauit Christus in porta Nain. Luc. 7. Sic Lazarus sepultus erat extra Bethaniã. Sic Christi quoque sepulchrũ erat extra Hierusalem, Hinc vocabulum efferrì, latinis vsu permansit.

Quomodo celebranda est
sepultura?

Sepultura à Christianis religiosè est tractanda, propter ineffabilem spem nostræ Resurrectionis. Et funera sunt à pijs deducenda vsque ad sepulcrum. Et cùm corpus sepelitur, recordamur nos omnes in Adam esse mortuos, & damnabiles. Deinde rursus nos omnes in Christo viuificari, qui omnia restituit, quæ prius Adam corripit & perdidit. Ipse enim mortuus est propter peccata nostra, quæ omnia ipse sua morte expiauit, & nostram mortem aboleuit, & factus est omnibus fidelibus resurrectio & vita. Qui credit in eum, etiam si mortuus fuerit, viuet, Et omnis qui viuit, & credit in eum, non morietur in æternum. Ioannes. 11. Corpora nostra membra sunt Christi. Sicut igitur Deus suscitauit Christum Dominum & caput nostrum, ita & nos suscitabit per potentiam suam. 1. Corinth. 6.

Quomodo habendus est locus
sepulturæ?

Loca vbi fidelium corpora seruantur, dignè à nobis

nobis habere debent: poterunt quoque picturis sacrarum historiarum exornari, quæ nos admoneant fidei, & pietatis, resurrectionis & iudicii. Sic scribit Vlpianus: Religionis interest, monumenta extrui & ornari. Contra qui busta & polyandria violant, lege Solonis infames sunt. Porro spiritum Sadducæorum & Epicureorum habent, quos nulla omnino resurrectionis & futurae vitæ cura sollicitat, qui corpora mortuorum tanquam Asinorum cadavera abijciunt, & ossa defunctorum pedibus conculant. & cæmeteria contemnunt, nullam prorsus sepulturae rationem habentes. Nam & Eusebius & Athanasius, Christianorum cæmeteria memorant, in quæ orandi gratia conuenire solebant, quæ loca Christianis sacra erant, propter quiescentium ibi Sanctorum corpora. Hinc νομικεῖον, vocabant, hoc est, dormitorium: & Iudæi doctiores, Bethaym, hoc est, domum viuentium. Credunt enim Abraham, Isaac, Iacob, & pios omnes viuere, & hæc corpora reuictura, & animabus reddenda.

DE RESVRRECTIONE

mortuorum.

Quid est resurrectio mortuorum?

EST qua in nouissimo die resurgent omnes homines à mortuis, pii ad vitam æternam, impij ad supplicia æterna.

Vnde

MARGARITA

Vnde probas Resurrectionem mortuorum?

Hic articulus fidei est inter præcipuos, propter quos Reliquos omnes profiteamur. Ideo Scriptura, præsertim noui Testamenti, plena est testimonijs. Ac ad confirmandos animos aduersus Epicureas opiniones, & alendum timorem ac fidem, prodest in conspectu habere multa testimonia, qui testantur, quòd sumus resurrecturi cum his corporibus.

Matth. 23. Probat Christus resurrectionem mortuorum, ex eo quòd Dictum est à Deo: Ego sum Deus Abraham, & Deus Isaac, & Deus Iacob. &c. Deus inquit, non est Deus mortuorum, sed viuentium. Ergo necesse est, Sanctos qui mortui sunt cum corporibus resuscitari.

Item cap. 19. resurrectionem vocat Regenerationem, cum hæc corpora ex Sepulchris resuscitata renouabuntur. Lucæ. 14. Retribuetur tibi in resurrectionem iustorum. Iohan. 6. Hæc est voluntas patris mei, vt omnis, qui videt filium, & credit in eum, habeat vitam æternam, & ego resuscitabo eum in nouissimo die, Roman. 8. Si spiritus eius, qui suscitauit Iesum à mortuis, habitat in vobis, viuificabit & mortalia corpora vestra, propter inhabitantem spiritum eius in vobis. Ibidem: Sed & nos primitias spiritus habentes intra nos gemimus, adoptionem filiorum Dei expectans, Redemptionem corporis nostri. 1. Corinthi. 15. instituto propugnat

pugnat hunc articulum toto capite . Probat autem ex resurrectione Christi, necesse esse ut & nos resurgamus. Idem enim resurrexit Christus, ut vinceret & aboleret mortem, & redderet nouam & eternam vitam credentibus. Sicut per hominem Mors (inquit) ita per hominem resurrectio Mortuorum. Et sicut in Adam omnes moriuntur, ita & in Christo omnes viuificabuntur.

2. Corinth. 4. Semper mortificationem Iesu Christi in corpore nostro circumferentes, ut & vita Iesu manifestetur in corporibus nostris. Si vitam Christi manifestari oportet in corporib. nostris, necesse est corpora nostra liberata à morte, & resuscitata, viuere eterna vita. 1. Thessal. 4. Si credimus quod Iesus mortuus est, & resurrexit, ita & Deus eos qui dormierunt adducet cum eo.

Dic aliqua testimonia veteris Testamenti.

Esaie. 23. Deuorabitur in monte isto facies inuolutorum, qua omnes populi inuoluti sunt, & operimentum, quo omnes gentes coopertæ sunt, & mors deuorabitur in sempiternum. &c.

Esaie. 26. Viuent mortui tui, interfecti mei resurgent. Expergiscimini & letamini qui habitatis in puluere. &c. Vade populus meus intra cubacula tua & claude ostia tua. &c.

Ezech. 37. Ecce ego aperiam tumulos vestros, & educa vos de Sepulchris vestris, populus meus. &c. Iob. 19. Scio quod redemptor meus viuit, & in nouissimo

MARGARITA

missimo die de terra resurrecturus sum, & rursus circumdabor pelle mea, & in carne mea videbo eum.

Postremo hic articulus passim in promissionibus & exemplis patrum inuolutus est. Quia enim sanctis promittitur liberatio, glorificatio, & illi tamen in hac vita affliguntur & subiiciuntur: igitur necesse est restare aliam vitam, in qua uiuant glorificati.

Sic Epistola ad Hebræos docet, patres tenuisse fidem resurrectionis. Iuxta fidem defuncti sunt omnes isti, non acceptis repromissionibus. &c.

Ideo Iacob filiis suis mandat, ut adiungatur sepulchro patrum suorum. Et Ioseph iubet ossa sua asportari ex Ægipto.

Resurgentne omnes homines pariter
boni ac mali?

Vna & communis erit omnium mortuorum resurrectio, tam piorum quam impiorum, sed conditione inæquali. Pijs enim resurgēt ad vitam æternam, impij ad iudicium & pœnas æternas.

Proba quod etiam impii cum corporibus
sunt resurrecturi ad supplicium.

Ioan. 5. ait Christus: Venit hora, in qua omnes qui sunt in monumentis, audient vocem filij hominis, & procedent, qui bona egerunt in resurrectionem vitæ, qui verò mala egerunt, in resurrectionem iudicij.

Daniel. 12. Multi de his qui dormiunt in pulvere terre, euigilabunt. Alij in vitam æternam, alij in opprobrium, ut videant semper.

2. Cor. 5.

2. *Corin. 5.* Omnes nos manifestari oportet ante tribunal Christi, ut referat unusquisque propria corporis prout gessit, siue bonum siue malum.

Math. 10. Timeate eum, qui potest & animum & corpus perdere in gehennam.

Esaia. 66. Egredientur & cadavera (id est corpora) virorum, qui praeuicati sunt in me. Vernis eorum non morietur, & ignis eorum non extinguetur, & erunt ad satietatem disionis omni carni.

Quomodo fiet resurrectio?

Paulus. 1. Corin. 15. In ictu oculi, in nouissima tuba. Canit enim tuba, & mortui resurgent incorrupti, & nos immutabimur.

Quomodo fiet hæc immutatio?

Oportet (inquit) hoc corruptibile induere incorruptibilitatem, & hoc mortale induere immortalitatem. Cum autem hoc corruptibile induerit incorruptibilitatem, tunc fiet sermo, qui scriptus est: Absorpta est mors in victoria.

Qualiter resurgent?

Gloriosè, absque omni defectu spiritali & corporali. *Paulus. 1. Corin. 15.* quatuor dotes corporis glorificati enumerat, incorruptibilitatem, claritatem, potentiam vel agilitatem, & subtilitatem. Seminatur (inquit) corpus, hoc est, in terram sepelitur, in corruptione, ignominia, infirmitate, animale corpus: Resurget in incorruptibilitate, gloria, potentia, corpus spirituale.

MARGARITA

De typum nostræ Resurrectionis in creaturis.

*Respice granum tritici, quod aridum in terram
projicitur, & non viuificatur vt germinet, nisi mor-
tuum fuerit, aut computruerit. Ioan. 12. ait Chri-
stus: Nisi granum frumenti. &c. Pusillum, vile,
ac siccum granum infoditur humo, quod in limo pu-
trefactum, velut reuiuiscens, prorumpit in teneram
herbulam, mox culmi, deinde aristæ. Sic idem illud
corpus tuum, quod sepelitur tamen resurget, sed in-
effabili pulchritudine. Iusti enim in regno Dei ful-
gebunt vt Sol.*

*Quid verò illi, quos vltimus dies re-
periet in carne viuos?*

*Non incidunt illi in manus pollinctorum aut
funeratorum. Nam Paulus ait. 1. Thess. 4. Nos qui
reliqui erimus, simul rapiemur cum his, qui antea
mortui sunt, in nubibus, in occursum Domini in aera
& sic semper cum Domino erimus.*

DE CONSUMMATIONE

*SECULI, DE IUDICIO EX-
tremo, siue die Domini.*

Quid est consummatio seculi?

***E**ST cùm status huius mundi & vicissitudo tem-
porum præteribit, cùm cessabit æstas & hyems,
nox & dies. Gen. 10.*

Quid

Quid est iudicium extremum siue Dies Domini?

Est quando Dominus Iesus Christus in aduentu suo, cum virtute magna & maiestate extremum omnibus hominib. iuxta sua facta sententiam feret eo quam & irrefragabilem, tum pijs, tum impijs, ad vitam eternam, aut ad supplicium eternum.

Quotuplex ergo est aduentus Christi?

Scriptura duos aduentus Christi docet. Prior erat humilis, quando incarnatus venit in forma serui, ut peccata nostra portaret. Alter erit gloriosus & terribilis, quando veniet ut supremus Iudex maiestate inenarrabili, in fine seculi, iudicaturus viuos & mortuos. Augustinus: Venit Christus occultè iudicandus, veniet & manifestè iudicaturus.

Actor. 10. Christus constitutus est à Deo, Iudex viuorum & mortuorum.

Et Actor. 17. Statuit diem, in quo iudicaturus est orbem in equitate.

Quomodo veniet iudicaturus?

Visibiliter in nube, quemadmodum ascendit, Actor. 1. Et in Maiestate & Gloria. 1. Thess. 4. in voce Archangeli, & tuba Dei.

Cur iudicaturus?

Vt pijs in corpore & anima reddat gaudium & vitam eternam, impijs afflictionem & ignem eternum.

Quis

MARGARITA

Quis erit ordo extremi iudicii?

Quædam signa præcedent diem iudicii, quidem ipso die illucescente fient, quædam sequentur.

Quæ præcedent?

Romanum Imperium desolabitur, reuelabitur homo peccati, 2. Thessalo. 2. surgent Pseudochristi & pseudopropheta. Ecclesia Christi gravissimas persecutiones patietur. Matth. 24. Erunt signa in Sole & Luna. &c. Luc. 21. Euangelium prædicabitur in uniuerso orbe.

Quæ fient ipso die?

Aduentus Christi erit subitus, sicut exitus fulguris ab oriente in Occidentem. Ignis ante faciem eius præcedet. Psal. 96. Signum filij hominis apparebit in cælo. Resurgent mortui omnes, tam pii, quam impij. Christus segregabit malos à bonis & proferet sententiam vltimam. Matth. 25.

Quæ sequentur?

Renouatio mundi visibilis, supplicium impiorum æternum, vita piorum æterna.

Potest ne sciri hora & dies iudicii?

De die illo & hora, inquit Christus, Matth. 24. nemo scit, ne angeli quidem, nisi pater meus solus.

Et. 1. Thess. 5. Dies domini sicut fur in nocte, ita venturus est: cian dixerint pax, & securitas, tunc repentinus eis superueniet interitus.

DE VITA AETERNA.

Quid est vita æterna?

Est gustus & sensus perpetuus gratiæ & misericordiæ dei, et pax seu gaudium perpetuum conscientie, in cordibus fidelium. Vel, est certa dei & domini nostri Iesu Christi notitia, quæ hic in fide sub spe certa et spiritu incipit, & manifestabitur post hanc vitam ad perpetua gaudia, et immortalæ hereditatē. Breuius sic: Vita æterna est cognoscere deum verum, et quem misit Iesum Christum. Ioan. 12.

Quæ est mors æterna?

Est perpetuus horror conscientie ab ira dei.

Quis promisit vitam æternam?

Christus dominus noster.

Quibus?

Credientibus. Sic enim ait Ioan. 3. Qui credit in filium dei, habet vitam æternam: qui autem incredulus est filio, non videbit vitam, sed ira Dei manet super illum. Et Ioan. 5. Amen, amen dico vobis, qui verbum meum audit, & credit ei qui misit me, habet vitam æternam, et in iudicium non veniet, sed transeat à morte in vitam.

Lj.

Qui

Qui sunt esse Quis virg æternæ.

Non sentire amplius peccatum, mortem, sed habere perpetua gaudia & letitiam. Esaia. 25. Et mors deorabitur omnino, & absterget deus omnem lacrymam ab oculis eorum, & mors ultra non erit, neque luctus, neque clamor, neque dolor erit ultra, Apo. 21. Esaia. 65. Ecce ego creo celos novos, & non erunt in memoria priora, & non ascendent super cor, sed gaudebitis & exultabitis in sempiternum; in iis quæ ego creo. Quia ecce creo Hierusalem exultationem, & populum eius gaudium, & exultabit in Hierusalem, & gaudebo in populo meo, & non audietur in eo ultra vox fletus, & vox clamoris. &c. Item cap. 51. Qui redempti sunt à domino, reuertentur, & venient in Sion laudantes, et letitia sempiterna super capita eorum. Gaudium & letitium tenebunt, fugiet dolor & gemitus. Psalm. 21. Edent pauperes, & saturabuntur, & laudabunt dominum, qui requirunt eum, vivient corda eorum in seculum seculi.

Psalm. 4. Illi abundabunt frumento & vino, Ego autem dormiam & requiescam, quia tu domine facis ut secure habitem.

Esaia. 64. Oculus non vidit, Deus, absque te, quæ preparasti diligentibus te.

Hæc testimonia ostendunt vitam æternam futuram esse talem statum, in quo liberati à peccato, morte,

morte, et omnibus calamitatibus, vivamus in per-
petua luce, vera notitia Dei, & fruamur æternis
gaudijs, & perpetua letitia. Quam nobis donet
deus propter filium suum IESVM CHRIS-
TVM, qui cum Patre & Spiritu Sancto
vivit & regnat super omnia
benedictus.

Amen.

FINIS.



INDEX LOCO- rum & quæstionum

huius libelli.


PASTOR ECCLESIAE.

Quid officium pastoris.	fol. 4. a
Quid requiratur vt sit idoneus.	ibidem
Vocatio legitima.	ibidem
Vocationis modus duplex.	ibidem
An licitum, & quid sit petere ministerium	5. a
Propositum suscepturi ministerium	5. b
Sûma doctrinæ christianæ tradenda in eccl.	6. a
Partitio summaria totius scripturæ	ibidem

De Lege.

Quid & quotuplex sit Lex.	6. a
Quid lex Diuina, Humana, Naturæ	ibid.
Leges Mosaicæ quotuplices	6. b.
Lex Moralis, quid & vbi tradatur	ibid.
Quid inter legem Naturæ, & Moralem, seu Decalogum, intersit	7. a.
Decalogi partitio & breuis expositio	7. b.
Leges Mosaicæ, iudiciales, siue forenses	8. b
Leges ceremoniales.	ibid.
Legis diuinæ effectus & officia.	ibidem.
An possit homo suis virib. legē dei præstare.	9. a
An possit iustificari per legem?	ibid.
Cur traditæ leges Mosaicæ, si nō iustificanti.	ibid

De



INDEX.

De Euangelio.

Discrimen Legis & Euangelij.

10.2.

De promissionibus.

Promissiones scripturæ sanctæ, & euāgelij. 10.a

Opus euangelij, Summa euangelij.

11.a

De peccato.

Quid peccatum, & quæ causa peccati. 11.b

An concedenda sit contingentia. ibid.

Contingentia, Necessitas, Fatum, Quotuplex peccatum. ibid.

Quid peccatum originis. 12.3

Quæ causæ peccati originis. ibid.

Quod materiale, quod formale peccati orig. 12.b

Quid concupiscentia. ibid.

Qui effectus peccati. ibid.

An maneat peccatū originis in sanctis, et quomodo remittatur peccatū originis in bapt. 13.a

Quare maneat poenæ, scilicet, mors corporalis & ceteræ calamitates cum peccatum remittatur. ibid.

Quid peccatum actuale. 13.b

Quid reddat personā vitiosā vel acceptā deo. ib.

Quotuplices sint affectus in natura hom. 14.a

Quomodo agnoscantur peccata. ibid.

Discrimen peccati mortalis & venialis. ibid.

Quæ dicantur peccata mortalia, 14.b

L. iij.

Quid

INDEX.

- ad sentiendum, de patrum diuisione, peccatorum actualium, interna & externa. 15.a.
 De peccatis omissionis, & ignorantie affect. ibi.
 Quid requiratur in conuersis. ibid.
- De gratia.*
- Quid significet, quid sit gratia. 15.b.
 Quomodo intelligendum sit, cum dicitur Gratia sumus iusti. 16.a.
 Que cause gratie. 16.b.
 Quomodo contingat nobis gratia. ibid.
 An sit aliquod meritum nostrum in reconcilia. 17.a.
 Qui effectus gratie. 17.b.
 Quomodo gratia liberet à peccato & morte, tamen maneat adhuc peccatum herens in carne, & mors corporalis. ibid.
 Quare Paulus discernat gratiam & donum. 18.a.
 Spiritus gratie & precum apud Zachariam. 18.b.

De iustificatione.

- Quid significant, iustificari & iustificatio. 18.b.
 Quid complectatur, quomodo fiat, quæ causa iustificationis. 19.a. & b.
 An agat aliquid nostra voluntas. 19.b.
 Que sit sententia dicti, Fide iustificamur. 20.a.
 Sit ne vera propositio: sola fide iustificamur 21.a.

De Bonis operibus.

- Qualia requirantur, & que sint bona opera. 23.a.
 Cata-

INDEX VII

Catalogus bonorum operum ex decalogo	23. b
Quod maneat in sanctis peccatum.	27. a
Inchoata obedientia.	ibid.
De dignitate & causis bene operandi.	26. a
Quid noceant mala opera.	27. a
An bona opera sint meritorie vite eter.	28. b
Quare vita eterna vocetur merces.	28. b

Penitentia, Contritio,

Quid fides pœnitentię pars, & de ea testim.	29. a
Timor seruilis, Timor filialis.	30. a
De confessione & satisfactione.	ibid.
Quid sentiendũ de remissione pœnarum, & an claves possint imponere vel tollere pœnas.	31. b
Quid indulgentiæ.	32. a
De Absolutione.	32. b
An lapsi post baptismum possint consequi remissionem peccatorum.	32. b
De locis Epistolæ ad Hebræos.	ibidem.
An sit aliquod peccatum irremissibile.	33. a
Quod sit peccatum in spiritum sanctum.	ibid.
An omnis lapsus post agnitam veritatem sit peccatum irremissibile.	33. b
Qui effectus pœnitentiæ.	ibid.

De fide.

Quod fides significet fiduciã misericordię	34. b
Expositio dicti: Iustus sicut lumen.	35. b

INDEX.

Symbolum Apostolorum, Nicenum, & Athanasij. 36 37 38

De deo & unitate dei.

Personæ diuinitatis. 38 b

Quid significet: In principio erat verbum. 39 a

Spiritus sanctus natura & persona deus 40 a

De Creatione, Creatura.

Quomodo agnoscatur Deus in creaturis & naturis rerum. 41 a

Quomodo utendum sit creaturis 42 a

De humanis viribus, siue de libero arbitrio.

Quantū possit præstare voluntas humana. 42 b

An possit homo aliquid suis virib. præstare. 43 b

Libèrum arbitrium ante & post lapsum. 44 a

De prædestinatione.

Loci Scripturæ qui ostendunt promissionem esse vniuersalem. 45 b

De discrimine veteris & noui testamenti.

An desierit vetus testamentum, 46 a

Litera & spiritus quid significant. 46 b

De abrogatione legis.

An

INDEX.

An impij sint liberati a lege. 47 a

Quæ causæ abrogatæ legis, an tota sit abro. ib.

Quare non liceat omittere Decalogum. 46. b

De libertate christiana. 11

Ad quid profit doctrina de libert. Christi. 48 b

Obedientia necessaria, etiamsi potestas abutatur suo iure.

Quid de ceremonijs à Christo institutis. 49 a

De consilijs in Scriptura.

Consilia in Euangelio an à Christo tradita. 49 a

De vindicta.

Vim vi repellere, quid. 49 b

De paupertate.

Quotuplex disertio facultatum. 50 b

De castitate.

Dictum Pauli : De virginibus præceptum

Domini non habeo, &c.

Cur Paulus laudet & suadeat virginitatem

& cœlibatum. 51 b

De ecclesia.

Quæ hypocritica, quæ vera ecclesia. 51 52

Quid sentiendum de excommunicatis. 53 a

L.v. De

INDEX.

De potestate ecclesiastica.

- Quæ sit potestas ordinis, quæ iurisdic. 53. 54.
Quid differant potestas ecclesiast. et politica. ib.
Quando acceperit Ecclesia clauēs. ibid.
An valeat ministerium malorū ministrorū. ibid.
An debeat minister. ecclesiarū obediētia. 54. b
An etiam in ceremonijs condendis debeat
pastoribus obediētia. ibid

De scandalo.

- Scandalum acceptū, scandalū datum. 55. a. & b
Quid agendum sit in rebus indifferentibus. ibid
Quæ cauēda in ecc. ne suboriantur scanda. 56. a

De Sacramentis.

- Quot sacramenta, sint ne alia sacramenta. 56. b
Quomodo varient sententiæ de sacramētis. 57. a
Cur Christus instituerit sacramenta. 57. b

De baptismo.

- Vbi & ad quid institutus, quid significet
baptismus. 58. a
Quis vsus. An possit baptismus iterari. 58. b
Quid inter sit inter baptismū Ioan & Ap. ibid.

De baptismo paruulorum.

- Testimonia quod infantes sint baptizandi. 59. a
Refutatio obiectionis Anabaptistarum. 59. 7

De

INDEX.

De cœna domini.

- Quibus nominibus vocetur Sacramentum
Cœnæ Dominicæ. 60.a
Verba Cœnæ Dominicæ. ibid
Quis sit vsus salutaris huius Cœnæ. 60.b
Quid interfit inter sacramentū & sacrificiū. 61.b

De sacrificijs.

- Quid sacrificium propitiatorium. ibid
Quid sacrificium Eucharisticum, seu laudis. 62.a

De cruce & afflictionibus.

- Quæ consolatio in cruce & afflictionibus. 62.b
Quæ vera patientia. 69.b
Quid mali adferat impatientia. 64.a

De humiliatione.

- Humiliatio quid? 64.a

De oratione.

- Quid oratio. 64.b
Quot requirantur ad inuocationē seu prec. ibid

De oratione Dominica.

- Breuis expositio orationis dominicæ. 66.b

De Magistratu.

- Quid tyrannus. 67.a
In

INDEX.

Infundetur Magistratus in scripturis sanct.	ibi.
An Magistratus sit ordinatio Dei.	67 b
Quod non sit res mala, etiam si multi mali capiunt imperia.	ibid
In quas res debet respicere Magistratus.	ibid
Quid debeat Magistratus subditis.	68 b
Quid debeant subditi Magistratibus.	69 a
An potestas Magistratum sit infinita.	69 b
Quid agendum si præcipiunt aliquid contra ius diuinum.	ibid
An placent Deo opera ista politica.	70 a
Quod falso hypocrytæ euehāt opera mon.	70 b

De politia Ecclesiastica.

Politia Ecclesiastica partes quot	71 a
-----------------------------------	------

De Matrimonio.

Quid agendum in Matrimonio	72 a
Quid ferendum, Quæ crux coniugij	ibid
An possit initum Matrimonium solui.	72 b
Quæ sint seruanda circa Matrimonium.	ibid
An coniugium omnibus sit liberum.	ibid

De inuocatione Sanctorum.

Quomodo colendi sint Sancti.	73 b
------------------------------	------

De imaginibus.

An imagines in Ecclesia tolerandæ & ho- norandæ.	74 b
-----------------------------------------------------	------

Grego-

INDEX.

Gregorius vocat imagines laicorum libros. 75 a
Reliquiæ Sanctorum. 75 b

De sepultura mortuorum.

Vnde orta sepultura. 76 a
Quomodo celebranda sepultura 76 b

De resurrectione mortuorum.

Testimonia de resurrectione mortuorum. 77 b
An resuscitandi sint omnes homines pari-
ter boni ac mali. 78 b
Testimonia quod etiam impij cum corpori-
bus sint resurrecturi ad supplicium. ibid
Quomodo futura sit resurrectio 79 a
Typus nostræ resurrectionis in creaturis. 79 b
Quid illi, quos vltimus dies reperiet in
carne viuos. ibid

De consummatione seculi, et iudicio extres- mo, siue die domini.

Quotuplex est aduentus Christi. 80 a
Quomodo venturus ad iudicandū Christus. ib
Cur iudicaturus. ibid
Quis ordo extremi iudicij. 80
Quæ precedent. ibid
Quæ fient ipso die. ibid
Quæ sequentur. ibid
Possit nesciri hora & dies iudicij. ibid

INDEX.

De vita æterna.

Quid sit vita æterna.

81.a

Quæ mors æterna.

ibid

Quis promiserit vitam æternam.

ibid

Quibus.

ibid

Qui sint effectus vitæ æternæ.

82.b

FINIS.

